

WANTOK

NIUSPEPA BILONG OL PAPUA NIUGINI STRET

Ernst & Young audited/
circulation 15,177

60 pes

Namba 953

Wik i stat long Fonde, October 8, 1992.

40 toea

INSAIT:



MOROBE SO SAPLIMEN
• 300 wail bulmakau bagarapim ples - p3
Wingti senisim provinsal gavman



- pes 4
Poreporena Friwe bung stap - p3

9-pela memba winim sia long Nesenel Kot

MESERY GUBAG i raitim

NESENEL Kot i harim pinis kot bilong planti kendidet husat i no win long ileksen.

Na long olgeta bikpela lain man husat i bringim ol hevi long kot, 9-pela memba i

winim ol toktok na sia bilong ol gen long Nesenel Kot. Dispela ol lain em Dere Wamalo long sia bilong Westen provinsal, Jack Genia long Abau open, Michael Nali long Mendi open, Aipe Yimbal long Not Waghi open, Paul Hugo long Aitape Lumi, Bart

Philemon long Lae open, Pater John Momis long Bogenvil provinsal, Tom Koraea bilong Kerema open na Chris Haiveta long Galp provinsal sia.

Ol kendidet husat i bin resis egensim ol dispela lain na ol arapela i bringim ol komplem

bilong ol i go long kot long harim na tok save sapos ol memba i bihainim stret lo na win o nogat. Planti i go kot pinis na sampela i no yet.

Sampela bilong ol i go kot long wan wan provins bilong ol yet. Na sampela i kot long i go moa long pes 2

KIBUNG TOK:
Sevis go gut long Bogenvil

WANPELA Bogenvil Konfrens i bin kamap long Kenbra, Australia long las wik Tunde, Septemba 29.

Siaman bilong Saut Bogenvil Interim Atoriti Nick Peniai i bin stap long dispela kibung. Na em i bin toktok long restoren wok we i kamap nau long hap bilong em. Em i tokim ol pipel olsem wok bilong bringim ol sevis i go bek long ailan kamap gut tru.

Edita bilong wanpela megesin ol i kolim *Pasifik Ripot*, Helen Fraser i tok Peniai i bin tokim ol pipel olsem wanpela we tasol bilong bringim gutpela sindaun i go long Bogenvil em long bihainim sistem bilong ol sief long hap.

Dispela ol interim atoriti i bin kamap aninit long gavman bilong Rabbie Namaliu bihainim tingting bilong olpela Provinsal Afeas ministra, Pater John Momis. *Pasifik Ripot* i tok Peniai i tok olsem: "Indipendens i no wanpela bikpela samting nau. Mipela i laikim gutpela sindaun na ol sevis long kam long mipela. Taim mipela i gat gutpela sindaun, orait, mipela i ken tok tok wantaim gavman long ol narapela samting."

Peniai i tok tu olsem 14 insait long 41 helt senta i op pinis. Na i gat 45 woka i stap long ol senta ya. Na ol i bungim ol yut grup i go moa long pes 3



• Kepten bilong Lae Spiders - Mathias Kin.

Lukim 8 pes Lig Nius

• Mosbi Difens kepten - Kes Paglipari

HINO. BOS BILONG OL HAIWE.



Hino

Ela Motors

PORT MORESBY 229400 • LAE 433655 • RABAUL 921988 • MADANG 822188 • GOROKA 721844 • MT HAGEN 521888
WEWAK 862255 • KAVIENG 942132 • KIMBE 935155 • TABUBIL 589060 • VANIMO 871254 • PORGERA 579367

Wok sekap long Friwe stap long Tunde

KOMISEN i sekap long Poreporena Friwe bai bung gen long sampela taim bihain.

Komisien i bin bung long namba 4 taim long Tunde na skruim taim bilong bung gen. Ol i no tokaut yet long de bilong narapela bung.

Komisina, Graham Ellis i tok long aste olsem taim komiti i bung, ol bai sekap moa long namba 5 na 6 taim. Namba 5 bung bai harim sapos i gat sampela wantok sistem. Na namba 6 bung bai glasim sapos Namaliu gavman i no bihainim stretpela rot na givim kontrak.

Ensinia, Kinhill Krammer na Curtain Brothers husat i winim kontrak long mekim dispela bikipela haiwe i tok long namba 4 bung olsem dispela K65 milien kontrak tupela i kisim long mekim Poreporena Friwe i no kos bikipela mani.

Loya bilong Kinhill Krammer, Stuart

Littlemore i tokim Komisin olsem Kinhill Kramer em i wanpela praivet kampani. Olsem na em i lukluk long mekim profit. Olsem na K65 milien i stret long em.

Em i tok gavman ken bai lukluk narakain long dispela. Bikos gavman i mas wok bihainim baset bilong em.

Em i tok em i no inap long makim friwe projek wantaim ol arapela projek. Bikos em i wanpela nupela kain projek insait long kantri. I no inap long makim wanpela rot projek wantaim bilong friwe.

Wingti gavman ting K65 milien em bikipela mani tumas. Olsem na em i kirapim Komisen long lukluk i go insait long dispela wok.

Michael Sharp, ensina bilong Dipatmen bilong Woks i tok wok long dispela friwe bai i kos K47 tasol. Mista Sharp i sanap toktok long sait bilong Stet.

Grup kamap long stapim kros pasin

WANPELA grup i kamap nau long sapatim tingting we ol man i noken pait o kros nabaut.

Nem bilong grup ya em 'Ol man egensim ol kainkain pasin pait' (MAV). Grup ya i stap long Yunivesiti bilong Papua Niugini long Mosbi. Mausman bilong dispela grup, Simon Yanis i tok ol i kamapim dispela grup bikos ol i lukim olsem trabel na pait i wok long kamap bikipela insait long komyuniti.

Man husat i bin helpim ol long kamapim dispela grup em Peter Wila. Em i bilong Nu Silan. Em i wok wantaim Wota Bod long Mosbi. Nu Silan i gat wanpela kain grup olsem. Planti memba bilong dispela grup em ol studen husat i stadi long Sosioloji na Entropoloji.

Taim grup ya i bin stat long las yia, ol i gat 15 memba tasol. Na long dispela yia, memba bilong grup ya i groa inap 62 olgeta. Na nau ol i lukluk long kamapim ol kain grup olsem long Yunivesiti or Teknoloji long Lae, Goroka Tisa Koles, Divine Wod Institute na Vudal Egrikalsa koles. As tingting bilong dispela grup em long daunim ol trabel we ol man i save paitim ol meri na wokim kain kain long ol.

Yanis i tok ol i save holim trening progrem bilong memba bilong ol. Na long ol dispela trening, ol i save toktok long ol kain kain we bilong daunim ol tingting nogut. Dispela em ol kain tingting we i save kamap long ol pipel na mekim ol long mekim trabel.

3000 wail bulmakau bagarapim ol gaden kaikai Sevis go gut long Bogenvil

JAMES KILA i rattim

MOA long 3000 wail bulmakau i wok long raun nabaut insait long ol bus bilong Bunabun, Murukanam na Garum long Bogia na Not Kos, Madang provins, na i save bagarapim ol gaden kaikai na wara we ol manmeri i save yusim long dring na kukim kaikai.

Wanpela kaunsil long ples Murukanam, Otto Arek i tok ol dispela bulmakau i kamapim pinis planti hevi long ol manmeri long dispela tripela ples. Em i kisim tu ol komplek i kam long ol manmeri long dispela tripela ples.

Arek i tok planti taim ol man long dispela tripela ples i traim long kilim ol bulmakau ya tasol ol i no inap. Long wanem ol man long ples i no gat sot garu. Ol dispela bulmakau i save go insait long ol gaden kaikai long nait o klostu long tulait na

bagarapim olgeta kaikai.

Arek i tok ol dispela bulmakau i bilong 6-pela banis bulmakau bilong ol man long ples. Tasol ol i bin ranawe i go long bus. Na bihain ol pikinini bulmakau i kamap na mekim namba bilong ol i go bikipela.

Em i tok namel long yia 1960 na 1970, sampela opisa long Dipatmen bilong Pramerit Industri i bin traim long kilim ol dispela bulmakau, tasol ol i painim hat tru.

Wanpela ripot Wantok Niuspepa i kisim long Dipatmen bilong Agrikalsa na Laipstok long Madang i tok dipatmen long nau yet i no gat mani long salim ol opisa i go long kilim dispela ol bulmakau.

Long nau yet Arek i tok ol manmeri i save kilim ol bulmakau long ol bikipela de olsem krismas na mekim pati.

Em i tok tu olsem dispela ol bulmakau i save mekim na ol arapela abus olsem mumut na pik i ranawe i go longwe tru.

i kam long pes 1

long lukautim ol helt senta. Ol i save yusim ol skol long lukautim ol pipel husat i no gat ples bilong stap. Tasol nau long i op gen long kisim ol studen long Septemba 28. Na 45 tisa i stat pinis long wok. Long mun Jun, ol i bin go kos bilong helpim ol long tismis ol studen.

Em i tok lo na oda i bikipela samting tasol wok bilong em i kamap isi isi. Bikos kain kain tingting i wok long kamap namel


long ol wan wan interim atoriti long hap. Ol bos bilong ol interim atoriti i save ripot i go long Minista bilong Bogenvil, Michael Ogio. Ol distrik kaunsil bilong ol sief i kam aninit long atoriti na ol wan wan viles sief i wok aninit long ol.

Tupela tisa bilong Australia Nesenel Yunivesti (ANU) i kamapim dispela kibung. Ol tisa ya em Dokta (Dr) Ron May na Dr Bill Standish. Na ol i save wok long

dipatmen bilong Pasifik Stadis bilong Sosol na Politikel Senis.

Dr Standish i tok olsem klostu long olgeta pipel husat i bin stap long bung i tok ol i laikim gutpela sindaun long kamap long Bogenvil. Na sampe'la kain toktok bilong stretim hevi i mas kamap namel long BRA, ol pipel bilong Bogenvil na gavman.

Dispela em namba 3 bung dipatmen bilong Sosol na Politikel Senis long ANU ikamapim.



Kas bilong Titi • Ol dispela yangpela manki long Genoka setelmen long Goroka i gat nem long lukautim na pilal wantaim dispela blakpela kapul. Nem bilong kapul em Titi. Tasol taim ol i holim Titi nabaut, em save belhat na kaikai han bilong ol. Poto Sape Metta.

Ol meri pikinini no kisim helpim long gol na wel

OL helpim i save kamap long wok bilong painim gol, kopa na wel long Papua Niugini i no save go long ol meri na pikinini.

Dispela ripot i bin kamap long wanpela kos bilong ol provinsal seketeri na plena long Madang las mun. Ripot i tok long planti taim, ol man i save lusim ol meri pikinini i stap long ples bilong lukautim ol yet, na ol i go wok long ol main.

Ripot i tok long planti taim, ol man i save go stap

longtaim tru long wok. Na olgeta wok bilong painim kaikai samting i save stap long han bilong ol meri. Na dispela i givim planti wok moa long ol meri. Bikos ol i mas klinim bus bilong wokim gaden, karim paiawut na wokim banis bilong ol gaden na haus.

Dispela ripot i go het long tok olsem dispela tu i as bilong planti hevi nau. Bikos ol pikinini i kamap na i no save long dispela kain laik em ol papa i gat long ol.



WANTOK

NIUSPEPA BILONG OL PAPUA NIUGINI STRET

Gutpela piksa bilong gavman

Bikpela hevi i kamap nau long Morobe nameri long ol kam man na ol asples. Na planti bagarap tu i kamap long dispela.

Kain kain toktok, bel kros na wari i stap pinis na bai kamap yet. Olgeta asples Morobe i laik bung na rausim ol kam man long hap bilong ol. Dispela em ol pasindia o lain long ol skwata setelmen. Bikos ol i sutim tok olsem dispela ol lain i as bilong olgeta hevi long provins.

Ating dispela toktok i tru na bikpela wok i mas kamap nau long stapim kain pasin olsem long taim bihain. Wanem samting i kamap nau long Morobe i mas givim piksa long gavman long wanem samting bilong mekim. Bikos dispela kain hevi inap stat liklik na i go bikpela long bihain.

Nau nesanel gavman i mas suvim nus long stretim dispela hevi. Na long wankain taim em inap yusim dispela hevi olsem as bilong glasim ol arapela wankain hevi na rot bilong stretim ol.

Ating i mobeta tu olsem Gavana Jenerel na gavman i no ken yesa hariap long tingting bilong oraltim aml long go insait long ol setelmen na painim ol raskol. Bikos planti trabel, hevi na wari moa bai kamap. I gutpela long lusim tasol dispela wok nau i stap long han bilong ol plisman, ol viles pis opisa, ol kaunsol na ol komiti na bikman long setelmen yet. Ating dispela ol lain inap bringim gen bel isi na gutpela sindaun.

Wingti gavman lukluk long senisim wok bilong ol provinsal gavman

MESERY GUBAG i raitim

GAVMAN i lukluk nau long senisim sampela wok bilong ol provinsal gavman insait long kantri na mekim ol i ran gut.

Praim Minista Paias Wingti i bin tokim ol bisnisman olsem long las wik Fonde long Mosbi. Em i tok Papua Niugini i stap indipendens long 17 yia pinis. Na planti sevis i no go long planti pipel long ol ples yet.

Em i tok wanpela bikpela samting we i wok long stapim

ol pipel long kisim ol sevis em provinsal gavman yet.

"Bipo taim Konstitusinel Plening Komiti i bin toktok long sistem bilong provinsal gavman, ol i bin tingting long mekim PNG i kamap wanpela.

"Tasol nau dispela tingting i wok long senis. Bikos olgeta taim, taim mipela i laik mekim wanpela tokorait, mipela mas kisim tingting bilong olgeta rijon na provins. Planti i gat kain kain tingting. Na dispela i wok long pulim kantri i go long kankain rot.

"Sampela samting i mas rong long sampela hap

sapos olgeta taim ol provinsal asembli i save apim ilek-trol alowens bilong ol yet, na mekim kain kain long kamapim gutpela sindaun bilong ol yet.

"Dispela i soim olsem dispela provinsal gavman sistem i wok long sapotim wan wan pipel tasol, na planti pipel i no kisim helpim long gavman.

"Ol provinsal gavman i kamap bikos sampela pipel i bin pretim palamen bilong yumi long 1975. Na i kam inap nau, i luk olsem ol provinsal gavman i wok long sampela provins tasol.

"Planti i no save mekim gut wok bilong ol. Ol sevis i no save go long ol pipel. Long olgeta yia, ol provinsal gavman i save kisim K329 milien long mekim wok bilong ol. Long ol dispela mani, ol inap yusim K50 milien long bringim sevis i go long ol pipel. Mi no ting ol pipel i save kisim sevis long ol dispela mani."

Wingti i tok dispela takis mani gavman i save kisim long ol pipel i save sapotim 659 politisen insait long kantri. Em i tok namba bilong ol pipel bilong Nu Silan i wankain olsem bilong PNG.

Henganofi memba askim long Goroka So kamap olgeta yia

NESENEL memba bilong Henganofi, Viviso Seravo i askim nau Goroka so long kamap long olgeta yia. Nau yet so i save kamap long olgeta tupela yia.

Mista Seravo i mekim dispela tok taim em i tok tenkyu i go long ol ogenaia na siaman bilong so komiti bilong dispela yia, Awo Ketawo.

Em i tok Papua Niugini i gat planti tumbuna samting long soim long manmeri bilong ol arapela kantri. Olsem na Goroka so i mas kamap long olgeta yia.

"Papua Niugini i wok long develop yet. Olsem na i moa gutpela long manmeri bilong ol arapela kantri long kam na lukim ol tumbuna pasin bilong yumi," Seravo i tok.

Komiti bai sekim NCDC


LONG Mande Minista bilong Viles Sevises na Provinsal Afeas, John Nilkare i makim wanpela komiti long sekim wok bilong Nesanel Kapital Distrik Komisin.

Em i bin mekim dispela bikos em i kisim ol komplem olsem:

- i gat planti rong i kamap long we komisin i save mekim wok bilong em.
- planti paul pasin i kamap long we komisin i wok long yusim mani bilong ol.
- edministresen o wok bilong komisin i no ran gut.
- komisin i mekim ol samting long laik bilong em yet, na i no bihainim sampela oda bilong nesanel gavman.

Mista Nilkare i makim Philip Bouraga, Opau Udia na Garo Guguna long mekim wok painimaut long wok bilong komisin.

Das kirap long 1992 Madang Festifel



• Ol yangpela bilong Paidakpak komyuniti skul long not kos bilong Madang i hatim tumbuna singsing. Dispela em long Madang Festifel, em i bin kamap long Indipendens wiken long Laiwaden Oval. Long las yia na i go, dispela so i save kamap anit long nem Maborasa Festifel. Ol foto: Ben Taumai.



Koroba Lek Kopiago memba joinim Wingti

MESERY GUBAG i raitim

NESENEL memba bilong Koroba Lek Kopiago, Herowa Agiwa i lusim oposisen na joinim gavman. Bikos em i laikim dispela viles sevises program bilong Wingti gavman.

Em i joinim pinis pati bilong John Nilkare, LNA. Em i tok olgeta polisi bilong pati i sut stret long bringim developmen i go long ol viles pipel. Olsem na em i joinim ol.

Em i tok dispela program tasol inap long bringim sevis i go long ol pipel bilong Papua Niugini. Na em i no bin sanap long ileksen long pilai politik. Em i sanap long bringim sevis i go long ol pipel bilong em.

"Sapos wanpela memba i laik bringim sevis i go long ol pipel bilong

em, em i mas stap insait long wanpela gavman we i sanap strong long tingting bilong bringim sevis i go long pipel insait long ol viles. Na mi laik mekim dispela," Agiwa i tok.

"Ilektoret bilong mi i stap long wanpela hap we i gat liklik developmen. Na mi laik bringim sampela sevis i go long ol pipel bilong mi," em i tok.

Em i tok 7-pela memba bilong Sauten Hailans i stap long gavman nau. Na dispela muv bilong em i bringim namba bilong ol i go long 8-pela olgeta.

"Dispela i gutpela, bikos nau yet provins bilong mipela i stap insait long wanpela taim we planti wok i kamap long ol samting bilong graun olsem well. Na mipela ol memba bai wok wantaim long bringim sevis i go long pipel bilong mipela," em i tok.

WANTOK

NIUSPEPA BILONG OL PAPUA NIUGINI STRET

P.O. Box 1982 BOROKO
Telepon Namba: 25 2500
Feks Namba: 25 2579

PE BILONG WANPELA YIA 52 NIUSPEPA

PLES	AIR
Mosbi	K30.00
Arapela PNG eria	K60.00
Australia na Nu Silan	K92.00
Esia pasifik na Japan	K123.00
Amerika na Yurop	K180.00

BIAS WANPELA NATNAT I PLAI I GO NA PAS LONG HAN BILONG BIABIA...



NAU BIABIA LAIK GIAMANIM OL PORO...

HARIAP TRU EM SINGAUTIM OL PORO BILONG EM LONG KAM LUKIM...



BIABIA I KIRAP NA GIAMANIM OL...

INO LONG TAIM NA NARAPELA SAIT HAN I GURIA NATING...



BIABIA I KIRAP NA GIAMANIM OL...



OLGETA KIRAP NA RAUNIM EM...



■ **KANAGE** go long Lae na bungim wanpela yangpela meri Morobe. Bihain long tupela mun, tupela i marit. Taim tupela i save limimbur raun long taun o maket, Kanage i save so op stret na askim ol poro bilong em long tok inglis, "What you thinkin. I'm lapun na slek, but I marit yang meri coming from Morobe. That is shit mi. I am tun gud."

Sape Metta,
Goroka, E.H.P.

□ **KANAGE** i marit nau tasol na i no save isi long meri Morobe bilong em. Wanpela taim tupela i go digim graun bilong wokim gaden long olpela Lae ples balus. Kanage holim naip na katim bus na meri bilong em i holim spet na digim graun. Meri i taitim bun long suvim spet i go insait long strongpela graun na i taitim bun stret long kamautim. Sem taim em i kapupu strong tru. Kanage i harim na kirap askim, "Yesa mai lewa, mi harim olsem yu kolim nem bilong mi. Olsem wanem, yu gat sampela tingting o?" Na meri i bekim, "Yu orait o? Em garamut bilong bilong Morobe i pairap namel long tupela maunten bilong Wau Bulolo long mekim rot bilong ol singsing grup."

Sape Metta,
Goroka, E.H.P.

■ **KANAGE** wantaim pikinini meri bilong em i go raun long taun na i laik go bek long ples long apinun. Ol i wetim PMV i stap i go na ples i tudak. I no longtaim wanpela las PMV i kam na olgeta manmeri i resis long go antap. Kanage isi yet i stap na ples i pulap. Pikinini meri bilong em lukim olsem na kirap singaut, "Papa, hariap liklik. Nogut bai ples i pulap olgeta." Papa bilong em i harim olsem na siksti i kam bilong kalap i go antap long ka. Tasol em i no save olsem wanpela meri i sanap arere long telbot bilong ka i stap. Kanage suvim het i go na i go insait stret long sket bilong meri ya. Em laik lukluk tasol i no inap na kirap singaut, "Aiy...ooo...man, antap long ka i tudak nogut tru ya. Slekim masis hariap na bai mi lukim ples."

Mack Kalex,
Meni Beach, Wewak.

moa tok pilai long pes 19

Vanimo sot long marasin

FELIX RAMRAM i raitim

OL marasin long Vanimo haus sik long Wes Sepik provins i sot.

Memba bilong Vanimo taun, Rex Namah i bin tokim Sandaun provinsal asembli long Septemba 29 long miting bilong ol. Em i bin askim sapos Helt divisen na minista i go pas na stretim dispela hevi.

Namah i tok dispela pasin bilong larim ol kain hevi i stap na kamap bikpela i no gutpela. Bikos

dispela bai bagarapim ol sik manmeri.

Em i tok long nau yet, planti sik manmeri i wok long kisim sut tasol. Na sapos dispela pasin i stap longpela taim, em inap long bagarapim laip bilong ol pipel.

Em i tok Vanimo haus sik i nogat marasin bilong sik malaria na bilong pasim ol sua. "Foapela mun i pinis nau na i nogat dispela ol marasin yet long haus sik," em i tok.

Long bekim toktok bilong em, provinsal helt minista Jimmy Akuli i tok ol i salim oda i go pinis long Wewak. Olsem na ol i wetim tasol marasin long kamap long ol.



Kas bilong Kundiawa maket • Kundiawa taun maket i save pulim planti manmeri stret. Bikos ol manmeri i save salim ol nambawan kaikai olsem karamap kabis, banana, taro, kaukau, suga na ol arapela kaikai bilong gaden. Noken lus tingting long ol abus bilong bus na fam olsem ol pik na kakaruk. Mit bilong ol tu i save kapsait stret long maket. Mekim na ol manmeri i pulap stret olsem poto i soim long Sarere Septemba 26. *Poto: Michael Koma.*

15 viles long Litipinaga laikim viles kot Rabaul kot odarim

MOA long 15 viles long Litipinaga eria long Lufa, Isten Hailans i laikim wanpela viles kot long hap bilong ol.

Ol i tok ol i laikim wanpela viles kot haus bilong ol yet. Bikos ol i no save kisim gut sevis long kot haus i stap nau. Dispela haus kot i stap long Fomu. Bikos planti taim ol lain long hap i save wansait. Na ol i save harim kot bilong ol yet, na skurim taim long kot bilong ol Litipinaga pipel.

Ol i tok namba bilong ol ples long eria bilong ol i planti, na ol inap long

kamapim wanpela viles kot bilong ol yet. Dispela em sampela toktok ol mausman bai bringim i go long ol provinsal viles kot opis long Goroka. Ol bai i go long hap long askim provinsal viles kot opis long mekim wanpela haus kot long eria bilong ol.

Tripela viles kot opisal na wanpela sinia mejstret, Kamano Dogeva bai bringim dispela askim i go. Na ol i tok sapos ol wokman long Goroka i no harim askim bilong ol, ol i redi long bringim wari ya i go Nesenel Viles Kot Seketeriet long Mosbi.

bisnisman long baim fain

WANPELA bisnisman bilong ples Navunaram long Sentrel Komyuniti gavman eria insait long Is Nu Briten provins i bin kot long holim wara pam long haus bilong em.

Rabaul Distrik kot i painim olsem Albert Tomarum i rong long holim wara pam em sampela taim i stilim na salim long em.

Tomarum i baim dispela wara pam long samting olsem K40 na wanpela katen bia. Prais tru bilong dispela pam em K280.

Kot i painim olsem Tomarum i rong long baim samting em i save we wanpela man i stilim

MR BOSMAN
BILONG STOA

I gat
FRI
PK
Tee Shirt
bilong
yu!

**taim yu baim
5 PELA BOKIS long wanpela
long dispela prodak long
SEETO KUI
long Lae brans tasol!
Long mun Oktoba 5th - Novemba 13th!
(6 pela T-Shirts long wanpela balk)**

HRC 13262

TU MINIT TINGTING

NO KEN SLEK LONG BETEN

"Ol i mas beten long olgeta taim, na ol i no ken les." (L 18:1)

LONG Gutnius bilong dispela Sande, em yumi painim long Luk 18: 1-8, Jisas i stori long wanpela meri i no givap long askim, askim, askim wanpela jas long helpim em. Jas i les long planti askim bilong meri na em i helpim em. Jisas i tok, dispela em wanpela eksampel bilong pasin bilong beten bilong yumi. Sapos yumi no kism kwiktai wanpela samting yumi bin askim God long en, yumi inap givap. Nogat. Yumi mas skruim beten tasol i go, na bai yumi win.

Yumi yet i save long dispela pasin insait long famili. Sapos wanpela pikinini i laikim wanpela samting moa yet, em i save askim, askim, askim tasol.....inap long papa o mama i tok: "Mi les pinis; goan yu kism samting yu laikim." Nau pikinini i lap: em i winim papa o mama pinis. Mi tingim tu eksampel bilong Santu Monika, em mama bilong bikpela

saveman Santu Augustin. Pas-taim Augustin i haiden na i bin mekim kain kain pasin nogut. Tasol mama bilong em Monika i bin beten inap long 21 yia bai God i ken tanim bel bilong Augustin. Na prea bilong mama i win. Augustin i kamap bikpela santu insait long sios.

Ol i stori long wanpela man i mas bringim wanpela bikpela buk i go long wanpela draipela olupela haus. Em i kamap long bikpela dua na i paitim em. Tasol i no gat man i kamap. Insait long windo em i bin lukim i gat man i stap insait long haus. Olsem na nau man i kros na holim wanpela ston na i paitim dua strongpela moa, na i paitim i go i go. Orait, nau em i harim wanpela man i wok-abaut isi isi i kam. Liklik dua bilong spai i op na man ya i lukim pes bilong wanpela lapun meri. Meri ya i askim, "Ating yu laik kam insait, o?" "Kam insait? Olabo,

klostu mi brukim dua bilong yu, na yu askim sapos mi laik kam insait? Ating em i klia tumas long mi laikim tru long kam insait." Nau lapun meri i tok, "Sore. Nabaut hia i gat planti liklik manki i save kam long dua na paitim em liklik na ranawe i go. Ol i bin trikimi mi planti taim. Olsem na mi les long kam long dua. Tasol mi bin harim pairap tru bilong yu na mi ting: Ating dispela man i laik tru long kam insait. Olsem na mi kam long opim dua."

Long tok bilong Jisas, God Papa i save mekim wankain long man o meri i no givap kwiktai long beten. Long laip bilong yumi tu, yumi save mekim wankain. Yumi no save givap kwiktai tumas long mekim wanpela kain wok planti taim. Olgeta yia yumi save mekim sem wok long planim kaikai gen. Long taim man i sapim kanu o kaving, o meri wokim bilum, em i save mekim

sem kain wok inap planti planti taim bai gutpela samting i kamap. Bilong kamap long ples, yumi mas tromoi lek planti planti taim.

Narapela poin i go olsem: Sapos yumi singaut long God planti taim long kism wanpela samting na em i no kamap, ating God i save pinis, dispela samting inap long bagarapim laip bilong yumi. Olsem na em i senisim wantaim narapela samting i moa gutpela.

Ol stori long wanpela meri i bin prea inap longpela taim long Santu Yosef long painim wanpela man i laik maritim em. Em mekim, mekim i no na nogat. Long Sande em i kam bek long lotu na i kirap kros nogut tru long lukim wanpela kaving bilong Santu Yosef i sanap long tebol bilong rum slip bilong em. Em tromoi kaving i go ausait long windo na i paitim stret het bilong wanpela yangpela man i wok-



FRANK MIHALIC I RAITIM

about i go pas. Het bilong man ya i bagarap tru, olsem na em i askim meri ya long banisim. Olgeta de inap long tupela wik, dispela man i kam bek na meri i mekim drai sua bilong em..... na bel bilong em i lus long dispela man. Na bihain long sampela mun tupela i marit. Em nau pasin bilong God bilong givim ansa long beten bilong meri.

Jisas yet i bin tok olsem: "Yupela i mas prea na askim God long givim ol samting long yupela, na em bai givim long yupela.....Olgeta man i prea long God, ol i save kism ol samting." (Mat 7: 7.8.)

Lotu makim 10-pela yia bilong tupela man Rabaul long wok pater



• Pater Martin Vagira (MSC) bilong Rabaul i autim Gutnius antap long alta.

SEPTEMBER 26 i bin makim 110 yia bihain long ol namba wan lain misinari bilong Katolik sios i go kamap long Rabaul insait long Is Nu Briten provins.


Na lotu bilong tingim dispela i bin kamap long Sande, 27 Septemba. No gat planti toktok o nais i bin kamap long dispela.

Bikpela amamas bilong makim 100 yia bilong lotu Katolik long Is Nu Briten i bin kamap long 1982.

Na long dispela taim, tupela yangpela man bilong Rabaul yet i bin kism las blesing bilong kamap olsem ol pater tu. Dispela tupela man em Martin Vagira na Lawrence Waninara.

Septemba 27 i makim tu 10-pela yia bilong tupela man ya long holim wok olsem ol Man bilong God.

Pater Martina i bin makim dispela 10-pela



• Pater Martin Vagira (MSC) i kism ofa long fran bilong alta long Sen Josef haus lotu long Is Boroko, Mosbi. Dispela em long Septemba 29 long makim 10-pela yia bilong em wantaim narapela pater bilong Rabaul long wok olsem pater. Dispela lotu i makim tu 110 yia bilong ol namba wan misinari long kamap long Is Nu Briten provins.

yia bilong em olsem wokman bilong God long Sen Josef haus lotu long Is Boroko long Mosbi.

Dispela bung long Sen Josef haus lotu i bin pulim tu ol memba bilong ol arapela sios olsem long Luteran na

Yunaitet. Bikos olgeta i amamas long kain wok na helpim em sios i kamapim long Is Nu Briten provins.

Ol Matupit bung long sapatim raun bilong Stephanie



• Stephanie (sanap namba tri long raitan) wantaim famili na ol wantok bilong Matupit husat i bin kamap long amamasim raun bilong em i go long Hong Kong.

EDDIE SAUNDERS i raitim

OL pipel bilong Tolai husat i stap long Mosbi i save bung oltaim long helpim wanpela na narapela.

Na dispela helpim i save sut long wok bilong ol pikinini. Dispela em long ol hevi bilong baim skul fi, salim pikinini i go long haus sik na ol kain samting olsem.

Wanpela kain bung olsem i bin kamap long haus bilong Blaise Paivu long Gerehu las wiken. Na ol lain bilong Matupit i go pas long dispela bung.

Bung i kamap long haus bilong

Blaise long kism sampela mani long helpim pikinini bilong Blaise, Stephanie Paivu husat bai go long Hong Kong.

Wokabaut bilong Stephanie i kam aninit long wanpela skul projek bilong ol sumatin bilong Ela Beach Intanesenel Praimeri Skul.

Dispela raun bilong Stephanie i go long Hong Kong bai helpim em tru long lainim kain pasin, laip na sindaun bilong ol pipel long hap. Dispela bai i nupela samting tru long laip bilong yangpela meri Tolai ya.

Olsem na ol wantok, pren na famili bilong Stephanie tu i amamas long kam bung wantaim na sapatim em long dispela wokabaut.

Ol Kolai promis long bihainim gutpela pasin

SAMPELA manmeri insait long Simbu provins i promis pinis long bihainim gutpela Kristen pasin. Bihain long ol i luksave olsem ol i wok long bihainim pasin nogut.

Samting olsem 120 manmeri long ples Kolai long Sinasina distrik i tingting nau long bihainim stretpela pasin.

Ol i tokaut olsem ol i no inap long kamapim o stap insait long ol trabel, pait, bilip long posin, askim long kompensesen na kirapim bikpela

pasin haiden insait long ples bilong ol.

Long soim tok promis bilong ol, ol i planim wanpela ston na diwai kruse namel long ples. Ol i senisim tu nem bilong ples bilong ol. Bipo nem bilong ples em Kolai. Nau ol i senisim i go long Cleopas.

Ol pasto na sios lida bilong ol arapela sios olsem Luteran, SDA na AOG i bin kam na bung long lukim dispela samting.

24 Sinasina helt woka bung long woksop 50 kendidet

kotim Leba Pati



• Long Iephan i go long rait em Haimann Pean, Menau Manga, Kenyal Walpapa na Phillip Dama. Ol i sanap ausait long Koge Helt Senta. Poto na stori: Michael Koma.

MICHAEL KOMA i raitim

KLOSTU long pinis bilong mun Septemba, samting olsem 24 helt woka olgeta insait long Sinasina Distrik long Simbu provins i bin stap insait long wanpela woksop we i bin kamap long tripela de. Menesmen tim bilong Sinasina Distrik i redim mani long ranim dispela woksop. Na opisa husat i save bosim Koge Helt Senta i oge-naisim dispela wok-

sop. As tingting bilong holim dispela woksop em long skulim ol et pos odeli na nesing opisa long ol nupela mekim helt sevis long kamap gupela. Ol 24 helt woka ya i lainim ol samting olsem imunaisesen, envairomental helt, famili plening, ol STD sik na et pos menesmen. Kodineta bilong wok-

sop, Hiamann Pean i tok ating bihain long dispela woksop helt sevis insait long Sinasina Distrik bai kamap gupela. Tasol long nau yet, olgeta 12-pela et pos insait long Sinasina Distrik i sot tru long marasin. Olsem na ol lain husat i ranim dispela woksop i bin askim ol helt woka long yusim sampela marasin bilong ples long stretim ol sikman. Long las yia, olpela OIC bilong Sinasina Distrik, K. Paul i putim

wanpela notis long tok-save olsem Koge Helt Senta i sot long marasin. Dispela notis i stap yet. Na long dispela taim yet i kam inap nau, hevi bilong marasin i no stret yet.

SAPE METTA i raitim

MOA long 50 kendidet bilong Isten Hailans husat i lus long 1992 nesanel ileksen i kotim nau nupela Leba Pati. Ol i tok Leba Pati i ranawe i go hait wantaim bikpela mani em ol kendidet i bin baim olsem memba fi. Ol memba bilong Leba Pati long Isten Hailans i painimaut olsem nesanel presiden bilong Leba Pati, Robert Lai, husat i save stap long Mosbi i ranawe na i go hait. Long wanem ol memba bilong pati insait

long kantri i wok long askim pati long bekim memba fi bilong ol. Wanpela memba bilong Leba Pati, Winch Lee Oibotee i makim ol memba bilong Leba Pati insait long Isten Hailans, na kisim pinis kot pepa long pati i mas bekim K200 memba fi bilong wanwan memba. Mista Oibotee i tok Leba Pati wantaim ol memba bilong en i bin sainim wanpela tokorait olsem sapos husat memba i lus long ileksen, Pati bai bekim mani bilong em. Em i tok Leba Pati i kisim moa long K200,000 long membasip fi insait long Papua Niugini. Wanwan memba i bin baim K217.

WNB laik rausimol pasindia pipel

HEVI bilong graun em i wanpela bikpela hevi nau long Wes Nu Briten provins. Olsem na provinsal gavman i makim pinis wanpela komiti long lukluk long stretim dispela hevi. Tasol WNB gavman i no bilip long dispela tingting bilong salim ol pipel bilong narapela provins i go bek long ples bilong ol. Primia Robert

Lawrence i bin mekim dispela tok taim em i toktok long makim taim we provinsal gavman i stat long 14 yia i go pinis. Em i tok i tru olsem namba bilong ol pasindia pipel i wok long groa long ol setelmen long hap. "Gavman bilong mi i lukluk long painim sampela projek we ol pipel husat i gat blok long hia i ken go bek

long ples bilong ol na wok long en long bihain. Tasol dispela muv mas i gat sapot bilong nesanel gavman. Na mipela i stat toktok pinis long dispela. "Mipela i bilip olsem dispela muv bai daunim dispela hevi bilong bikpela populesen na graun insait long ol setelmen long provins," em i tok.

Kot bilong Yama na Barter kamap nau

NESENEL Kot long Madang i wok long harim kot bilong Disput ov Ritens namel long Peter Yama na nupela provinsal memba bilong Madang Peter Barter long win bilong Barter long nesanel ileksen bilong dispela yia. Petisina Peter Yama i wokim dispela petisen long Ogus 7 long Waigani na putim nem bilong Peter Barter olsem namba wan risponden. Na ilektrol komisien bilong Papua Niugini olsem namba tu risponden. Yama i putim dispela petsien long kwestenim 35,157 vot em Barter i kisim na em yet i kisim 16,018 vot. Yama i bilip olsem i gat sampela paul pasin i bin kamap long taim bilong ileksen. Yama na Barter i resis long dispela ileksen long sia em olpela memba Tom Pais i holim bipo. Na Barter yet i bin winim dispela sia. Kot i bin stat long dispela wik Mande na bai pinis long Fraide 9, Oktoba. Namba wan kot i bin kamap long Septemba na Jastis Andrew i bin harim dispela kot na srukim i kam long dispela wik. Man husat i go pas long dispela trail em Sief Jastis Sir Buri Kidu. Taim kot i stat long Mande, ilektrol komisien i no kamapim komon rol, saplimentri rol bilong Middle Ramu open ilektoret na olgeta balot bokis bilong 6-pela open ilektoret. Ol dispela ilektoret em Sumkar, Madang, Rai-coast, Bogia, Usino/Bundi na Middle Ramu. Kot i bin askim ilektrol komisien long

bringim dispela ol samting i kam long Trinde apinun long aps wan (1:30 pm). Sapos ol i no kisim ol dispela samting i kam, kot bai sasim ol long kontem ov kot. Tasol long Tunde apinun loya makim ilektrol komisien, Mista Kambago i tokim kot olsem olgeta rols i stap wantaim petisina na Middle Ramu ilektoret tasol i no gat. Bikos provinsal retening opisa Abraham Wari i traim long kisim long Aiom gavman stesin na em i no inap. Wari i save ring long VHF telepon olsem na i hat tru long em. Kambago i tokim kot tu olsem em i toktok wantaim loya i makim petisina pinis. Na sapos kot i tok long kaunim ken vot em bai givim olgeta samting ol i laikim. Sief Jastis Sir Biru Kidu i askim pinis ilektrol komisien long traim na bringim olgeta samting olsem balot bokis, sentrel tail sit, balot pepa, komon rol, saplimentri rol na balot bokis i kam klostu. Nau yet loya bilong petisina na namba wan risponden i wok long askim ol witnes bilong tupela sait. Taim tupela loya i pinis long askim ol witnes, tupela bai givim fainal sapisin bilong tupela sampela taim long Fonde apinun. Na Jas bai givim disisen bilong em long Fraide. Bihain long dispela kot Sief Jastis bai harim narapela petisen ken. Dispela kot em i stap namel long olpela memba bilong Madang open, Paul Kamod na nupela memba bilong Stanley Pil. Dispela i bihain tasol resais bilong dispela ileksen.



AMAMASIM 1992 WOL FUD DE

Vudal Yunivesiti Koles

SARERE 17 OKTOBA

8 KLOK MONING i go inap long 4 KLOK APINUN

Mipela i tok welkam long OLGETA MAN, MERI na PIKININI long kam. Ol lain bilong Vudal Yunivesiti Koles, ol haikul, ol skul bilong gavman, ol praivet oganaisesen, ol gavman dipatmen na ol ples i stap klostu bai bung wantaim long dispela de bilong amamas long kaikai.

I gat planti samting bilong soim na salim. Dispela em ol kain kain kaikai, ol samting bilong mekim kaikai i stap long taim, ol samting bilong redim kaikai na ol samting we i gupela long kaikai.

- Progrem bilong dispela de i karamapim ol samting olsem:
1. Ol lain bilong Vuvu haikul bras ben ba pilai taim ol skaut bilong Is Nu Briten i aisim flek i go antap;
 2. Ol toktok;
 3. Ol kain kain pilai;
 4. Ol kain kain so bilong soim ol samting;
 5. Ol kain kain pilai drama;
 6. Resis bilong Wol Fud De Kwin; na
 7. Planti ol narapela samting.

Yu yet kam na lukim wanem ol samting bai kamap.

LUKIM YUPELA OLGETA LONG VUDAL KOLES.



Wari bilong haiwara... Oi wokman i traim long kolim bel bilong dispela meri husat i kam bek long haus bilong em na lukim bikpela bagarap em ren na haiwara i kamapim long sauten Frans long Tunde, 22 Septemba. Ripot i tok moa long 80 pipel i bin dai long dispela birua las mun.



Hevi bilong


ren... Wanpela paiaman i helpim na kisim dispela famili long bot i go long hapsait long Stesin Rot long not London. Bikpela ren i bin pundaun long Ingran las mun na kamapim bikpela haiwara na planti bagarap.



Sapotim Rasia... Wanpela man Rasia, Vladimir Zhirinovskiy i no amamas long wanem samtig Japan i laik wokim long kantri bilong em. Olsem na em i soim dispela na protes ausait long embasi bilong Japan long biktaun bilong Rasia, Mosko.

Rausim long

paia... Oi paiaman i rausim bodi bilong wanpela man husat i bin dai long Ingran long Trinde, 23 Septemba. Paia na haiwara i bin kamap taim bikpela ren i pundaun na klaut i pairap long las mun. Planti samtig i bin bagarap na oi man i dai nabaut.



• (ANTAP) - Oi plisman i paltim wanpela raskol long Los Anjeles, Amerika long las wik. Dispela kain bikhet pasin i wok long kamap bikpela nau.

Dispela em bihain long oi plisman i paltim nogut tru wanpela blekman. Dispela bikpela hevi i bin kamap long kot, na bikpela protes i bihainim, we planti man-meri i paltim na bagarapim siti.

Stail masin gan... Oi soldia bilong Sebia i suvim dispela ka wantaim dralpela masin gan i sindaun antap long en. Oi i redim nau ka wantaim masin gan bilong pairapim long oi birua klostu long taun bilong Derventa long Bosnia.



Isten Hailans bai i nogat fri edukesen

PAPAMAMA bilong ol pikinini long Isten Hailans bai baim skul fi bilong ol pikinini bilong ol neks yia.

Na mani gavman i givim long helpim long baim skul fi bai i no inap senisim dispela. Primia Robert Atiyafa i

tokim ol pipel long Henganofi csem taim em i kisim wanpela gavman grup i go long hap.

Em i tok bai i nogat fri edukesen long sampela yia moa. Bikos provinsal gavman bai lusim bikipela mani. Em i tok provinsal gavman

bai karim hevi bilong baim olgeta skul fi bilong ol pikinini. Na em i no inap long mekim dispela long dispela taim yet. Bikos em i nogat inap mani.

"Gavman bilong mi i no redi yet long karim dispela hevi nesene!

gavman i putim nau long mipela," Atiyafa i tok.

Em i tok dispela tingting bilong kamapim fri edukesen bai mekim ol papamama i kamap les. Na tu ol klasrum bai bagarap nabaut.

Em i tok gavman

bilong em i kamapim pinis wanpela 5 yia edukesen developmen plen. Na dispela bai i no inap larim fri edukesen long kamap inap sampela taim bihain.

"Las yia Simbu provins i bin kamapim dispela fri edukesen sistem. Na mi bin askim long ol i givim mi wanpela ripot long lukim sapos dispela i bin wok. Tasol ol i no bin givim mi wanpela ripot yet."

"Mi sapotim dispela muv we gavman na ol papamama bai baim hap hap skul fi. Em i wok bilong ol papamama long lukautim pikinini bilong ol, na givim gupela edukesen long ol long hatwok bilong ol yet," em i tok.

Em i bin givim wankain toktok long Minista bilong Viles Sevises na Provinsal Afeas, John Nilkare taim em bin go raun long hap.

PLIS RIPOT



MOSBI: Plis i kisim pinis toksave long rausim ol pipel husat i save stap long ol setelmen baksait long Gaden Hil Estet 2 Stej 2. Wanpela kampani GHIA Developmen Pty Ltd i papa bilong dispela hap graun we ol setelmen i stap long en. Ol i bin winim dispela hap graun long wokim ol hausnarentim i go long pipel long 1990. Taim ol i winim dispela graun, ol i mekim rot na joinim pawa na wara saplai i go long hap. Tasol ol i no mekim ol setelmen bilong ol long hap. Long las mun, olpela plis komisina Ila Geno i bin tokim ol plis long rausim ol pipel ya. Olsem na long nau i go inap Novemba 6 ol bai askim ol pipel long dispela setelmen long lusim dispela hap. Bihain long dispela, ol bai kisim ol i go long kot.

WEWAK: Ol raskol i bin stilim bokis bilong kisim TV piksa bilong Maprik haikul. Dispela bokis bilong pulim piksa bilong TV i kos moa long K2000. Dispela trabel i bin kamap long Sande 4, Oktoba. Plis i no save husat ol lain i wokim dispela pasin. Ol tisa tu i no save long ol lain i wokim dispela samting. Tasol ol plis i wok painim aut yet.



Ol Papua Niugini tu i save long wokim ka ya • Ka ya em ol PNG wokman yet bilong Wawol Guavi Timba kampani long Westen provins i wokim long save bilong ol yet. Ensin tasol i kam long ovasis. Tasol bodi em ol yet i wokim long karamapim ensin na ol arapela hap bilong ka. Foto: Mesery Gubag.

Viles lida laikim ol grasrut pikinini tasol long kisim fri edukesen

SAPE METTA i raitim

WANPELA viles lida long Kainantu, Isten Hailans provins, i laikim olsem fri edukesen mas i go long sampela pikinini tasol insait long Isten Hailans.

Kaunsil Mote Toka i tok olsem i no olgeta manmeri insait long Isten Hailans provins i save planim kopi. Olsem na sampela i save painim hat long baim skul fi bilong pikinini bilong ol.

Em i tok ol lain husat i painim

hat long baim skul fi tasol em gavman i ken helpim ol long baim fi.

Kaunsil Toka i tok provinsal gavman i no ken tok nogat long fri edukesen. Gavman i mas tok orait long fri edukesen long sampela hap tasol insait long provins, na nogat long ol arapela hap.

Em i tok planti manmeri insait long Kainantu i bin vot long ileksen bilong dispela yia long senisim gavman, na Paias Wingti i mas kamap olsem praim

minista. Long wanem Wingti i toktok long givim fri edukesen, na tu long stretim prais bilong kopi.

Mista Toka i askim nau Isten Hailans provinsal gavman long bihainim ol polisi bilong nesene gavman. Long wanem dispela bai sevim mani, na provinsal gavman i ken putim mani i go insait long ol arapela projek.

Nau yet, Isten Hailans provinsal gavman i no laikim fri edukesen. Olsem na Toka i laikim olsem gavman i mas baim hap skul fi bilong ol sumatin, na ol papamama i mas baim hap.

Wutung memba askim gavman long sekim gut ol setelmen

SANDAUN provinsal gavman na Lens Dipatmen i mas plenim gut hap we ol setelmen long Vanimo i mas stap.

Na sapos ol i no inap long mekim olsem, ol i mas kamapim wanpela lo long no ken larim ol setelmen long kamap insait long taun. Memba bilong Wutung/Wan, John Leki i bin mekim dispela toktok las wik long provinsal asembli miting.

"Mi laikim gavman long go pas na sekim ol hap we ol setelmen i wok long kamap namel long Vanimo Haikul na Pewi Rot kona. Nau yet planti kain kain manmeri i wok long kam long olgeta kona.

"Tasol gavman i no luksave long dispela. Planti hap graun bilong gavman i stap nating. Na ol pipel ya i kam mekim haus na sindaun long laik bilong ol," Leki i tok.

Mista Leki i bin askim gavman long lukluk long dispela hevi na stretim. Em i tok planti bilong ol lain husat i save stap long ol setelmen i nogat wok. Na ol i save stap nating na bagarapim pes bilong taun.

Long sem taim em i askim Sandaun gavman na Plening divisien long painim wanpela hap graun we ol i ken putim Vanimo maket. Bikos maket nau i wok long go bikipela na i nogat inap spes.

Long bekim ol askim bilong Leki, primia Egbert Yalu i tok em bai lukim ol opisa bilong Lens na Plening. Na toktok wantaim ol long ol dispela samting.

Sandaun asembli no laikim de bilong provinsal ileksen long senis gen olsem bipo

SANDAUN provinsal asembli i laikim ilektrol Komisin long no ken senisim moa de bilong provinsal ileksen bilong ol.

Na ol bai raitim wanpela pas i go long Iletrol Komisina Reuben Kaiulo na tokim em. Dispela tingting i bin kamap bihain long ol memba i harim primia Egbert Yalu i ritim ol nupela de bilong ileksen long asembli miting.

- Nupela de bilong ileksen em;
- Desemba 3 - ol bai bringim toksave pepa bilong ileksen i kamap na nominesen bilong ol kandidate bai i op;
 - Desemba 18 - nominesen bai pas;
 - Janueri 9 - ol pipel bai stat vot;
 - Janueri 23 - olgeta wok bilong ileksen bai pinis;
 - Janueri 29 - nupela gavman bai i kamap.

Pastaim Iletrol Komisin i bin putim olgeta samting long Novemba i go inap namba wan wik bilong Janueri. Na ol dispela nupela de em i namba 3 taim bilong ol long senisim ol de.

Ol memba ya i bin autim belhevi bilong ol long ol dispela senis. Na ol i tok dispela ol senis long de bilong ileksen i wok long paulim planti pipel bilong ol. Olsem na ol i laikim ilektrol komisin long larim dispela ol nupela de i stap olsem. Na no ken senisim gen.

LAE'S NO.1 USED CARS

PNG MOTORS

"NO. 1 CAR OF THE WEEK"

Datsun 720 Ute,

Petrol Engine Reg. No. AFA 938 12 MTHS Registration - White

Price K6,990.00

USED CARS AT BARGAIN PRICES

NEXT WEEK SALES

Toyota Landcruiser Station Wagon

4x4 Diesel Eng. Reg. No. LAB 429 11 MTHS Rego - only 38470 KLMS - Air Conditioned - White

K13,990.00

Nissan Patrol Coffee Body 4x4

12 MTHS Rego, Reg. No. AFZ 560 - Blue

K10,500.00

Daihatsu Delta 2 Tonne

Single Wheel Truck - Diesel Engine

K7,990.00

ISUZU KB Ute

2.5 Diesel, Coffee Body-White. Registered for 12 MTHS

K7,550.00

Toyota Dyna

Truck Diesel - 3 Tonne - White, 12 MTHS Rego

K 9,250.00



PNG MOTORS

This weeks special apply to PNG MOTORS-LAE only


MS/PNGM



*Taim bilong malolo...*Wanpela kalabus bilong Toulouse long Frans i sindaun isi na ritim buk bilong em i stap long Fonde, 24 Septemba. Dispela em taim ol woda bilong haus kalabus i go bek long wok. Ol woda i protes na laikim gutpela sekjurit bihain long ol kalabus i kilim wanpela wanwok bilong ol.



*Les long praivet bisnis...*Ol woka bilong ZII ka fektori long Rasia i apim han long soim olsem ol i no laikim tingting bilong givim ol bisnis long ol praivet bisnis. Bikos ol i tok ol bos bai kisim olgeta winmani na lus tingting long ol.



*Japan givim han...*Ol sampela memba bilong ami bilong Japan i lusim balus long ples balus bilong Phnom Penh. Ol i go long bung wantaim ami bilong Yunaited Nesens long traim stretim ol hevi long Kambodia.

Mandela laik bungim ol Zulu

AFRIKA Nesenel Kongres i tokaut em i redi long toktok wantaim birua bek grup, Inkatha Fridom Pati.

Bihain long dispela toksave, ol bikman i go yet na stretim de bilong bos bilong ol, Nelson Mandela long kibung wantaim Mangosuthu Buthelezi, presiden bilong Inkatha. Ol pipel bilong bikpela wan pisin long Saut Afrika, Zulu i memba bilong Inkatha.

Mausman bilong ANC, Carl Niehaus i tok dispela tupela grup i pait na moa 2500 pipel i dai pinis.

Dispela namba bilong las yia tasol. Na i askim olsem wanpela kibung i mas kamap nau long stretim dispela hevi.

"Wanpela hap toktok long kibung em long pait i wok long kamap nau. na wanem wok bilong Inkatha insait long ol dispela pait," Niehaus i tok. Em i skruim tok olsem ANC i laik kibung hariap wantaim Inkatha.

Buthelezi i mas bungim pinis ol arapela mausman bilong Inkatha. Na paitim toktok long kibung wantaim Mandela na presiden bilong Saut Afrika, F W de Klerk.



*Ples pilai...*Ol pikinini i plai i stap antap long wanpela bris we i bruk long boda mak bilong Kambodia na Tailand. Dispela birua i bin kamap long Fonde, 24 Septemba. Na wanpela ka bilong Yunaited Nesens i pundaun i go insait long wara.

Maima soim olsem ol hailans tu save painim pis

HUSAT i tok olsem ol nambis manmeri tasol i save long painim pis?

Ating mi bai tok olsem sampela hailans manmeri tu i olsem ol nambis manmeri ya. Ol i ken painim pis olsem ol nambis manmeri i save mekim. Long wanem mi save long wanpela hailans man husat i wanpela fit man stret long painim pis.

Nem bilong dispela man em Maima Korowi. Em i gat 50 krismas na i bilong ples Sinasina long Simbu provins. Em i bin kam long Mosbi long yia 1970 long painim wok. Long 1975 em i go kamap long olupela palamen haus, na ol i givim em wanpela wok olsem klina boi. Maima i wok long olupela palamen haus na stap i go inap long taim gavman i wokim nupela palamen haus.

Wanpela pani samting i olsem. Taim Maima wantaim wanpela pren bilong em i go painim pis klostu long bikpela bris long Mosbi taun, em i save hukim moa pis long pren bilong em. Mi mas tokim yupela olsem dispela pren bilong Maima em i wanpela nambis man ya.

Mekim na pren bilong em i save tingting planti stret. Na tu poroman bilong em i save tok bilong wanem tru na dispela hailans man i save hukim planti pis na mi yet no gat. Narapela samting tu i olsem. Kaima i save gut tru long nem bilong ol kain kain pis.

Dispela pren bilong Maima em i wanpela pren bilong mi tu. Wanpela taim dispela

ELIZABETH SOLOMON i raitim



• Maima i tromai pis lain long Ela Bis ki pak. Em i soim pinis olsem ol hailans tu i ken painim kpis long solwars

prenta i tokim mi olsem. "Lapun Maima ya, wanpela fit man stret long hukim pis ya." Em nau mi kisim tingting olsem mi yet mas i go na askim em.

Em hia wanem samt- ing mi painimaut taim mi askim Maima.

Taim Maima i bin liklik yet, em i save stap long Nu Ailan provins.

Bikos em i wanpela hailans manki, em i no save na tu klia gut long kain pasin na laip bilong ol nambis manmeri. Olsem nau em i pren wantaim wanpela manki Nu Ailan husat i save stap klostu long em. I no long taim tupela i kamap gutpela pren stret.

Dispela manki Nu

4-pela PNG skul long sik bilong aipas

GODFRIED NIAKA i raitim

TUDE planti manmeri long Papua Niugini na tu long ol arapela kantri insait long Pasifik rijon i save kisim bagarap long ai na i save go aipas. Sampela i kisim dispela bagarap long wanem ol i no kaikai gutpela kaikai. Ol arapela i kisim dispela bagarap bikos ol i mekim kain kain wok.

I no dispela tupela samting tasol i save mekim na ol manmeri i save kisim bagarap long ai. I gat planti arapela liklik as tu.

Long stretim dispela hevi insait long ol Pasifik ailan kantri, Pasifik Ailan Kaunsil i bin holim wanpela kos bilong lukautim ai ol i kolim "Pramerai Ai Kea" long Suva, biktaun bilong Fiji.

Pasifik Ailan Kaunsil i bin ranim dispela kos inap long tupela wik olgeta. Wan wan Pasifik ailan kantri i salim tupela man i go stap insait long dispela kos. Papua Niugini i winim olgeta arapela Pasifik ailan kantri na salim 4-pela man olgeta i go long dispela kos.

Nem bilong ol em Roselyn Maris, Heather Nii, Ken Siki na Moses Uvaipi.

Roselyn Maris i save wok long ai yunit bilong Mosbi haus sik. Heather Nii i save wok long ai yunit long Hagen haus sik. Siki i save wok long Mendi haus sik, na Uvaipi em i wanpela helt ekstensen opisa. Em i save wok wantaim divisen bilong helt long Dipatmen bilong Galp provins.

Insait long dispela kos ol i lainim we na pasin bilong skulim ol manmeri long lukautim ai, wanem kain ol sik i save bagarapim ai, wanem samting long mekim na painimaut olsem ai i bagarap, na wanem samting long mekim long stapim ai bilong ol manmeri long go bagarap.

Sampela wokman bilong Wol Helt Ogenaisesen na tripela dokta bilong Australia i bin givim skul long dispela kos.

Long makim maus bilong 4-pela man PNG husat i bin go long dispela kos, Moses Uvaipi i tok dispela kos i bin gutpela tru. Long wanem ol i lainim ol samting long helpim ol manmeri husat i kisim bagarap long ai na tu husat em ai i pas pinis.

Uvaipi i tok ol i lainim planti samting long dispela kos. Ol i lainim tu ol kain kain sik we i save mekim na ol manmeri i save go aipas. Tupela bilong ol dispela sik em diabetis na lukoma.

Ailan em i wanpela gutpela na smatpela manki bilong painim pis. Taim em i laik go painim pis, Maima i save bihainim em, na lukim gut ol we na pasin poroman bilong em i save mekim long hukim pis.

Wanpela taim Maima i bihainim poroman bilong em na tupela i go painim pis. Maima i sindaun lukluk long poroman bilong em i go na em i pilim les nogut tru. Olsem na em i askim poroman bilong em sapos inap long em i givim sans long em long tromoi pis lain i go daun long solwara. Em nau poroman bilong em i tokim em long baim wanpela pis lain na tit bilong huk.

Long narapela de, Maima i go na baim wanpela pis lain na wanpela tit bilong huk, na kisim i go long haus bilong poroman bilong em. Poroman bilong Maima i kirap nau pasim tit bilong huk long pis lain. Taim em i pinis, em i tokim Maima olsem. "Stat long nau, yu bai kamap wanpela

gutpela man bilong painim pis olsem ol nambis man."

Maima i no bilip tumas long toktok bilong poroman bilong em. Tasol em i tok em bai traim. Long apinun Maima i go daun long nambis. Dispela em namba wan taim bilong em long traim nupela pis lain bilong em. Toktok bilong poroman bilong em i no lus. Em i hukim planti pis tru.

Em pinis. Taim Maima i kam long Mosbi, olgeta de bihain tasol long wok, em i go bek daun long bikpela bris long taun na save tromoi pis lain bilong em. Long apinun em i save karim wanpela rop pis na wokabout i go long haus bilong em.

Taim mi askim Maima husat i lainim em long painim pis, em i tokim mi olsem. "Mi yet lainim mi yet." Wantaim buai long maus na em i tok olsem. "Mi stap longpela taim long hia na mi save long tok Motu na tu mi ken kaikai buai.

Olpela woks minista komplek long ol wantok yusim gavman ka

OLPELA minista bilong Woks insait long Madang provinsal asembli, Raphael Saulmai i askim nupela Woks Minista na tu Namba tu Primia, Markus Kawo long wanem as tru na ol man nating i save draivim ka bilong ol provinsal minista, na tu ol arapela ka bilong gavman.

Mista Saulmai i askim Mista Kawo long las wik taim Madang provinsal asembli i bung.

Mista Saulmai i askim mista Kawo long wanem samting em bai mekim long ol man nating husat i save draivim ol ka bilong provinsal minista, na tu ol narapela ka bilong provinsal gavman. Em i tok em i save lukim kain kain manmeri na wantok bilong ol minista i draivim ka bilong ol minista na provinsal gavman.

Mista Kawo i bekim askim bilong Mista Saulmai, na i tok em i no save long dispela samting. Em i tok long nau yet em i redi pinis wanpela lo long tambuim ol man nating long draivim ol ka bilong provinsal gavman.

Em i tok ol man husat i laik draivim ol ka bilong gavman mas i gat pepa bilong provinsal gavman. Dispela i min olsem ol mas i gat pepa bilong draivim ol PAA ka bilong provinsal gavman.

"Yu bin stap olsem woks minista bipo. Yu no bin mekim wanpela samting long dispela. Mi bai traim long stretim dispela samting," Kawo i tokim Saulmai.

Kawo i tok moa olsem olgeta provinsal minista i nogat pawa long yusim ka. Tasol Madang provinsal asembli i wok long bihainim yet lo bilong bipo. Olsem na olgeta minista i gat ka.

Em i tok 4-pela man tasol insait long provinsal asembli husat i ken yusim ka em spika, primia, namba tu primia na provinsal seketeri.

Em i tok em i redim tu wanpela lo long tambuim olgeta namba wan asisten seketeri na seketeri bilong olgeta dipatmen long bringim olgeta ka bilong wanwan dipatmen long gavman pul taim wok i pinis long 6 minit i lusim 4 klok apinun.

LAE CITY

AUTHORITY



TOKSAVE

Lae Siti Otoriti i laik toksave long ol pablik, olsem i tambu long ol i salim samting autsait long Lae Show graun long taim bilong Show.

Otoriti bai usim National Yut Sevis Kraim Prevensen Gad long polisim Rul Namba Wan bilong Otoriti, we i tok olsem i tambu long salim samting long ol pablik ples.

Sapos yu husat man o meri i laik salim samting, yu mas go lukim Show Sosaiti na kisim ples insait long Showgraun.

Ol Yut baimbai kisim ol samting bilong yu na kisim yu go long kot sapos yu no bihainim dispela toksave.

JACOB SAWANGA
SITI MANESA

Enga mas i gat ol nupela lida long 1994

Dia Edita,
Mi laik autim wari bilong mi i go long ol memba bilong Enga provinsal gavman.

Mi laik autim wari bilong mi i go long ol memba bilong Enga provinsal gavman. Mi laik autim wari bilong mi i go long ol memba bilong Enga provinsal gavman.

Mi laik autim wari bilong mi i go long ol memba bilong Enga provinsal gavman. Mi laik autim wari bilong mi i go long ol memba bilong Enga provinsal gavman.

Mi laik autim wari bilong mi i go long ol memba bilong Enga provinsal gavman. Mi laik autim wari bilong mi i go long ol memba bilong Enga provinsal gavman.

Mi laik autim wari bilong mi i go long ol memba bilong Enga provinsal gavman. Mi laik autim wari bilong mi i go long ol memba bilong Enga provinsal gavman.

Mi laik autim wari bilong mi i go long ol memba bilong Enga provinsal gavman. Mi laik autim wari bilong mi i go long ol memba bilong Enga provinsal gavman.

Primia Christian rong long rausim Garaina memba

Dia Edita,

Mi laik autim wari bilong mi i go long ol memba bilong Enga provinsal gavman.

Mi laik autim wari bilong mi i go long ol memba bilong Enga provinsal gavman.

Mi laik autim wari bilong mi i go long ol memba bilong Enga provinsal gavman.

Mi laik autim wari bilong mi i go long ol memba bilong Enga provinsal gavman.

Mi laik autim wari bilong mi i go long ol memba bilong Enga provinsal gavman.

Mi laik autim wari bilong mi i go long ol memba bilong Enga provinsal gavman.

Mi laik autim wari bilong mi i go long ol memba bilong Enga provinsal gavman.

Mi laik autim wari bilong mi i go long ol memba bilong Enga provinsal gavman.

Mi laik autim wari bilong mi i go long ol memba bilong Enga provinsal gavman.

Andrew Hen MENDI

Gavman mas daunim prais bilong ol kaikai long stua na maket

Dia Edita,

Mi laik autim wari bilong mi i go long ol memba bilong Enga provinsal gavman.

Mi laik autim wari bilong mi i go long ol memba bilong Enga provinsal gavman.

Mi laik autim wari bilong mi i go long ol memba bilong Enga provinsal gavman.

Mi laik autim wari bilong mi i go long ol memba bilong Enga provinsal gavman.

Mi laik autim wari bilong mi i go long ol memba bilong Enga provinsal gavman.

Mi laik autim wari bilong mi i go long ol memba bilong Enga provinsal gavman.

Mi laik autim wari bilong mi i go long ol memba bilong Enga provinsal gavman.

Mi laik autim wari bilong mi i go long ol memba bilong Enga provinsal gavman.

Ol plisman long Wewak save wok wansait

Dia Edita,

Mi laik autim wari bilong mi i go long ol memba bilong Enga provinsal gavman.

Mi laik autim wari bilong mi i go long ol memba bilong Enga provinsal gavman.

Mi laik autim wari bilong mi i go long ol memba bilong Enga provinsal gavman.

Mi laik autim wari bilong mi i go long ol memba bilong Enga provinsal gavman.

Mi laik autim wari bilong mi i go long ol memba bilong Enga provinsal gavman.

Mi laik autim wari bilong mi i go long ol memba bilong Enga provinsal gavman.

Mi laik autim wari bilong mi i go long ol memba bilong Enga provinsal gavman.

Mi laik autim wari bilong mi i go long ol memba bilong Enga provinsal gavman.

Mi laik autim wari bilong mi i go long ol memba bilong Enga provinsal gavman.

Mi laik autim wari bilong mi i go long ol memba bilong Enga provinsal gavman.

Mi laik autim wari bilong mi i go long ol memba bilong Enga provinsal gavman.

Andrew Hen MENDI

John Rex WEWAK

Mark Mioum MADANG

1st Betde Selebresen

STOK KLIARENS SEL

namba wan 100 Yia
...long hap bilong salim ol olupela ka long TOBA MOTORS

Ol Prais i Daunbilo tru na karamapim
- moa long 80 gutpela kwaliti ka
Long baim ol top kwaliti olupela ka long gutpela prais kam long Toba.

Mipela bai stat salim ol ka long Sarere Oktoba 10.
10 klok moning i go inap long 4 klok apinun Waigani Draiv
Kisim 5-pela katen Coca Cola sofdring long olupela wan wan ka em mipela i salim

MANI I MAS STAP WANTAIM YU
Telipon namba: 25 8482 o 25 3850

Port Moresby	21 7874
Lae	42 2611
Rabaul	92 1866

Pasto Walter mas autim trupela toktok long Baibel

Dia Edita,

Mi laik autim wari bilong mi i go long ol memba bilong Enga provinsal gavman.

Mi laik autim wari bilong mi i go long ol memba bilong Enga provinsal gavman.

Mi laik autim wari bilong mi i go long ol memba bilong Enga provinsal gavman.

Mi laik autim wari bilong mi i go long ol memba bilong Enga provinsal gavman.

Mi laik autim wari bilong mi i go long ol memba bilong Enga provinsal gavman.

Ketombing Teta MOSBI

Marimari long ol wel pam groa

Dia Edita,

Mi laik autim wari bilong mi i go long ol memba bilong Enga provinsal gavman.

Mi laik autim wari bilong mi i go long ol memba bilong Enga provinsal gavman.

Mi laik autim wari bilong mi i go long ol memba bilong Enga provinsal gavman.

Mi laik autim wari bilong mi i go long ol memba bilong Enga provinsal gavman.

Mi laik autim wari bilong mi i go long ol memba bilong Enga provinsal gavman.

Mi laik autim wari bilong mi i go long ol memba bilong Enga provinsal gavman.

Mi laik autim wari bilong mi i go long ol memba bilong Enga provinsal gavman.

Mi laik autim wari bilong mi i go long ol memba bilong Enga provinsal gavman.

Ron Tamalaka Rango Plantasin POPONDETA



Apim pe bilong ol wokman long PNGFP

Dia Edita,

Mi laik autim wari bilong mi i go long ol memba bilong Enga provinsal gavman.

Mi laik autim wari bilong mi i go long ol memba bilong Enga provinsal gavman.

Mi laik autim wari bilong mi i go long ol memba bilong Enga provinsal gavman.

Mi laik autim wari bilong mi i go long ol memba bilong Enga provinsal gavman.

Mi laik autim wari bilong mi i go long ol memba bilong Enga provinsal gavman.

Nayudos Ammin BULOLO

Nogat diskaun long ol stua long Kimbe taun

Dia Edita,

Mi laik autim wari bilong mi i go long ol memba bilong Enga provinsal gavman.

Mi laik autim wari bilong mi i go long ol memba bilong Enga provinsal gavman.

Mi laik autim wari bilong mi i go long ol memba bilong Enga provinsal gavman.

Mi laik autim wari bilong mi i go long ol memba bilong Enga provinsal gavman.

Mi laik autim wari bilong mi i go long ol memba bilong Enga provinsal gavman.

Mi laik autim wari bilong mi i go long ol memba bilong Enga provinsal gavman.

Harry Wakal KIMBE

YU NO INAP WINIM TOYOTA HILUX

Dispela kar tasol em i bikpela na strongpela 1 tonne 4 wil draiv kar insait long Papua Niugini nau. Toyota Hilux i givim yu nambawan 2800cc disil pawa na i gat 5 pela gia, nambawan ples bilong sindaun bilong 5 pela man. Na i gat ol arapela samting olsem ol TJM Bulba, em bilong pasim ol mekim wanpela samting sapos yu no gat dispela Toyota Hilux 4WD. Bikpela spea pat na sevis divisen bilong Ela Motors long olgeta hap bilong Papua Niugini i sapatim dispela nupela kar.

Ela Motors

NAMBAWAN LONG
PAPUA NIUGINI

- PORT MORESBY 229400
- LAE 433655
- RABAUL 921988
- MADANG 822188
- GOROKA 721844
- MT HAGEN 521888
- WEWAK 862255
- KAVIENG 942132
- KIMBE 935155
- TABUBIL 589060
- VANIMO 871254
- PORGERA 579367



EM 4249

Ol wokman i no save stil long hanbeg

Dia Edita,

Mi laik bekim pas bilong D. Bhannerhy. Pas bilong em i bin kamap long Wantok Namba 943.

Em i tok ol wokman bilong Luteran Sipping kampani i save paulim ol pasindia. Yu tok olsem ol wokman i bin tokim yu long baim dispela liklik hanbeg yu karim.

Yu tok hanbeg na mi paul. Ating yu giaman liklik ya. Ol wokman i no save kisim mani long ol hanbeg. Ol i save kisim mani long ol kago ol man i karim.

Ol samting olsem beg buai na kaikai. Bikos ol i gat hevi. Sapos yu karim kago na yu go long balus, bai yu kisim i go fri o bai yu baim?

Bai yu mas baim. I wankain olsem long sip.

Esther Foxy
MADANG

Daunim prais bilong kaikai

Dear Edita,

Mi save stap long Saina taun long Lae. Na wari bilong mi i go olsem.

Planti pipel husat i save stap long Saina taun i save komplèn long wanpela stoa long hap. Stua ya em Aro Treding. Mi save raun nabaut long ol arapela stua. Tasol prais bilong ol samting long ol stua ya i no olsem ol samting long Aro Treding.

Prais bilong ol samting long Aro Treding i antap tumas. Plis, traim na bringim prais bilong ol samting bilong yupela i go wankain olsem ol arapela.

Dispela em bisnis bilong yupela. Tasol mipela ol kastoma i no amamas long baim samting long stua bilong yupela.

Plis inap long yupela i daunim prais liklik o nogat?

Felix Ratu
LAE

Ol Nipa mas lainim long plenim famili

Dia Edita,

Mi bin ritim Wantok Niuspepa bilong Julai 23, 1992. Na G. Naiko i tok long pas bilong em olsem ol Nipa long Sauten Hailans i no save plenim famili bilong ol.

Ol i save slip tumas wantaim meri na karim pikinini klostu klostu.

Na narapela pas i egens pas bilong brata Naikao.

Pas ya i tok em laik bilong ol Nipa man. Bikos ol i tromoi bikipela mani long baim meri. Olsem na ol i ken slip wantaim meri long hamas taim ol laik.

Mi laik bekim olsem ol meri i no pik na dok. Maski mipela ol man i tromoi bikipela mani long baim ol.

Mipela mas sori tu long ol meri. Dispela kain bilong karim pikinini klostu bai mekim ol meri i lusim olgeta strong bilong ol.

Mi askim nau ol Nipa man long lusim dispela kain pasin, na stat long bihainim famili plening. Pasin bilong plenim famili i gat planti gutpela helpim long bihainim taim.

Kimbe Gore
Kabwum
Morobe provins

Ol Kristen Bukstua no ken salim ol toktok bilong God

Dia Edita,

Mi laik sapatim tok bilong susa Patrika Hulayai em i bin kamap long niuspepa long Jun 11.

Em i bin toktok long ol Kristen Buk Stua i mas daunim prais bilong ol buk. Bilong wanem tru na yumi ol pipel i wokim bisnis long ol buk we toktok bilong Jisas i stap long en?

Taim Jisas i stap long graun, em i

no tokim ol pipel long baim em pas-taim bai em i givim gutnius long ol. Dispela ol buk i bilong God na yumi ol manmeri i bilong God yet.

Yumi ol tempel o haus holi bilong God. Na i no ples bilong ol stilman long mekim bisnis.

Tenkyu.

John M. Waim
KAVIENG

Ol pasto na pater mas autim olgeta toktok long Baibel

Dia Edita,

Wari bilong mi i go olsem. Planti pipel long ol sios olsem Luteran na Katolik i wok long lusim sios bilong ol na joinim ol arapela sios.

Em i asua bilong ol pasto na pater. Bilong wanem, pasin bilong givim bel i no stap long ol. Na ol pipel i no moa bilip long wok bilong ol sios ya.

Narapela samting em,

ol i no save autim olgeta tok long Baibel na mekim klia long ol man long kisim save. Dispela em ol buk long Baibel olsem Olpela Testamen na Revelesen. Olsem na ol pipel i

bruk nabaut na joinim ol arapela sios. Bikos ol i no kisim kaikai bilong Baibel gut. Ol tok long Baibel i bilong God. Na ol pasto na pater i mas autim stret na noken

autim sampela na karamapim sampela. Ritim baibel long Mathew 23: 1 - 3, 8 - 39 na bai yu klia. Em tasol.

Momis Karede
RABAU

Papua Niugini i no Kristen kantri

Dia Edita,

Mi laik egens pas bilong William Willing bilong Morobe provins. Pas bilong em i bin kamap long dispela niuspepa long Fonde Julai 30, 1992.

I gat wanpela liklik hap long pas bilong em, em i tok olgeta kantri long wol i save olsem Papua Niugini em i wanpela Kristen kantri. Mi yet mi egens dispela hap toktok bilong brata Willing.

Mi nogat bilip olsem kantri bilong mipela, PNG em i wan-

pela Kristen kantri. Bilong wanem na planti pasin nogut i wok long kamap bikipela. Narapela brata na susa i wok long dai long han bilong ol man nogut.

Ol bikhet man bilong PNG i wok long hersapim na kilim indai ol gutpela manmeri bilong ol arapela kantri.

Tude long wol ol i save olsem PNG em i wanpela kantri nogut. Na dispela i soim olsem PNG em i no wanpela Kristen kantri. Nogat tru.

Mipela ol pipel bilong PNG i bagarapim pinis gutpela nem bilong kantri bilong mipela. Olsem na mi ting gavman i mas mekim ol strongpela lo nau.

Husat man i hensapim na kilim narapela man nating, katim lek o han bilong dispela man. Dispela bai mekim ol bikhet man i pret long mekim ol raskol pasin.

Dispela em wanpela rot tasol mi ting PNG bai i kamap gen olsem Kristen kantri.

Peter Haulomo
WEWAK

Rausim sek poin long Toba rot

Dia Edita,

Mi laik autim wari bilong mi i go long memba bilong Wapenamanda long nesanel palamen, Masket Yangalio long rausim dispela sek poin long Toba.

Dispela sek poin long Toba i stap long boda bilong Westen Hailans na Enga provins. Ol sekyuriti na resiv plis long hap i no save mekim gutpela pasin taim ol i sekim ol pasindia long ol ka.

Ol i save sekim nating ol man na kisim liklik samting bilong ol olsem naip, na spun na fok bilong kaikai. Sapos ol i laik sekim orait yupela mas sekim ol kain samting olsem sot gan.

Dispela ol lain tu i save laik sekim olgeta samting. Ol i no save tingting long sekim ol bikipela beg, no gat ol i save sekim tu ol liklik beg.

Olsem na mi askim strong memba long rausim dispela sek poin.

John Sembu
WEWAK

Timothy Maliso
RAMU.



mas sanapim strongpela banis namel long tupela provins, na holim pasim ol dispela raskol.

Mipela ol gutpela manmeri na pikinini i les pinis long raskol pasin. Mipela laim im gutpela sindaun.

Ol papamama i mas skulim gut tu pikinini bilong ol. Bai ol i ken stapim dispela kain pasin nogut.

Ol pikinini i no inap kisim wanpela helpim long bikhet pasin. Ol i bagarapim tasol nem bilong ol. Na tu bringim nem nogut long famili.

PANIM PREN

Nem: Johannes Iwago
Krismas: 18
Adres: Tidigu Community School, P.O. Box 115, Finschaffon, Morobe Province.

Save Laikim: Pilai soka na basketbal, raitim leta, hari Papua Niugin musik, raun long autbot moto na ritim niuspepa.

Ol Madang stap long strong bilong ol ausait pipel

Dia Edita,

Mi no amamas long ol pipel bilong Madang. Bikos ol i no makim wanpela asples man long makim ol long palamen.

Long provinsal sia, ol i votim wanpela waitman. Na long open sia, ol i votim wanpela man bilong narapela provins. Dispela pasin yupela ol pipel bilong asples Madang i mekim i nogut tru.

Yup ta daunim nem bilong ol Madang stret. Bikos em i soim olsem nogat wanpela asples inap long kamap lida bilong yupela ol Madang.

Nau ol pipel bilong Madang i stap aninit long strong na pawa bilong ol aut sait man olsem Stanley Pil, Peter Barter na Tim Ward.

Olsem wanem? Ol asples i no save long tok lgiis na yupela i no votim wanpela asples man? Em tasol.

Paul Gunan
LAE

Husat i laik salim pas i kam long edita i mas raitim stret nem na adres bilong yu. Na salim i kam long dispela adres: Edita, Wantok Niuspepa, P. O. Box 1982, BOROKO, N.C.D.

POWER

to the people!

**IT'S THE GREAT RICE REVOLUTION
IN YOUR STORE NOW!**



WANTOK

BISNIS LONG PAPUA NIUGINI

WANTOK

Posai askim ol WNB pipel long wok bung Pait stapim ol bisnis wok long Malahang

WES Nu Briten (WNB) nau i mas painim sampela rot long yusim ol risoses o samting bilong graun em i gat long kirapim developmen.

Yut na Hom Afeas Minista, Andrew Posai i mekim dispela tok las wik long makim 14 yia bilong provinsal gavman long hap. Em i tok WNB em i wanpela bilong ol provins insait long kantri we i gat liklik developmen tru.

"Tasol em i no olsem yumi nogat we o rot tru long kisim mani, nogat. Dispela provins i gat planti kain kain samting bilong graun long

kirapim wok.

"Sapos yumi laik go het long kamapim gutpela sindaun bilong ol pipel na provins, yumi olgeta mas wok bung wantaim. Dispela wok bung i mas kamap namel long ol kaunsil, provinsal na nesene gavman.

"Na yumi mas lus tingting long kros pasin, sutim tok na pilai pati politik. Sapos yumi olgeta i gat wanpela tingting tasol, bai yumi lukim provins i go het," Posai i tok.

Em i tok ol arapela provinsal gavman i wok gut tasol sampela i no wok gut. Olsem na

nesene gavman i bin rausim ol long sampela yia.

Mista Posai i toksave olsem Praim Minista Paias Wingti bai go long Kimbe long Oktoba 9. Na em bai toktok long ol pipel long tingting bilong nesene gavman long wok bilong ol provinsal gavman. Na sampela

senis ol i laik mekim long kamapim gut wok insait long wanwan provins.

Long sem taim Primia Robert Lawrence i tokim ol pipel olsem provins bilong ol i gat inap samting long kamap wanpela strongpela provins insait long Niugini Ailan rijon.

BIKPELA pait namel long ol pipel bilong ples Butibam na Bumbu setelmen insait long Lae siti i stapim ol wok bisnis insait long Malahang eria long go het.

Presiden bilong Lae Semba ov Komes, Philip Franklin i tok wok bisnis long narapela sait long Bumbu wara i bin stap taim ol man i rausim Bumbu bris.

Em i tok planti wokman na meri husat i save wok long ol praivet bisnis kampani insait long Lae siti i save stap long narapela sait long

Bumbu wara. Na ol i save kisim PMV bas olgeta de na go long wok.

Em i tok em i no inap long tokaut long wanem ol samting i bagarap. Long wanem em i no go yet long dispela hap. Em i tok tasol olsem hevi bilong stap wok long las wiken i bikpela tru.

Sampela ripot i kam long Lae i tok long nau yet ol manmeri long tupela sait wantaim (Bumbu setelmen na Butibam) i wok long stap isi tasol.

Primia Atiyafa redi tasol long baim Yonki pawa

i kam long pes 16

long mekim Yonki pawa saplai na ol arapela gavman ejensi i kamap praivet, Isten Hailans provinsal gavman i ken baim na ranim.

Em i tok provins bilong em i ken mekim bikpela mani sapos em i baim Yonki na sasim olgeta arapela provins long wanwan yunit bilong pawa we ol i kisim long Yonki dam.

Tasol em i tok gavman bilong em i egensim dispela muv bilong nesene gavman. Long wanem planti manmeri long ol rurel eria bai yusim bikpela mani long yusim dispela ol sevis.



Kisim gutpela sindaun long pikinini bilong yu

Yu save lukautim gut pikinini bilong yu. Nau yu mas tingting tu long givim gutpela sindaun long pikinini long bihain taim.

Olsem yu mas opim pasbuk akaun wantaim Nambawan Haus Moni bilong yumi. Stat nau long sevim moni long

peim skul fi, baim ol buk bilong skul na givim gutpela sindaun long pikinini nau bai em i kamap strong.

Askim nau ol wokmanmeri long PNGBC long opim wanpela pasbuk akaun na ol arapela sevis em yu laikim.

Mipela ken halivim famili bilong yu kisim gutpela sindaun long bihain taim... emi tru!

PE BILONG AIR NIUGINI LONG PNG TASOL

KISIM LONG I GO LONG PE BILONG	BALUS	PE BILONG KAGO
POM Alotau	K101	K1.01
POM Daru	K117	K1.17
POM Goroka	K114	K1.14
POM Hoskins	K140	K1.40
POM Kavieng	K234	K2.34
POM Kundiawa	K113	K1.13
POM Lae	K95	K0.95
POM Madang	K129	K1.29
POM Manus	K206	K2.06
POM Mendi	K136	K1.36
POM Misima	K155	K1.65
POM Mount Hagen	K132	K1.32
POM Popondetta	K59	K0.59
POM Rabaul	K187	K1.87
POM Tabubil	K189	K1.89
POM Tari	K153	K1.53
POM Vanimo	K234	K2.34
POM Wapenamanda	K141	K1.41
POM Wewak	K180	K1.80

Ol kago em hevi abrusim 16kg bai gat pe

Exchange Rates



Bank buys at:	Notes	T/T
Australia	1.4720	1.4415
USA	1.0740	1.0397
UK	0.6340	0.6098

Bank sells at:	
Australia	1.4305
UK	0.5978
USA	1.0317
Solomon Islands	3.0125
China	5.5730
Fiji	1.5367
Hong Kong	7.9160
India	28.7180
Japan	122.1800
New Zealand	1.8765
Philippines	24.9170
Singapore	1.6270
Switzerland	1.2770
Germany	1.4610

Gold rates (in US\$):	
per ounce	\$350.35
per gramme	\$11.26

Wara kamap long Okapa



BIPO bipo tru long taim bilong tumbuna long Okapa eria bilong Isten Hailans provins, i nogat wara na ol abus olsem muruk na pisin long bus.

Long dispela taim i gat tupela brata i save stap. Tupela i save resis tru long kukim ston bilong mekim mumu long ol kaikai.

Olgeta taim tupela save resis tasol na ol kaikai long mumu bilong bikpela brata i save tang gut, na bilong liklik brata nogat.

Long wanem liklik brata i save pasim wara bilong graun. Na taim em i kukim ol ston pinis, em i save hait gut tru long bikpela brata bilong em na pulimapim wara bilong graun.

Wanpela de tupela i resis gen long kukim ston bilong narapela mumu. Bikpela brata save olsem liklik brata i save haitim wanpela samting long em.

Olsem na em i kukim ol ston bilong em pinis na hait gut tru bai liklik brata i no inap long lukim em. Em hait i stap na lukim liklik brata kisim mambu bilong pulimapim wara.

Bikpela brata i no mekim wanpela nais. Em hait gut tru i stap na lukim liklik brata rausim ol drai lip long graun we wara i save kam ausait, na em wanpela i save kisim.

Bikpela brata i lukim na opim ai nogut tru.

Taim liklik brata i go longwe liklik long painim sampela moa paiawut bilong kukim ol ston gut, hariap tru bikpela brata ran i go rausim ol lip na pulimapim olgeta wara long mambu bilong em.

Liklik brata kam bek na lukim olsem mambu bilong bikpela brata itait nogut tru. Em save pinis olsem bikpela brata i mas painimaut long wara, na kisim olgeta wara bilong em.

Tupela stat long kros nau. Liklik brata i sutim tok long bikpela brata long stilim wara bilong em. Tasol bikpela brata i giamanim liklik bilong em.

Liklik brata ran i go insait long haus na kisim spia na bunara bilong em. Em kalap i go daun long haus na



sutim bikpela bilong em long bros. Bikpela i singaut wantaim na pundaun indai long graun.

Olgeta manmeri long ol ples klostu i harim na i kam. Ol krosim liklik brata pinis na planim bodi bilong bikpela brata. Na bihain ol i go bek long hauslain bilong ol.

Liklik brata tasol i stap na wari nogut tru long wanem samting em i mekim. Em pulimapim sampela

kaikai long bilum olsem taro, yam na banana. Na kisim spia wantaim bunara na wokabaut i go olsem long Fore long hap bilong Okapa.

Em bungim ol kina sel long rot i go na kamap bungim wanpela lapun man. Lapun i lukim liklik brata na askim em: "Yu laikim wanem na kam." Liklik brata i stori long wari bilong em.

Lapun kisim liklik brata i go long bus na katim wanpela mambu.

Em givim liklik brata na tokim em olsem: "Taim yu wokabaut i go na kamap long wanpela bikpela wara, pulimapim gut wara long dispela mambu."

Liklik brata i harim na bihainim olgeta toktok bilong lapun man. Long rot em kisim tu ol kainkain abus olsem muruk na ol kain kain na putim insait long mambu bilong em.

Em mekim olsem tasol na wokabaut i go na kamap long bus bilong em. Em i no kamap yet long ples na mambu i stat long mekim nais. Em ting wanem samting na opim maus bilong mambu, na ol kain kain pisin na muruk plai i kam ausait long maus bilong mambu.

Em pasim liklik tasol i kam long ples na brukim dispela mambu long wanpela diwai, olsem lapun i tokim em. Na wara bruk long dispela maunten i go long Henganofi sait, na bruk i go olgeta long Onumuga long hap bilong Okapa.

Diwai liklik brata i brukim mambu antap long em i stap yet.

Em tasol stori bilong mi.

Kasuku Konomipave KAINANTU Isten Hailans Provins



□ **KANAGE** i lukim notis long Wantok Niuspepa long wanpela Toyota Corolla na em i go baim seken han ka long Nancy. Nancy i sainim setifiket bilong rejistresen na Kanage i amamas na raun long Mosbi long nupela ka bilong em. Taim bilong kisim septi stika na rejistresen gen, orait Kanage i askim Ady long kisim pepa i go long opis na senisim nem na kisim nupela rejistresen. Ady i go na kam bek. Kanage i lukim ol nupela pepa bilong ka na i lukim nem bilong Nancy i stap long ol pepa. Na Kanage i askim Ady, "Dispela ka em i ka bilong husat?" Ady i bekim, "Em i ka bilong yu!" Na Kanage i askim, "Na bilong wanem ol i putim nem bilong Nancy long ol pepa?" Ady i haitim pes na i sem nogut tru.

Bara Wins, Bombax.

■ **TAMBU** bilong Kanage wantaim meri bilong em i wokabaut i go long nambis. Long hap rot, tambu i tanim na lukim sampela man i wokabaut bihain long tupela. Olsem na em i tokim meri bilong em, "Yu kam na wokabaut long fran. Nogut bai ol lain i kam bihain i lukim as bilong yu." Orait meri i go wokabaut pas na tambu i bihainim. I no longtaim na bikpela win i kam na apim sket bilong meri. Tambu i lukim andawea bilong meri bilong em na bikmaus. "Uuuuu...I saw already." Kwiktai meri i tanim na askim, "Yu tok, what kala?" Na tambu i bekim, "Re...re...eee."

Manaxz Samulu, Busu Kopi, Goroka.

Papamama no laikim pikinini meri marit long narapela hap

Dia Laiplain,

Mi na boipren bilong mi i Kristen man na meri. Mitupela i laik marit, tasol famili bilong mi i no amamas long em. Ol i laikim mi long maritim man long provins bilong mi yet, olsem bai em inap baim mi.

Boipren bilong mi i amamas long lukautim papamama bilong mi. Tasol ol i tok mitupela i no ken pren moa.

Mi no laik maritim nating man em mi no laikim. Na tu em i no wanpela Kristen. Mi bai mekim wanem long senisim tingting bilong papamama bilong mi.

CRUSHED.

Dia Pren,

Inap long planti yia nau, kain kain senis bilong ol waitman i kamap pinis long Papua Niugini. Na planti senis i kamap tu long ol pasin tumbuna na kalsa bilong yumi. Na wankain samting tu i kamap long ol kastom na pasin bilong marit.

Na tude, bikpela hevi na kros i save kamap namel long ol pikinini na papamama bilong ol. Bikos ol i no klia long wanem rot bilong marit. Ol i no save sapos marit bai kamap bihainim laik bilong man na meri o ol hauslain i makim meri na man.

Yu klia liklik long wanem samting dispela pasin bilong baim meri long bipo i bihainim tu nogat? Ol tumbuna bilong yumi i ting em i gutpela bikos:

- dispela em i wanpela rot bilong baim ol lain bilong meri, bikos wanpela gutpela memba bilong ol i go nau;
- em bai strongim na banisim dispela marit i stap gut oltaim. Na marit ino inap bruk;
- em bai bungim tupela hauslain i kam stap wantaim olsem ol pren; na
- em i givim namba o mak long dispela marit. Olsem bai ol arapela inap givim rispek long nupela marit ya.

Mipela i bilip olsem dispela em ol sampela gut-

pela as bilong baim meri. Tasol nau, planti yangpela man na meri i no kamap long ples. Ol i kamap ausait long ples na kain pasin na sindaun bilong ol i narakain.

Olsem na tude, planti yangpela man na meri yet i laik painim man o meri em ol bai maritim. Bikos ol i stap oltaim wantaim, i laikim na rispektim olgeta.

Sampela papamama i save larim dispela kain samting long go het inap man na meri i marit. Tasol sapos papamama i laik bihainim kain pasin bilong ples, em nau bai kain kain kros na belhevi i kamap.

Sapos dispela i tru, ating ol papamama bilong yu i tingim tasol mani em ol bai kisim. Na i no long gutpela sindaun na laip bilong pikinini meri bilong ol long bihain.

Yu inap tingim tu ol narapela as em papamama i gat, na i no laikim yu long maritim dispela man husat em yu laikim tumas o nogat?

Yu bin toktok tu wantaim ol papamama bilong yu long dispela man em yu laikim o nogat? Na papamama bilong man i bung na toktok wantaim papamama bilong meri tu long traim senisim tingting bilong ol long yutupela i marit o nogat?

Ating yu inap toktok wantaim wanpela memba long famili bilong yu, na dispela man inap makim maus bilong yu na toktok long papamama bilong yu long traim senisim tingting bilong ol. Wanpela pater o pasto inap traim toktok long papamama bilong yu, na kliaim tingting bilong ol olsem laik bilong man na meri na gutpela sindaun em i bikpela samting, na i no mani bilong ol.

Mi Laiplain.

Salim ol hevi na wari bilong yu i kam long LAIPLAIN, P.O.Box 6047, Boroko. Yu ken ringim mipela tu long telepon namba 26 0011. Mipela i no inap autim trupela nem bilong yu long hia.



• Menesing Dalrekta bilong Roadmark, Chris Lumsden i soim ol kain kain sain bot kampani bilong em i save mekim. Roadmark em wanpela Nu Silan kampani tasol em i wok insait long Papua Niugini. Na i save wokim ol kain kain sain yu save lukim long ol rot. *Poto: James Kila.*

SALEM

**GOVERNMENT WARNING
SMOKING IS DANGEROUS TO HEALTH**

WANTOK

NIUSPEFA BILONG OL PAPUA NIUGINI STRET

PABLIK NOTIS

Sapos yu laik advertais, telepon 25 2500 na askim long

PH: Miri Aiori - Ext. 203
John Iagata - Ext. 215
Kosinto Fosagu - Ext. 216
Bonner Hui - Ext. 202

TOKTOK BILONG PRAIM MINISTA

RAIT HONAREBEL PAIAS WINGTI

LONG

“KOS BILONG LUKAUTIM NA RANIM OL PROVINSAL GAVMAN LONG PNG”

**LONG BUNG BILONG MOSBI SEMBA OV KOMES LONG
KAMBUINGI RUM LONG MOSBI TRAVELODGE HOTEL.**

Long bipo taim mi bin toktok long dispela kibung, mi toktok long “PNG 2,000”. (Long dispela namba wan kibung wantaim PNG Samba ov Komes, Praim Minista i tokaut long ol bikpela samting gavman bilong em i laik mekim.)

Nau mi laik tokim yupela long wanpela hevi em i wok long pasim plen bilong gavman long go het bihainim gol em i makim long en.

Mi toktok long dispela provinsal gavman sistem yumi i gat long Papua Niugini nau. Na long bikpela kos bilong ranim na lukautim ol provinsal gavman insait long kantri.

Bipo taim Konstitusen Plening Komiti bilong yumi i toktok long brukim wok bilong Gavman i go long ol provinsal gavman, ol i tingting long sistem em i ken bringim ol samting na sevis i go klostu long ol pipel. Tasol bihain long 17 yia, yumi no lukim yet lait bilong dispela gol. Ol pipel bilong yumi i wok long krai yet long ol sevis.

Liklik samting ol waitman i bin lukautim na lusim i stap i bruk pinis o i laikim sampela wok long stretim.

Taim ol dispela Konstitusal Plening Komiti toktok long provinsal gavman sistem, ol i gat bikpela tingting long bungim ol pipel wantaim. Wanpela man i tok “Bung wantaim namel long olgeta pipel” olsem het tok na ol i bihainim.

Maski tude yu bai harim sampela bilong mipela i paitim bros na toktok gut long planti taim olsem strong bilong kantri i stap taim ol kain kain kalsa na pasin tumbuna i bung wantaim.

Yu lukluk raun tude. Dispela bung wantaim i wok long holim pasim kantri bilong yumi. Wan wan taim, taim yumi wokim bikpela disisen pasin bilong tingting pastaim long rijonal o provinsal hap yumi kam i save kamap. Provinsal gavman na rijonal grup i wok long pulim ol man long kain kain rot long pasin em i no stap long laik bilong kantri.

Olgeta driman na wok tru bilong provinsal gavman i rong pinis. Samting i save rong sapos Primia i salim nupela Nissan Patrol ka na kisim ol nupela ken. Samting i save rong sapos provisal asembli memba i kisim moa ilektrol alawens. Samting i rong tru sapos ol pipel i krai tru long kisim ol sevis em ol i laikim tru, taim dispela sistem i wok long helpim liklik lain poletisen tasol.

Provinsal gavman i stap em i bihainim tasol tingting bilong yangpela Palamen bilong yumi taim em i pret na harim tok pret bilong sampela lain long 1976.

Taim Konstiten asmebli i kisim Konstitusen long 1975, em i rausim tingting bilong larim provinsal gavman. Dispela i wokim Fr John Momis na ol arapela memba bilong Bogenvil i wokabaut i kam ausait long palamen. Dispela i bin wokim gavman i senisim konstitusen bilong yumi long larim wok bilong provinsal gavman long 1976.



Maski yumi laikim o no gat, kantri bilong yumi i bin kisim namba tu gavman bihainim tasol toktok pret em wanpela provins i wokim. Dispela tok pret i stap olsem: “Givim mipela provinsal gavman o Bogenvil bai bruk lusim Papua Niugini.” Wanpela em inap. Mipela i no inap larim wan kain tok pret i kam gen.

Inap long dispela hevi, i luk olsem provinsal gavman i wok long tasol long Bouganvil na sampela provins.

Sampela i wok yet. Tasol planti i no wok. Ol samting na sevis i pas long provinsal hetkota. Olgeta yia K329 milien i save go long olgeta wok bilong provinsal gavman sistem. K50 milien bilong dispela i ken go stret long ol pipel bilong ples. Samting olsem 550 provinsal politisen na opisa bilong ol i bin yusim K10 milien long 1991 olsem pe bilong ol. Dispela i no karamapim sampela mani na sevis em 240 provinsal minista i kisim.

Putim ol 109 memba bilong nesenel palamen wantaim 240 ol provinsal minista na dispela bai kamapim 659 politisen olgeta insait long Papua Niugini husat ol teks peya i wok long amamasim. Ol wokman na meri long ol provinsal gavman na wantaim ol wokman na meri na opisa bilong 224 level tri gavman i no kam aninit long dispela ol politisen.

Populesen bilong Nu Silan i klostu olsem bilong Papua Niugini. Na ikonomi bilong Nu Silan i moa gutpela na i winim bilong Papua Niugini. Na yet Nu Silan i gat 97 politisen tasol. Dispela 97 politisen i save kosim wanpela teks peya \$7 milien long wan wan yia we i karamapim

WANTOK

NIUSPEPA BILONG OL PAPUA NIUGINI STRET

PABLIK NOTIS

Sapos yu laik advertais, telepon 25 2500 na askim long

PH. Min Aion Ext. 203
John Lagata Ext. 215
Kosimo Fofaga Ext. 216
Bontara Ext. 217

ol salari na alauwens. Dispela i kamapim samting olsem K3.5 milien. Mani wan wan provinsal gavman long Papua Niugini i save yusim long baim ol provinsal minista i winim tru mani Nu Silan i save yusim long baim olgeta politisen insait long wanpela yia.

Mi tokim yupela. Taim mi lukim dispela ol samting, mi no bin kalap nogut. Mi pilim olsem yumi bai i no inap long go moa wantaim dispela sistem.

Mipela i gat ol politisen we yumi i no save yusim ol tumas. Mi toktok long ol 109 memba bilong nesenel palamen. Yumi sapos long i gat 109 memba tasol. Na i no 659 memba husat i wok long sindaun antap long mani bilong pablik.

Ol politisen i sapos long mekim wok insait long grasrut level. Ol i sapos long helpim ol manmeri insait long wan wan konstituensi bilong ol long wokim rot, bris, skul, hausik na ol narapela samting. Tasol ol provinsal gavman i no givim ol besik sevis i go long ol pipel.

Kain kain slek pasin insait long ol provinsal gavman i wok long stapim ol wok developmen long kamap. Na i save stapim muvmen bilong menpawa bilong pablik sevis insait long kantri. I tru olsem nesenel gavman i save baim planti ol pablik sevan. Tasol gavman i no inap long muvim raun ol wokman na meri. Dispela i save mekim na sampela ol eria i no gat ol saveman na meri long mekim wok. Na tu dispela i save givim hatpela taim long nesenel gavman long surikim ol wokman na meri i go kam long olgeta provins.

Wanem long ol mani (revenu) ol provinsal gavman i kisim? Ol 19 provinsal gavman i save kamapim K25 milien long wan wan yia na save kisim K67 milien olsem gren i kam long nesenel gavman long wan wan yia. Samting olsem 60 pesen (60%) bilong mani i kam long provinsal na nesenel sos i save go long edministresen na ovahet kos.

Ol provinsal gavman i plening pinis long kolektim K214 milien olsem revenu long dispela yia. Tasol ol i kisim K23 milien tasol.

Traim na tingim. Wan wan provinsal asembli i wok long yusim Oganik Lo bilong provinsal gavman long traime na kisim moa pawa. Ol i save givim ol yet slas fan. Ol i save surikim taim bilong ol long holim wok long opis na stap olsem ol politisen. Ol i save surikim pe bilong ol i go antap na i save ran long ol ekspensiv ka. Dispela lain i no bihainim ol daireksen na lo bilong nesenel gavman.

Sampela ol komplek we mi wok long harim, i mekim mi ting olsem sampela ol primia long nau yet i lukim ol yet olsem ol praim minista bilong sampela ol independen stet long bihain taim.

Klostu hap bilong olgeta provinsal gavman insait long kantri i bin sapsen. Long wanem ol i no ran gut bikos long pasin bilong mismenesmen na korapsen.

Mipela i laikim wanpela kantri we i bung wantaim na strong. Na i no bruk bruk i go haphap bikos long rijinol royalti, we i stap long tingting na pasin bilong ol provinsal memba husat i save kisim bikpela mani tru.

Wanpela gutpela piksa bilong dispela em sistem bilong provinsal sels takis. Dispela sistem i no wok gut. Wan wan provins i gat lo bilong em yet long kisim sels takis. Na tu sels takis bilong wan wan samting i narakain long ol arapela provins. Piksa bilong dispela em sels takis bilong wanpela katen sosis long Kerema i narakain long wanpela katen sosis long Manus o Rabaul.

Piksa bilong dispela em nau i gat 14 kain sels takis bilong bia insait long olgeta 20 provins. Dispela ol takis i stap long mak bilong 0 pesen i go inap long 22 pesen. Na long ol sofdring i gat 4-pela kain sels takis stat long 0 pesen i go inap long 4 pesen.

Dispela i no gutpela. Mipela olgeta i save olsem ol kastoma i save baim ol sels takis. Na taim mipela i sasim kain kain prais long narapela narapela hap, mipela i brukim tasol ol pipel bilong mipela. I tru dispela em i narapela as bilong skelim ol prais wantaim pe bilong baim sip, balus na ol kago.

Na tu, yupela olgeta bai yesa wantaim mi olsem dispela bai givim moa wok long ol lain i save salim ol dispela samting. Dispela long wanem long olgeta taim i gat senis long ol prais, bai i mas gat senis tu long olgeta kain kain mak bilong sels takis long wan wan provins. Na dispela bai apim kos bilong tilim na salim ol samting long kantri.

Olsem na mipela i laik glasim gen dispela ol provinsal sels takis sistem na kamapim sampela senis.

Sistem bilong provinsal gavman tu bai bagarapim sans bilong ol wok invesmen long kantri. Bikos oltaim ol ovasis kampani na grup i laik kirapim wok long Papua Niugini, ol i mas toktok wantaim ol opisa bilong nesenel gavman long Mosbi na bihain mekim wan kain toktok gen long provins. Na sapos ol i laik kirapim dispela projek long planti provins, ol bai mekim wan kain toktok planti taim.

Na dispela i no inap kirapim tingting bilong ol ovasis lain long wok hia. Ol bai les tasol na lusim i go. Mipela i mas stapim dispela kain longpela rot bilong wokim ol samting.

Mipela i mas lukautim gut ol samting bilong mipela. Olsem bai olgeta pipel insait long kantri inap kisim stret ol helpim olsem ol i mas kisim long en. Na taim dispela kain wok lukaut i kamap na stap strong, mipela i laikim tu moa bisnis na ol narapela wok long kamap. Mipela i no inap larim dispela kain pasin bilong skin dai hariap long planti toktok na wok tumas namel long nesenel na ol provinsal gavman.

Olsem na em i klia nau olsem mi sapotim tingting bilong rausim dispela sistem bilong provinsal gavman. Planti toktok i bin kamap long bipo, na gavman bilong mi i pilim olsem dispela ol senis i mas kamap nau. Na mi bilip long dispela Palamen long tingim gut dispela samting na mekim em i kamap tru.

Na gavman bai tokaut long ol dispela samting klostu.

Mi bai tok tasol olsem wanem samting i kamap bai sut long wok bilong skelim na glasim gut dispela sistem nau PNG i gat long en.

Olsem olgeta arapela senis, bai i gat ol kain kain komplek na bel pen. Na sampela bilong yupela long hia yet bai kros na bel pen tu long dispela. Olsem na mi laikim yupela no ken go hait long ol klap na tok baksait long dispela, kam na tokim mi. Dua long opis bilong mi i op na mi bai amamas long kisim ol komplek na bel hevi we inap helpim wok go het bilong Papua Niugini.

Na planti toktok bai kam long ol dispela lain husat bai painim hevi. Stap isi na lukluk gut long wanem hap ol dispela bikpela komplek bai kam long en. Dispela ol bikpela komplek i no inap kam long ol pipel, komplek bai kam long ol dispela lain husat i laik banisim ol biknem, namba na wok bilong ol. Ating yupela olgeta i luksave pinis olsem gavman bilong mi na dispela Palamen i no inap tromoi nating ol komplek na tok baksait. Mipela bai mekim wanem samting mipela i ting bai inap helpim Papua Niugini long gro na go het.

Olsem na mi laik askim yupela olgeta long tingting gut long dispela bikpela senis, maski sapos yu sapotim gavman o oposisen. Tingting bilong yu long dispela samting i mas sut long wok kamap bilong dispela kantri. Dispela samting i bikpela tumas na mipela i no inap pilai politik long en. Dispela senis bai helpim Papua Niugini long taim bihain.

Mi no inap sanap tasol na lukim olgeta samting bilong Papua Niugini i go lus nating. Mi no inap larim ol lain long taun tasol i kisim ol helpim na sevis bilong gavman. Na mi NO INAP sanap na lukim Papua Niugini i bruk bruk i go liklik hap nabaut. Dispela, olgeta pipel bilong mi, em bikpela bilip na laik bilong mi.

Tenkyu Tru.

Ol toktok bilong:

Rait Honarebel Paias Wingti
Pramin Minista
Oktoba 1, 1992.

WANTOK

NIUSPEPA BILONG OL PAPUA NIUGINI STRET

PABLIK NOTIS

Sapos yu laik advertais, telepon 25 2500 na askim long

PH: Miri Alori - Ext. 203
John lagata - Ext. 215
Kosinto Fosagu - Ext. 216
Bonner Hui - Ext. 202**LITURGICAL
CATECHETICAL
INSTITUTE**

(National Catholic Institute for Liturgy and Christian Education)

i painim wanpela EDITA/PABLISING MENESA

Dispela man - i mas gat Gret 12 Setifiket

- i kisim C long Inglis
- inap rait na toktok gut long Tok Pisin
- i gat sampela save bilong wok wantaim ol kompyuta na olkain kompyuta program; inap yusim Word Perfect na Ventura Desktop Publisher
- i gat save long ritim na sekim gen ol wok wantaim Wokim ol Pes na Stailim Pepa
- inap wok em yet na i no inap wari long kisim helpim.

Ol lain Katolik tasol inap aplai.

Raitim na salim ol aplikesen pas wantaim ol setifiket na referens bilong yu i kam long:

The Publishing Manager,
P.O. Box 347,
GOROKA, E.H.P.

Long save moa dispela, toktok wantaim Pablisig Menesa long telipon namba 72 1937.

Las de bilong kisim ol aplikesen em long 23 Oktoba, 1992.



PSA SAVINGS & LOAN SOCIETY LTD.

**NUPELA DE BILONG 1992
BIKPELA KIBUNG (AGM)**

Dispela tok save i go long olgeta memba olsem Bod i orait long surikim taim, ples na de bilong bikpela kibung long 1992. Olpela taim bilong kibung long kamap em long Oktoba 10. Tasol ol senis nau i stap olsem:

De: Sarere, 17 Oktoba, 1992.**Taim:** 10 klok moning**Ples:** Edminstretiv Koles Hol, Waigani, N.C.D.

OL SAMTING BILONG TOKTOK:

1. SKELIM OL TOKTOK BILONG OL AGM LONG BIPO
2. RIPOT BILONG SIAMAN
3. RIPOT BILONG MANI INAP LONG PINIS BILONG YIA LONG 31 DESEMBA 1990 NA 1991
4. TOKAUT LONG OL WINA LONG ILEKSEN BILONG OL DAIREKA BILONG BOD NA OL MEMBA BILONG SUPAVASORI KOMITI
5. OL NARAPELA BISNIS

Olgeta memba i mas kamap long dispela kibung.

Plis, no ken bihainim ol toktok i stap long namba wan tok save bilong holim 1992 AGM. Bikos em i no stret moa. Mipela i sori long wanem hevi dispela i kamapim.

MAKIM EKTING JENEREL MENESA

Dispela tok save i go long olgeta memba na ol arapela lain olsem Mista Martin Moyupe i kisim pinis ples bilong Mista M.L. Muga olsem nupela Ekting Jenerel Menesa stat long 2 Oktoba, 1992. Mipela i askim olgeta lain long wokbung na sapatim ol wok bilong Mista Moyupe.

I kam long tok orait bilong: **TONY TOBOI, SIAMAN.****AUSTRALIAN HIGH
COMMISSION****PORT MORESBY**Julie Callard our Overseas Students Officer will be visiting **Mt Hagen, Wewak and Madang** and will be available to answer questions regarding Australian educational opportunities for full fee paying students and student visa requirements.

TOWN	VENUE	DATE	TIME
MT HAGEN	HIGHLANDER HOTEL	13/10/92	2 pm - 5pm
WEWAK	SEPIK INTERNATIONAL	14/10/92	2pm - 5pm
MADANG	MADANG RESORT	16/10/92	10am - 2pm

For further information contact:

Julie Callard
OVERSEAS STUDENTS OFFICE
TEL: 25 9333 EXT 255
FAX: 25 3528**CRA
MINERALS
(PNG)
LIMITED**

I amamas long wokbung na helpim long kirapim Papua Niugini Yunivesiti bilong Teknoloji. CRA i save mekim olsem taim em i sponsaim ol Papua Niugini manmeri na ol narapela helpim wok long Yunivesiti.

Bihain long gutpela wok long skul na samting inap long 25 yia nau, CRA Minerals (PNG) Pty Limited i laik bungim han wantaim ol arapela na givim bikpela tok amamas i go long Papua Niugini Yunivesiti bilong Teknoloji long dispela Silva Jubili bilong en.





BENSON & HEDGES SOFTBALL

Wantok

Is Nu Briten redi long tonamen

FRANCIS RANGATIN
i raitim

DISPELA em i namba 6 yia bilong Gazelle Auto Panel sofbal tonamen long kamap.

Na ol komiti i laik givim moa luksave na putim planti tok save long redio na niuspepa na planti senta i ken pilai long dispela bikpela resis.

Sofbal em spot planti lain long Is Nu Briten i save pilai. Planti ol biknem pilaia husat i makim Papua Niugini na ol

arapela senta i kam long Is Nu Briten provins.

Siaman bilong tonamen, Vin Lote na seketeri Alan Horis i tok ol bai givim aut prais inap long mak bilong K5,000. Na tupela i askim planti tim bilong Niugini Ailan rijon long givim nem long resis. Dispela bai helpim wan wan tim long lainim nupela pasin bilong pilai long ol narapela tim na kamapim pilai long wan wan asosiesen bilong ol yet.

Long las yia Brown Eagles tim bilong Mosbi i bin autim

gren fainal taitel taim ol i winim Raiders, 5-4. Na dispela i namba wan taim wanpela ausait tim i winim gren fainal. Bikos long olgeta yia stat long taim ol i statim dispela tonamen, ol asples lain bilong Gazelle Peninsula yet i save win.

Long wokim tonamen bilong dispela yia i kamap gut, ol bai givim sampela spesel prais tu.

Lote i askim tu ol meri bilong ol arapela senta long stap insait long dispela tona-

men. Em i tok ol arapela senta i mas kam na traim strong bilong ol meri long ples. Bikos ol i holim yet taitel stat long bipo yet i kam inap nau.

"Mi askim ol bikpela senta olsem Mosbi, Goroka na Lae husat i gat ol gutpela meri long pilai long salim tim i kam long Rabaul," Lote i tok.

Sapos yu no save gut long dispela tonamen, yu ken ringim Vin Lote long telipon namba 92 8335 o Alan Horis long 92 1443.

Bomana resis kamapim planti gutpela pilaia

GREN fainal bilong Bomana wimens sofbal resis i bin kamap long las wiken.

Bihain tasol long ol gem, ol tim i kisim ol prais bilong ol. I gat ol kain kain prais long dispela taim. Namel long ol em bikpela sil bilong A gret resis em wanpela bisnisman bilong Mosbi na olupela Nesanel Palamen memba, Sir Hugo Berghuser.

Ol narapela lain husat i bin baim na givim tu ol tropi bilong Bomana sofbal resis long dispela yia em Plis Komisina Henry Tokam, olupela deputi Plis Komisina, na Komanda bilong Bomana Plis Koles, Sief Suprintenden Peter Agilo.

Long dispela taim tu, presiden bilong Bomana Wimens Sofbal Asosiesen i bin luksave na givim bikpela tok tenkyu long lapun bilong dispela resis, Sinia Saijen Andrew Moe.

Games Village em nupela sempion bilong Bomana

GAMES Village em nupela sempion bilong ol meri long Bomana wimens sofbal resis.

Ol meri bilong nupela plis bareks i bin

kamapim gutpela pilai long las wiken gren fainal na wilwilim McGregor, 11-8. Dispela i bin wanpela strongpela gem tru

bilong sisen na i pinisim tu olgeta gem bilong dispela yia.

Kosa bilong Games Village na lapun bilong Royals husat i save

resis long Mosbi sofbal resis, Andrew Moe i tok dispela las gem i soim olsem McGregor i bin redi gut tru pastaim long ol i kamap long fil.

"Tasol i luk olsem pawa i stap pinis long Games Village, olsem na mipela i winim taitel long dispela yia," Moe i tok.

Long resis bilong dispela yia, olgeta tripela tim bilong Games Village wantaim i bin go insait long gren fainal. Tasol wanpela tim tasol i win na narapela tupela i lus long ol birua.

Long junia gret gren fainal, ol yangpela bilong Games Village i no strong tumas na

Gordons i mekim save long ol, 10-6. Bihain long dispela gem bilong ol junia meri, ol hap lapun bilong B gret i bung long Bisini sofbal graun.

Long dispela B gret gren fainal gem, Games Village i traim bun wantaim ol lain Rebels bilong McGregor bareks. Ol meri bilong McGregor i karamapim gut tru pes i kam long fil na brukim olgeta bun bilong Games Village, 18-2.

Namel long ol prais em ol pilaia i kisim long wiken, kepten bilong Games Village B gret, Michella Giru i kisim wanpela tropi.



• Augustine Mundrau i givim tropi long wanpela pilaia bilong Games Village.



• Nupela primia bilong Bomana wimens sofbal resis, Games Village i sindaun so op wantaim sil na ol arapela tropi bilong ol long las wiken. Ol i winim McGregor, 11-8. Foto na stori: David Rom..

Madang redi long pri sisen resis

MADANG bai statim pri sisen sofbal resis long dispela wiken. Olgeta pilai bai kamap long Bates Memorial Oval.

Presiden bilong Madang Sofbal Asosiesen, Makis Patonga i tok ol pilai bilong pri sisen bai ron inap long tripela wik tasol. Bihain long dispela, ol bai statim sisen tru.

Em i tok olgeta tim husat i pilai long las yia bai stap yet. Dispela ol tim em Kabiu, Kinhill Kramer, Water Bod, Newtown Jets, Karanas, Karau, Yunaitet Sisters na Royals.

I gat tupela nupela klap bai resis tu long dispela

yia. Tupela tim bilong ol em Malangan na Shem-care bilong ol meri na ol man em Malangan.

Sampela man husat bai pilai long Malangan em Dick Bart, Lucas Pawesiwo, John Manalau na Tamilou Menakui.

Patonga i tok gem bilong ol junia tu bai stat long Sarere.

Na rejistresen fi bilong wan wan pilaia i go antap nau long K12 na klap afiliesen fi em K150.

Asosiesen bai holim AGM bilong en bihain long pri sisen na stretim olgeta samting pastaim long sisen tru i start.



• Ol lain kas bilong Madang Elcom sofbal tim husat i go resis bilong bikpela Elcom tonamen long Yonki long las mun, 18 Septemba. Foto: Ben Taumai.

BENSON & HEDGES SOFTBALL

Hevi bilong paitim referi stapim ol Wau long kik yet

Ol disebel bilong Wes Sepik tren hat long resis

OLGETA kik long Wau i stap pinis. Ol i stapim kik bihain long kamapela liklik hevi i kamap.

Ol opisal i stapim kik samting olsem foapela wik nau. Dispela bihainim tasol wanpela hevi taim ol pilaia bilong Waramuli i paitim wanpela referi husat i bin lukautim em bilong Waramuli na BFC. BFC yet i winim dispela gem na ol pilaia bilong Waramuli i ting referi i no mekim gut wok bilong em long lukautim gen na paitim em.

Ol opisal bilong Wau Soka Asosiesen wantaim wanpela opisal bilong Morobe Kantri, Ludwig Peka i sindaun na skelim dispela hevi na painim olsem ol pilaia bilong Waramuli i rong. Na ol i nasim Waramuli long baim K140 i go long Wau soka.

Tasol ol lain bilong Waramuli i no baim dispela fain yet.

Presiden bilong Wau Soka Asosiesen, Gutu Kawa i tok ol i no inap holim ol kik inap Waramuli i baim dispela fain. Em i tok olgeta fainai bai no inap kamap inap dispela hevi i pinis.

Kawa i laikim ol tim husat bai stap insait long fainai long trening na redi. Em i tok sapos Waramuli i baim dispela fain ol bai holim kik. Olsem na ol tim i mas redi long kik long fainai.

Em i tok ol tim i no ken lusim kik olgeta. Bikos sapos Waramuli i baim fain long dispela wik, ol bai holim kik long dispela wiken.

ARI HABA i raitim

DISEBEL spot tim bilong Wes Sepik provins i wok long redi nau long bikpela pilai bilong ol manmeri i gat lek na han nogut long dispela yia.

Dispela bai makim namba 13 resis bilong ol disebel na bai kamap long Goroka long dispela mun.

Kosa bilong tim, Arnold Ake i tok 6-pela disebel man na meri long Wes Sepik i redi pinis long dispela resis.

Tim bilong Wes Sepik bai lukluk strong long winim ol resis bilong apim ain (weiltipting), swimming, snuka na tebol tennis. Kaplain John Toles bai resis long apim ain, Maria Molo bai swim, na Kelly Walpui long snuka wantaim tebol

tenis.

Dispela yia bai makim namba wan taim bilong ol Wes Sepik disebel long pilai gen bihain long ol i lusim inap long 4-pela yia.

Ake i tok dispela i kamap bikos spot opis long Vanimo i no lukluk long spot bilong ol disebel manmeri insait long ol progrem bilong en. Pastaim long dispela, wok bilong ol disebel spot i bin stap long han bilong Red Cross. Tasol bihain ol i givim i go long han bilong spot opis na olgeta samting i bagarap.

Bikpela wok bilong bungim mani nau i kamap long Vanimo long salim tim i go long Goroka. Waspapa o petron bilong disebel spots komiti em Sindaun asembli Spika, John Lek.



• Falpela bilong ol 6-pela memba bilong Wes Sepik disebel tim i sanap wantaim kosa bilong ol, Arnold Ake (sanap namba tu long lephan). Ol i redi nau long narapela resis gen long Goroka.

LAE FOOTBALL ASSOCIATION POINTS LADDER FOR ALL DIVISIONS

League Div Team	GP	W	D	L	GF	GA	PTS	Women Div	First Div	Second Div
PTC	22	11	7	4	44	21	29	Bara	20	15
T/Sobou	23	13	3	7	34	22	29	T/Sobou	20	12
B/Kumuls	23	11	6	5	35	29	26	Poru	21	11
M/United	23	9	7	6	38	27	25	Waliya	21	11
Mopi	22	9	6	7	30	29	24	Borabora	21	12
Mitif	23	9	4	10	41	34	22	Guria	21	11
Goro	20	8	6	6	32	28	22	Faze	22	7
Guria	20	9	4	7	32	35	22	Defence	20	7
Westpac	23	5	10	8	30	34	20	B/Kumuls	20	7
Gaziga	23	8	4	11	36	39	20	Goro	19	7
Jaura	20	5	6	9	20	32	16	Westpac	19	7
Nadzab	21	5	6	10	23	41	16	Buresong	19	6
Sasau	23	5	6	12	28	42	16	Jaura	19	3
								Sasalu	19	1

PORT MORESBY SOCCER ASSOCIATION WEEK 12- DRAW

Saturday OCTOBER 10th, 1992

Time	Division	Fixtures	Referee	Linesmen	Ground
9:00	U/19	GFC vs	Mt. Obree	J. Kiwik	B1
10:30	U/19	Guria vs	Koupa	S. Pirinai	B1
12:00	U/19	B/Kumuls vs	Uni	W. Vui	B1
1:30	U/19	Maset vs	Rapatona	B. Bakuwai	B1
3:00	U/19	Westpac vs	Golo	O. Kemi	B1

Sunday OCTOBER 11th, 1992

Time	Division	Fixtures	Referee	Linesmen	Ground
9:00	Reserve	Guria 3 vs	Uni 4	M. Kaetovuhu	B1
10:30	Women B	K/Andra 3 vs	B/Kumuls 4	U. Kiwik	B1
12:00	Women A	PTC 3 vs	Guria 4	O. Kemi	B1
1:45	First	PTC 3 vs	Maset 4	S. Kalai	B1
3:30	Premier	Rapatona vs	K/Andra 4	J. Baldes	B1

Bisini 2

Time	Division	Fixtures	Referee	Linesmen	Ground
9:00	Reserve	GFC 1 vs	Golo 2	T. Tambul	B2
10:30	Women B	Sogeri 1 vs	Tarangau 2	N. Panga	B2
12:00	Women A	Sunam 1 vs	Wanzesi 2	M. Kua	B2
1:45	First	Verave 1 vs	Moukasi 2	S. Asugum	B2
3:30	Premier	Uni 1 vs	Guria 2	J. Kiwik	B2

GOROKA SOCCER ASSOCIATION GRAND - FINALS DRAW SUNDAY OCTOBER 11, 1992

TIME	DIVISION	FIXTURE	GRD
10:00-11:30	U/16	Rapatona vs PTC	3
11:40-1:20	Women	Kalibobo vs Guria	3
1:30-3:10	P/Reserve	Elcom vs Rapatona	3
3:20-5:00	Premier	Rapatona vs PTC	3

Note: Please commence games on times scheduled. Time will be deducted accordingly.

PORT MORESBY SOCCER ASSOCIATION DRAW SATURDAY OCTOBER 10, 1992. FINAL CATCH UP GAMES:

TIME	DIVISION	GRD	FIXTURE	12:00	W.A	B1	PTC	vs	Guria
9:00	U/19	B1	GFC vs Mt Obree						3 vs 4
10:30	U/19	B1	Guria vs Koupa	1.45	First	B1	PTC	vs	Maset
12:00	U/19	B1	B/Kumuls vs Uni	3.30	Premier	B1	Rapatona	vs	3 vs 4
1:30	U/19	B1	Maset vs Rapatona						K/Andra
3:00	U/19	B1	Westpac vs Golo						3 vs 4

Sunday October 11: Knockout No. 1

TIME	DIVISION	GRD	FIXTURE	12:00	W.A	B2	Sogeri	vs	Tarangau
9:00	Second	B2	Waliya vs Hoops	9:00	Reserve	B2	GFC	vs	Golo
10:30	Second	B2	Hoods vs Fisika	10:30	W.B	B2	Sogeri	vs	(1 vs 3)
12:00	Second	B2	Fisika vs Kinhill K	10:30	W.B	B2	Sunam	vs	Tarangau
1:30	Second	B2	Kinhill K vs Mt Obree	12:00	W.A	B2	Verave	vs	(1 vs 2)
3:00	Second	B2	Mt Obree vs Uni	1:45	First	B2	Uni	vs	Moukasi

Note: Gate fees for the knockout is K1.50 per person and for the grand final is K2 per person.



Anda 19 stapim olgeta gem bilong Madang

GODFRIED NIAKA i raitim

OLGETA divisen long Madang Soka Asosiesen inap holim ol nokaut gem bilong ol long las wiken.

Tasol dispela i no bin kamap. Long wanem liklik bel hevi i kamap na sampela pilaia i paitim wanpela referi.

Hevi i kamap long las wik Sarere, taim anda 19 divisen bilong PX soka klap i bin pilai wantaim Madang Blues.

Long dispela gem, ol anda 19 boi bilong Madang Blues i givim tupela gol long ol PX long namba wan hap bilong pilai. Skoa i bin stap olsem Madang Blues 2 na PX 0 taim namba wan hap bilong

pilai i pinis.

Insait long namba tu hap bilong pilai, ol yangpela bilong Madang Blues i pilai hat tru na i no larim ol yangpela bilong PX long skoa. Tasol klostu long fultaim, ol yangpela bilong PX i kirap tasol na putim wanpela gol. Na bihain tasol long dispela gol, referi Reuben Amadi ipinisim pilai.

Taim em i winim wisil long pinis bilong pilai, ol yangpela bilong PX i ron i go na paitim em. Long wanem ol i no amamas long em long katim taim bilong pilai insait long namba tu hap. Ol i tok long namba wan hap, ol i

bin pilai longpela taim tru. Tasol long namba tu hap, ol i pilai long sotpela taim tasol. Olsem na ol i bel hat na paitim referi.

Bihain tasol long ol i paitim referi, presiden bilong Madang Soka Asosiesen, Peter Angasa i kirap na tokaut olsem no gat wanpela gem bai kamap long wiken.

Em i tok olgeta gem bai stap inap long ol opisal bilong Madang Soka Asosiesen i kibung long Trinde, na toktok long dispela hevi.

Angasa i tok olsem long kibung, ol bai tok tok long holim ol nokaut gem long dispela wiken o no gat.

Wanpela sinia referi i tok sapos ol opisal i

tok bai i no gat ol gem bilong nokaut, semi fainal na gren fainal, Madang i no inap long kamap wantaim wanpela primia tim long stap insait long resis bilong B & H Kap long

Lae long mun Novemba.

Em i tok long kisim ples bilong primia tim, ol maina primia bilong dispela yia bai go pilai long Lae. Ol maina

primia bilong dispela yia long Madang em Momase.

Long nau yet, ol tim husat inap pilai long las wiken i no amamas tumas long ol anda 19

pilaia bilong PX. Long wanem dispela kain pasin i save daunim stendet bilong soka insait long provins. Na tu i save bagarapim dro na program bilong ol gem.

Les pasin daunim Guria long Goroka

WINIS MAP i raitim

GURIA i lusim nau sans bilong go insait long ol semi fainal kik bilong Goroka soka taim ol i lus long PTC, 6-2.

Bikpela asua i bin kamap taim planti primia pilaia i no kamap long ples bilong pilai. Olsem na kosa i putim ol boi husat i save kik long risev gret. Dispela kik i bin kamap long Sarere.

PTC i salensim gen Murat long Sande na winim ol. PTC i no bin winim isi bikos Murat i givim ol hat taim liklik. Tupela tim i sutim wanpela gol long fultaim na ol i dro gen long ekstra taim. Tupela i go traim ol penelti kik na PTC i win, 4-1.

Long kik bilong ol meri, Kalibobo i mekim save stret long Murat. Dispela i helpim Kalibobo long

bungim gen birua bilong en, Guria, long Gren fainal.

Yumi traim skelim strong bilong sampela tim taim ol i kik long gren fainal long dispela wiken.

PTC bai autim sil bilong anda 16. Bikos ol i gat moa pawa na strong long pretim Rapatona. Tasol Rapatona i gat ol rot bilong abrusim strongpela kik bilong PTC.

Kik bilong ol meri namel long Guria na Kalibobo bai strong liklik. Tupela i bin bung long las yia gren fainal na ol susa bilong Guria i pasim lait bilong Kalibobo. Wanpela meri em Guria i mas was gut lone en em Roselyn. Sapos Guria i laik win orait ol i mas stapim lek bilong Roselyn.

Long risev gret, Rapatona i gat sans bilong win. Tasol Elcom i no inap larim Rapatona i win isi. Ol pawa boi bai givim hat taim liklik long Rapatona i go moa long pes 26



Elcom tonamen...Ol meri bilong Lae i bin go na kuklim Yonki long las mun Elcom tonamen. Tasol pawa bilong ol i no inap long gren fainal na Yonki i wilwilim ol, 3-1.



Ol lain meri bilong Goroka Elcom soka tim i sindaun pastaim tasol long gem bilong ol long Yonki. Ol foto: Ben Taumai.

Warangi laikim Wewak tu bai kik long nesanel klap sempionsip

GODFRIED NIAKA i raitim

PRESIDEN bilong Wewak Soka Asosiesen, Dokta Lawrence Warangi i tok em i no amamas long Wewak i no stap insait long ol "A" senta long kik long 1992 nesanel klap sempionsip long Lae.

Dispela nesanel klap sempionsip bai kamap long namba 19 na pinis long namba 22 de bilong mun Novemba.

Dokta Warangi i autim bel hevi bilong em bihain tasol long Papua Niugini Futbol Asosiesen i tokaut long nem bilong ol A senta long las wik husat bai stap insait long 1992 nesanel klap sempionsip.

Dokta Warangi i tok olsem Wewak em i wanpela A senta. Na em i no save long wanem as tru na Wewak i no stap insait wantaim ol narapela senta long resis long dispela nesanel klap sempionsip.

Warangi i tok long sait bilong afiliatesen fi, Wewak Soka Asosiesen i baim tu K1,000 i go long Papua

Niugini Futbol Asosiesen. Na em i baim pinis K1,500 pilaia rejistresen fi.

Em i tok em i bin baim dispela K1,500 long brens bilong Papua Niugini Benging Kopresen (PNGBC) long Boroko. Em i baim long namba 5 de bilong mun Jun long dispela yia yet i go long akaun bilong PNGFA.

Taim *Wantok Niuspepa* i askim nesanel dairekta bilong soka, Edris Kumbrawan, em i tok olsem as bilong Wewak i no stap insait long dispela nesanel klap sempionsip em bikos Wewak i no bin baim afiliatesen fi yet.

Mista Kumbrawan i tok Wewak i baim K700 tasol. Na i no baim yet narapela K300 long pinisim afiliatesen fi.

Dokta warangi i tok olsem em i baim pinis dispela K1,000. Em i tok long namba wan taim em i baim K700 na bihain em i baim K300.

Tasol Kumbrawan i tok dispela samting i no stap long rekot bilong PNGFA. Em i tok sapos i tru olsem Dokta Warangi i baim pinis afiliatesen fi, orait, em bai sekap long dispela samting.

Fainal bilong Kokopo kamap bihain long taim

KOKOPO bai holim kik bilong ol fainal long dispela wiken. Dispela em sampela wik bihain long taim ol i tingting long holim ol fainal.

Presiden bilong Kokopo Soka Asosiesen, Mathew Palah i tok ol inap holim ol kik bilong fainal long taim na pilaim gren fainal long dispela wiken. Tasol sampela liklik hevi i kamap na ol i stapim kik bilong ol fainal.

Ol i stapim kik bikos sampela klap i no baim ol pilaia rejistresen fi, Palah i tok ol klap i pinisim

olgeta fi bilong ol i komplem long dispela samting olsem na ol opisal i stapim kik. Dispela ol klap husat i pinisim olgeta pilaia rejistresen fi i tok i no gutpela ol i go long fainal taim sampela klap i no pinisim yet ol fi.

KSA i bin holim wanpela kibung long Tunde na askim ol klap long baim rejistresen fi hariap. Planti klap i tok ol bai baim fi pastaim long kik i kamap long dispela wiken.

i go moa long pes 26

Rapatona redi long banisim taitel long NSI

SAPE METTA i raitim

... na katim olgeta waia bilong PTC

RAPATONA soka klap long Goroka i redi long bungim PTC long NSI pilai graun long banisim sil ol winim long las yia.

Raptona i gat nem long stap insait long gren fainal inap long 8-pela taim. Long namba wan taim, ol i bin winim gren fainal long 1985. Stat long dispela taim i kam inap nau, ol i no lus liklik

long stap insait long gren fainal.

Rekot i soim olsem ol i lus long 1985 gren fainal, win long 1986, lus long 1987, win long 1988, lus long 1989 na winim tupela gren fainal bilong 1990 na 1991.

Na long dispela wik Sande, ol bai pilaim namba 8 gren fainal. Rapatona, long dispela wiken i no inap kisim sevis bilong kosa

Augustine Tom. Tom i bin go wantaim Goroka skwat long Manus na em i no go bek yet long Goroka.

Tasol wanpela sinia pilai, Peter Kombonie i kisim ples bilong em na i wok long trenim ol pilai. Kombonie i gat bilip olsem ol boi bilong em bai winim gen gren fainal. Kombonie i no daunim

PTC. Em i tok PTC i wanpela strongpela tim. Tasol Rapatona i gat planti yia eksperiens long kik long gren fainal olsem na ol i gat sans long win.

Rapatona bai winim gren fainal bilong dispela yia. Na ol lain husat bai pilai long dispela wiken em Willie Bera, Ida Noni, Luke Suluk, David Pegusen, Martin

Kolpen, Peter Kombonie, Moses Molekewas, Steven Pomas, Tobias, Noel Tamsen na Kwiwe Kisokau. Ol risev pilai em Peter Chalapan, Esma Heni, Issac na Solo Hosea.

I tru olsem PTC i wanpela nupela tim long Goroka. Ol i stat kik long dispela yia na ol i painim ples long kik long gren fainal. Olsem na Rapatona i no ken pilai kaskas long ol. Nogut PTC i katim olgeta waia bilong salim toktok na rausim tiket bilong Rapatona.

Nau em i taim bilong Waromo gen Fainal bilong Kokopo kamap bihain long taim

OLPELA king bilong Vanimo soka, Waromo i kirapim gen ol ensin bilong en long winim taitel bilong dispela sisen.

Olsem tasol na kepten bilong tim, Max

Iro na namba tu bilong em, Thomas Kwantiki i tokaut pinis olsem 1992 em i yia bilong Waromo.

Stat long 1982, Waromo i bin holim taitel bilong Vanimo soka i

kam inap long 1986 taim Lido i memeim Yako na winim primiasip taitel. Orait, long dispela taim na inap long 6-pela yia nau, nem bilong soka long Vanimo i dai tasol long

bro bilong Lido.

Tasol ol ripot i tok olsem bikpela tok lukaut i stap nau olsem Waromo i laik kisim bek dispela taitel. Na ol i minim tru dispela long ol kain kik ol i kamapim i kam inap nau.

Nau i gat 4-pela gem tasol i stap yet bilong pinisim olgeta kik bilong sisen propa. Bihain long dispela, ol eksekutiv bilong Vanimo Soka Asosiesen bai wokim nupela dro

bilong ol fainal. Na bihain bilong gren fainal.

Presiden bilong asosiesen, Vincent Tumpi i tok olgeta pilai i wok long kamap gut. Na em i laikim dispela kain pasin long go het.

Em i tok, "Mi no laikim dispela kain pasin bilong kros na pait i kamap. Bikos em bai bagarapim tasol dro na ol pilai bilong yumi."

i kam long pes 25

Tasol sapos ol klap i no bihainim toktok bilong ol, KSA bai stapim gen ol kik. Na sapos ol tim i stap long fainal na i no baim fi, i luk olsem ol bai stapim dispela klap o tim long pilai insait long fainal.

Dispela bai wokim sampela klap husat i stap long kik bilong fainal i kros. Tasol ol i no ken sutim tok long ol opisal bilong KSA. Dispela ol klap i mas krosim ol opisal o pilai bilong ol yet, husat i wok long westim taim long baim ol registresen fi.

Na sapos olgeta samting i go stret, ol bai holim ol kik bilong fainal long dispela wiken. Na i luk olsem kik bilong gren fainal bai kamap bihain long tripela wik.



Kepten Max Iro, sanap baksait long lephan wantaim ol boi bilong em long Waromo i redi tasol long kisim taitel bilong Vanimo soka long dispela yia.

FM bringim nem i go long asple

Nem: Frank Mitiel
Krismas: 25 yia
Ples: Lomakunauru
Distrik: Musau/ Emira
Provins: Nu Ailan
Klap: Naru (Kavieng)
Posisen: Midfil
FRANK Mitiel i stat kik long 1985 taim em i stap long Aiyura nesenel haiskul.


Long 1986 em i go long Yunitek na joinim skul tim. Long dispela taim em i save kik long risev gret, tasol long 1987 em i go kik long primia divisien.

Mitiel i lusim kik long 1988 taim em i go stap long Alatou. Long 1989, em i go bek long Lae na kik wantaim Yunitek. Long 1990, Mitiel i lusim Yunitek na joinim Difens long bikpela kik bilong Lae soka.

Na long 1991, Frank i go long Kavieng na joinim Angco na kik wantaim ol. Na long dispela yia, em i go joinim Naru.

Mitiel i gat namba long makim Lae long kik bilong anda 19. Em i bin kik wantaim Lae skwat long anda 19 resis long 1986.

Long 1991, em i stap



Mitiel ... stat kik long Aiyura nesenel haiskul long 1985.

long Kavieng skwat na Ailan senta. Na long long Manus long go kik long Rabaul long las mun, em i bin bikpela kik bilong resis bilong ol Niugini. makim Kavieng long go nesenel sempionsip.

Guria lusim olgeta sans long Goroka resis

i kam long pes 25

olsem ol i wokim long kik bilong sisen tru.

Na Rapatona i gat 100 pesen sans long winim PTC long primia divisien. Rapatona i gat stail na eksperiens long kik. Tasol PTC bai soim strongpela

salens tu. Maski ol i nupela tim, ol bai Rapatona olsem ol i no go nau isi long gren fainal. Ol i wok hat na stap insait long gren fainal. Olsem na Rapatona i mas was gut, nogut tebol i tanim na ol i kaikai graun.

BENSON & HEDGES SOCCER

Moa stail bilong wiken soka long Mosbi na Goroka long poto



Stail bilong Mosbi...Tupela biruwa I kam na laik memelm wanpis ya long ol kik bilong Mosbi soka long las wiken.



Taim bilong Goroka...Ol plilala bilong PTC long Goroka I holim bal na kik raun nabaut I stap. Na wanpis bol bilong Murat (namba 14) I redi tasol long kalsim wanpela I go daun. Ol Goroka poto: Sape Metta.



• Bol Murat long fran I ron I kam bhalnim bal em dispela plilala bilong PTC I hetim I kam Insait long mesa semi fainal kik bilong ol long Goroka long Sande. PTC I winim dispela kik.



• Dispela kain strongpela stail bilong mesa semi fainal I kamap long Goroka namel long Murat na PTC. PTC I bin strong na winim dispela gem long kik long gren fainal.



• Fulbek bilong PTC I redi tasol long autim bal blkos olgeta biruwa bilong Murat I surik I kam klostu pinis na redi long sutim gol. Tasol PTC I strong na wiliwilm Murat long go Insait long gren fainal.

**BENSON
& HEDGES
SOCCER**



BENSON & HEDGES SOKA

Wantok

LAE FOOTBALL SOCCER ASSOCIATION SATURDAY 10th OCTOBER 1992

TIME	DIVISION	Bara	vs	FIXTURES
9.00	Women	Defence	vs	Poro
10.30	Women	Defence	vs	Borabora
12.00	First	Bara	vs	Kalibobo
2.00	First	Defence	vs	BFC
4.00	League	Mopi	vs	T/Sobou

SUNDAY 11 OCTOBER

9.00	Women	B/Kumuls	vs	Westpac
10.30	Women	Faze	vs	Guria
12.00	First	Puresong	vs	C/Youth
2.00	League	Jaura	vs	Guria
4.00	League	M/United	vs	Goro

LFA GROUND TWO SATURDAY 10 & SUNDAY 11TH OCTOBER

9.00	U/19	Buresong	vs	Jaura
10.30	First	Buresong	vs	Kusebo
12.00	First	Elcom	vs	Wullet
2.00	First	Faze	vs	K/United
4.00	First	C/Youth	vs	Poro
9.00	First	Kusebo	vs	K/United
10.30	First	Elcom	vs	Poro
12.00	First	Bara	vs	BFC
2.00	First	Kalibobo	vs	Faze
4.00	First	Borabora	vs	Wullet

STADIUM SATURDAY 10TH & SUNDAY 11 OCTOBER 1992

9.00	U/19	Goro	vs	Nadzab
10.30	U/19	Mitif	vs	Wullet
12.00	U/19	Gaziga	vs	Bugandi
2.00	Res	Goro	vs	Nadzab
4.00	Second	B/Balop	vs	Kutumbu
9.00	U/19	Buresong	vs	Wullet
10.30	U/19	Bugandi	vs	Jaura
12.00	Reserve	Nadzab	vs	Mopi
2.00	Reserve	M/United	vs	PTC
4.00	Reserve	Gaziga	vs	Mitif

MONDAY 5th OCTOBER

4.30	League U/19	Jaura	vs	Goro
------	-------------	-------	----	------

TUESDAY 6TH OCTOBER

4.30	League	Guria	vs	Nadzab
4.30	First	Poro	vs	Wullet

WEDNESDAY 7TH OCTOBER

4.30	First	Buresong	vs	Kalibobo
------	-------	----------	----	----------

THURSDAY 8TH OCTOBER

4.30	First	Elcom	vs	Wullet
4.30	Reserve	Mopi	vs	PTC

FRIDAY 9TH OCTOBER

4.30	Reserve	M/United	vs	Westpac
4.30	Second	Malahang	vs	BFC

Note: First division will be playing two games each



Ol waia i bruk...Stralka bilong PTC long Goroka i no givim sans long ol fulbek bilong Murat long kam stapim em. Olsem na em i taitim olgeta bun na bomim stret bal i go insait long mak bilong Murat. PTC i winim dispela gem na nau bai kik long gren fainal. Foto: Sape Metta.

Moa Goroka na Mosbi soka poto insait

Ol Mosbi fainal fiva

WINIS MAP I raitim

MOSBI bai holim kik bilong ol fainal long dispela wiken. Dispela em fainal bilong ol primia, risev, namba wan na divisen bilong ol meri.

Dispela em kik bilong painim husat tim bai go insait long semi fainal. Long dispela wik Sande, ol tim husat i stap long namba 3 na 4 long lata bai kik ol long antap. Na ol tim husat i stap long namba 1 na 2 ples bai salens long lukim husat bai wetim gren fainal.

Lukluk long ol kik bilong dispela wiken long risev gret, Guria

bai bungim Yunivesiti. Wanem tim i win bai bungim lusa bilong GFC na Golo. Long dispela kik i luk olsem tim bilong Tony Wunum bai nekim ol sumatin bilong yunivesiti.

Ol meri i gat tupela pul. Long pul B, Kurti Andra bai traim bun bilong Blu Kumuls. Na PTC bai bungim Guria long pul A.

Long namba wan divisen, PTC bai traim katim ol waia bilong Maset. Wina bilong dispela gem bai bungim lusa bilong Verave na Moukasi. Long dispela kik i luk olsem PTC bai katim olgeta waia bilong salim toktok na bagarapim sindaun bilong Maset.

Bikpela pilai bilong apinun bai stap namel long tupela tim bilong Manus Rapatona na Kurti Andra. Long dispela kik yumi i no inap tokaut long husat bai win bikos dispela tupela tim i gat wankain stail bilong kik. Tasol tim husat i wokim liklik asua bai win.

Long Sande, GFC bai bungim Golo long pilai bilong ol risev gret. Wanem tim i win bai wetim gren fainal na lusa bilong ol i bungim wina bilong Guria na Yunivesiti. Long dispela kik i luk olsem GFC bai nekim

Golo bikos ol i gat gut-pela rekot bilong pilai long taim sisen i stat i kam inap nau.

Sogeri na Tarangau bai kik long pul B. Long dispela kik ol meri Tarangau i gat bikpela sans long win. Long pul A, Wanzesi bai skelim kaukau wantaim Sunam. Dispela tupela tim i bin pait gut tru taim sisen i stat i kam inap long nau. Bai yumi lukim tru strong bilong Ikanau Matangiau na Cathy Wabadala. Sapos wanpela bilong tupela susa i kaikai gut long Sande, ol bai winim ol birua bilong ol.

BENSON & HEDGES SOCCER



MOROPRE-SO 92

THE TIMES na
WANTOK SPESEL
SAPLIMENT

Morobe So sut long wok didiman na pasin tumbuna

AS tingting bilong namba 31 Morobe So em long holim pasin bilong wok-bung na kirapim wok egrikalsa na pasin tumbuna insait long kantri.

So bilong dispela yia bai kamapim gen ol samting bilong las 30 yia em ol pipel bilong Morobe i save gut tru long en. Dispela em i taim bilong bung na amamas wantaim. Progem bilong dispela yia bai sutim gen bel na kirapim tingting bilong ol olupela na nupela lain wantaim.

Kain kain pilai na ol so nabaut bai kamap long dispela yia. Long sait bilong wok egrikalsa, ol pipel bilong olupela kona bilong Morobe bai kam bung na soim ol kain kaikai na arapela samting em ol yet i save groim na lukautim. Narapela samting gen bai

pulim ai bilong planti manmeri em ol singsing tumbuna grup bilong Morobe na ol arapela hap long kantri.

Olgeta bai bung na amamas long Lae



• Kain kain singsing grup bilong Morobe provins na ol arapela hap insait long kantri bai kamap long Lae long amamasim 1992 Morobe So long dispela wiken. Na dispela em wanpela kain stail i bin kamap long 1992 SP Gems long Lae.

So bilong dispela yia.

Long namba wan de bilong So, bai i gat bikpela bung na long nait, ol kala kala paura bai pairap na makim


narapela nait gen bilong Morobe So. Dispela bai i gutpela tru bilong olupela lain husat i go stap long hap bilong lukim na tingim dispela namba 31 Morobe

So.

Taim bilong So em i taim bilong olupela wan wan grup na wanpisin long lusim tingting long wanem hevi na kros ol i gat long narapela. Na kam bung wantaim long soim dispela amamas na laik ol i gat long ol komyuniti, distrik na kantri bilong ol.

Long ol dispela lain husat i kam long ol arapela senta na ovasis, dispela So bai i taim bilong ol long amamas. Na i no inap lusim tingting hariap inap long planti yia bihain.

Gavana Jenerel bilong Papua Niugini, Sir Wiwa Korowi bai opim namba 31 Morobe So. Bihain tasol long ol toktok bilong em, ol paura bai pairap na kamapim ol kala kala lait nabaut. Na dispela em 1992



• Ol kain kain kampani bai soim ol samting bilong wok kamda na didiman long So.

Morobe So. Mipela olupela i mas kam bung wantaim na soim ol arapela kantri olsem taim bilong So em i taim bilong tingim na amamasim ol wok wantaim ol singsing

tumbuna. Na tu em i taim bilong lukluk gen long taim bihain wantaim gutpela tingting na pasin bel isi long wokbung na sindaun gut wantaim wanpela na narapela.



PAPUA NIUGINI

KAM LONG HAUS NAMBA-17

LONG 1992 MOROBE SO



I GAT OL KAIN KAIN SAMTING BILONG WOK WELDA, OL SEPTI KLOS SAMTING BILONG WOK, OL BALUN, HAT NA KAIN KAIN SAMTING I STAP.

KAM NA BAIM WANPELA "STRONGPELA YAKKA" KLOS BILONG YU LONG OL SPESEL PRAIS WE I DAUNBILO TRU.

Mipela i save salim ol:



Gas & Gear



Flai wantaim...

TALAIR

I GO LONG LUKIM
1992 MOROBE SO

40 Yia bilong Wok insait
long Papua Niugini

AIOTAU	61 1333	LAE	42 2499	TABUDIL	58 8228	(AGENTS)	
DARU	65 9039	MT HAGEN	52 1500	VANIMO	87 1180	KEREMA	68 1181
GOROKA	72 1240	NADZAB	42 1625	WEWAK	86 2254	KUNDIWA	75 1034
KAGAMUGA	55 1322	JACKSONS	25 5789			MADANG	82-2658
KIUNGA	58 1107	BOROKO	58 7655			WAW	44 6295
						MENDI	59 1065
						POPONDETTA	29 7219
						TARI	50 8025

FAX: GOROKA - 72 1613 PORT MORESBY - 25 0735
RESERVATIONS FAX: BOROKO - 25 9895 GOROKA - 72 1879 LAE - 42 4041

Dispela em taim bilong bung na amamas

Toktok bilong presiden

MOROBE Provins Egrikalsarel Sosaiti i amamas long kamapim namba 31 So bilong en long wok Egrikalsa, ol Kalsa na kain kain arapela pilai samting long Oktoba 10 na 11.

Wanpela bikpela as tingting bilong Sosaiti em long soim ol

kain kain kaikai bilong gaden, ol arapela samting em ol pipel yet i lukautim olsem ol pik, kau, kakaruk, pato na planti arapela samting na ol kain kain plaua na diwai nabaut i stap insait long provins.

Long dispela taim nau, planti man na meri i no laik stap long ples. Olgeta i laik kam long taun na painim wok, o stap nating long taun. Olsem na

hevi bilong i no gat wok tu i kamap bikpela. Na long ol maket, prais bilong ol samting i go daun. Olsem na long kisim liklik mani, ol pipel i save lukluk long salim ol kaikai bilong gaden. Sapos mipela inap mekim ol pipel i luksave long helpim em ol inap kisim taim ol i wok long graun, ating mipela inap daunim liklik dispela hevi na helpim moa pipel.

Mipela i sapotim tru dispela wok em nupela gavman i laik mekim long ol wok egrikalsa. Na mipela i redi tasol long givim helpim taim dispela samting i kamap.

Dispela So bilong mipela i kamap gen olsem wanpela taim ol pipel bilong Lae i ken go na amamasim ol yet long bikpela bung wantaim. Dispela em i wanpela taim bilong yia

kain samting olsem i save kamap. Na ol pikinini bilong mipela inap lukim, amamas na toktok long ol kain kain nupela samting.

Mi amamas na laik givim bikpela tok tenkyu i go long olgeta sponsa na arapela lain husat i go het yet long sapotim mipela.

MIKE QUINN
Presiden - So Komiti.



Kilim skin yet... Tupela ya bilong Morobe i hatim stret singsing long taim bilong 1992 SP Gems long Lae. Na wankain stail gen bai kamap long Lae So graun long dispela wiken taim ol singsing grup bilong Morobe yet na ol arapela hap bilong kantri i samsam long Lae.

... tok welkam long yupela olgeta

Toktok bilong namba tu presiden

Mi laik tok welkam long yupela olgeta, ol pipel bilong Morobe, ol turis na poro long Papua Niugini husat i kam long Lae Siti na long lukim dispela namba 31 Morobe Egrikalsa So.

Morobe Egrikalsa So i save kamap long olgeta yia. Na inap long 30 yia nau, dispela So i save kamap.

Dispela em i wanpela bikpela taim ol

fama, ol bisnisman wantaim ol kain kain skul na koles i save kam bung long soim ol pipel wanem samting ol i wokim, groim, kamapim na ol kain kain sevis ol i save givim insait long provins.

I tru olsem dispela em i taim bilong ol pipel long kam lukim na lainim ol dispela samting. Tasol em i save givim tu taim bilong ol pipel long amamas na bung

wantaim.

Long amamasim dispela, ol lain bilong Morobe Singsing Sosaiti bai kam bek long sapotim dispela bikpela So bilong provins. Bai i gat ol singsing grup bilong Morobe na ol arapela provins tu i kamap wantaim ol kain kain bilas, stail na danis bilong ol.

Long bipo, planti toktok i save kamap olsem Morobe Egrikalsa So "Em So bilong ol ovasis bisnis" o "Em So

bilong pilai laki tiket". Sapos yu wanpela bilong ol man husat i save mekim ol kain toktok olsem, mi laik askim yu long lusim dispela kain tingting, kam bung wantaim mipela na wok long mekim dispela So bilong mipela i kamap moa gutpela bilong ol pipel long amamas wantaim.

Mipela i no ken tok baksait na toktok planti tumas.
BENSON NABLU.
Vais presiden - So Komiti

Sponsa amamas long wokbung

Toktok bilong sponsa

COCA Cola Bottlers kampani long Lae i laik tok welkam long olgeta lain husat bai kam namba wan taim long Lae bilong lukim dispela namba 31 Morobe Egrikalsa So.


Kampani bilong mipela i pilim olsem em i bikpela samting long sapotim na helpim ol kain bikpela samting olsem. Long wanem hap em mipela i wok long en, mipela i laik sapotim na helpim tu ol wok kalsa bilong ol pipel long dispela hap.

Mipela i amamas long wokbung

wantaim Morobe Provinsal Egrikalsa Sosaiti. Na long dispela promis bilong mipela long stap olsem sponsa inap long 5-pela yia, em i soim kain bilip mipela i gat long dispela bikpela So bilong olgeta yia. Bikos em i soim tru ol kain kain kalsa na pasin tumbuna bilong ol pipel long dispela kona bilong kantri.

Dispela 1992 Morobe So em wanpela bikpela bung ol pipel yet i kamapim, i bilong ol pipel na i bilong olgeta lain long amamas wantaim.

C.R. CAMERON.
Jenerel Menesa.



The Papua New Guinea
University of Technology
celebrating its
Silver Jubilee (1967 - 1992)
25 years of service in
providing PNG's technical
manpower and research
requirements are proud to
be associated with the
Morobe Agricultural Show.

Niuspepa kampani soim wok bilong en long So graun

JAMES KILA i ratim

WANPELA nupela samting bai kamap long Morobe Egrikalsa So long dispela wiken.

Dispela nupela samting bai kamap long liklik haus bilong Word Publishing kampani. Na ol bai soim wanpela vidio muvi long pasin bilong wokim niuspepa inap long 30 minit olgeta.

Word Publishing kampani i save wokim 4-pela bikpela niuspepa bilong kantri. Dispela ol niuspepa em *Wantok*, *The Times of PNG*, *Weekend Sports* na *PNG*

Business.

Maketing menesa bilong Word Publishing na bos bilong liklik haus long So graun, William Kotson i tok dispela vidio muvi bai soim olgeta rot bilong wokim niuspepa. Dispela em stat long ol ripota insait long niusrum, i go long printa na i go long wok bilong tilim na salim.

Em i tok long taim bilong So, ol bai salim tu ol "T" siot we i gat ol piksa na toktok bilong ol tripela niuspepa ya, *The Times of PNG*, *Wantok Niuspepa* na *Weekend Sports*.

Kotson i tok long Goroka So, ol i bin salim planti "T" siot

na ol samting tru. Olsem na long dispela wiken, ol i laik wokim gen long Lae So.

Liklik haus bilong Word Publishing kampani bai sanap long wanpela hap we i gutpela bilong ol manmeri na pikinini long go na lukim tu vidio muvi na baim ol "T" siot.

Em i skruim tok olsem planti bisnis na lsten Hailans So Komiti i bin givim bikpela tok amamas long wanem samting Word Publishing i wokim long hap.

Long Goroka, ol i bin givim tu ol fri sapliment wantaim ol progrem i go long ol lain husat i kam long liklik haus bilong

Word Publishing. Na mep insait long sapliment i helpim long soim ol pipel long wanem hap bilong go.

Na long Lae long dispela wiken, ol bai mekim wankain samting gen na givim moa long 100 fri sapliment bilong Morobe Egrikalsa So. Sapliment bai kamap long *Tok Pisin* na Inglis wantaim. Na insait tu bai i gat mep bilong So graun na wanem hap ol wan wan samting i stap long en.

Long helpim na salim moa Wantok, *Times* na *Weekend Sports* long taim bilong So, i gat liklik resis bilong winim ol K10 prais tu bai



kamap. Kotson i tok, "Mipela bai mekim wanpela man, meri o pikinini em mipela i lukim i baim wanpela bilong ol tripela niuspepa ya na i raun long taim bilong So. Husat mipela i makim bai winim K10. Dispela kain resis bai kamap bihain long olgeta 60 minit. Olsem na husat i baim wanpela *Times*, *Wantok Weekend Sports* niuspepa inap winim K10."

samting gen bai kamap long dispela taim em tupela yangpela ya bilong Wantok komik, Suz na Uki wantaim lapun bilong tupela, Chief. Dispela bai i namba wan taim bilong ol long kamap ples klia olsem ol man tru. Na long taim ol i raun long So graun, ol bai givim ol fri Wantok stika i go long ol man, meri na pikinini. Em i tok moa olsem long apinun, bai i gat bikpela resis bilong winim

K100. Long dispela resis, ol jas bai askim ol man, meri na pikinini long kolim namba bilong ol paket Bongo Cheese Snacks i stap insait long nambawan Suzuki Chief ka bilong PNG Motors. Na ol i mas givim ol ansa bilong ol i go long liklik haus bilong Word Publishing. Na long 2 klok apinun long Sande, ol bai tokaut long wina bilong dispela resis.



• Ol man na meri i go bung long haus bilong Word Publishing long Goroka So long las mun. Ol bai wokim wankain haus gen long Lae so graun. Na bal i gat ol kain kain prais samting bilong winim.



• Ol lain bilong Kerowagi long Simbu provins i so op liklik wantaim ol "T" siot bilong Wantok Niuspepa long taim bilong so long hap. Word Publishing bai givim ol wankain singlis wantaim ol arapela long Lae So.

MOROBE PROVINCE AGRICULTURAL SOCIETY	
PRESIDENT:	M. Quinn
VICE PRESIDENTS:	M. Kerro B. Nablu
LIFE PRESIDENTS:	J.H. Jacobsen J.A. Hamilton T.L. Leahy C.M. Salmon
SHOW DIRECTOR:	H. Atherton
BUSINESS COUNCILLOR:	M. Milner
SECURITY COUNCILLOR:	F. Matherson
AGRICULTURE COUNCILLOR:	L. Massing
LIVESTOCK COUNCILLOR:	G. English
RING EVENTS COUNCILLOR:	C. Edmunds
GENERAL EXHIBITS COUNCILLOR:	C. Kings
HORTICULTURAL COUNCILLOR:	N. Howcroft
COMMERCIAL EXHIBITS COUNCILLOR:	M. Plumb
CULTURAL & TRADITIONAL DANCE COUNCILLOR:	J. Giri
SECRETARY/TREASURER:	H. Vetter N. Green
PUBLIC RELATIONS	J. Gerber T. Jarroush
COMMITTEE	
P. Davis: B. Davidson: J. Sawanga: G. Bubar: O. Carroll: P. Franklin: T. Kennedy.	

SUZ na UKI wantaim CHIEF i kam long MOROBÉ SO '92.

EM NAU! MI NA UKI BAI GIVIM AUT OL FRI STIKA LONG SO GRAUN.. KAM RAUN!!

... NATU BAI YU WINIM K100 DRO LONG SANDE, SAPOS YU GESIM HAMA TRU OL BONGO SNAK SISPOP I STAP INSAIT LONG SUZUKI!!

... YU TU BAI WINIM K100 PRAK SAPOS YU BAIM.. ER.. WANTOK O TIMES NIUSPEPA LONG SO GRAUN!

KAM! KAM! LUKIM MIPELA LONG MOROBÉ SO GRAUN HARIAP!!



1. SUZ na UKI wantaim CHIEF i givim aut ol stika long Sograun.
2. Baim tasol Wantok o Times niuspepa na yu ken winim K10 long wanwan aua sapos SUZ, UKI o CHIEF i lukim yu.
3. Ges long hamas BONGO SNAK SISPOP i stap insait long SUZUKI

CHIEF na yu ken winim K100 dro long 2 klok apinun long Sande.

NEM.....

ADRES.....
HAMA PAKET BONGO SNAK SISPOP I STAP INSAIT LONG SUZUKI CHIEF?



L A E T E C H C

OPEN Day

THE PRINCIPAL, THE GOVERNING COUNCIL AND STAFF, INVITE YOU TO THEIR OPEN DAY ON FRIDAY, OCTOBER 23rd

THE COLLEGE WILL BE OPEN FOR THE ENTIRE DAY WITH VARIOUS DISPLAYS, EXHIBITS, CURRICULAR AND NON CURRICULAR ACTIVITIES

BRING YOUR FAMILIES!

FOOD AND REFRESHMENT AVAILABLE/ON SALE.

Putim sampela Ramu suga long mekim de bilong yu i swit moa

BIKPELA fektori o ples bilong wokim Ramu suga bilong PNG stret i stap namel long boda mak bilong Madang na Isten Hailans provins.

Na long dispela yia, ol lain nogut ya bilong wokim kap kopi i swit bai kamap tu long amamas na bung wantaim long Morobe Egrikalsa So.

Stat long 1984 yet i kam, Ramu Suga i save stap insait long dispela So bilong Morobe provins. Na insait long dispela 8-pela yia, husat ol lain i kamap long kona bilong Ramu Suga i save lukim ol kain-kain samting.

Morobe So tu em i

las so bilong olgeta arapela long yia. Olsem na Ramu Suga bai soim olgeta kain samting em i gat na i save wokim long en. Na prais bilong ol dispela samting tu bai i daunbilo ya.

Long bipo yet i kam inap nau, ol Ramu hat, singlis na kap i save gutpela tru. Na tu, pe bilong ol i daunbilo stret winim ol arapela long So graun. Na long dispela yia, ol prais bai i daunbilo moa yet.

Na long amamasim na wokim bel bilong ol manmeri i gris moa yet, Ramu Suga bai wokim tu liklik paia na kukim ol kain kain kaikai

wantaim suga em yet i save wokim. Na swit bilong ol i moa yet.

Olsem na yu mas amamasim famili bilong yu na yu yet.

Na no ken lusim haus bilong Ramu Suga i stap las. Yu mas kisim famili bilong yu i kam hariap, nogut bai yu lus long olkain gutpela samting bilong Ramu.

Wokim dispela de bilong yu long 1992 Morobe So olsem bikipela de bilong tingim long taim bihain. Orait, kamap hariap na lukim ol lain long haus bilong Ramu Suga.

COME AND VISIT US AT THE SUGAR WORLD AND PUT SOME **RAMU** IN YOUR DAY!



- ★ See the cooking and baking demonstrations by the Home Economics students of Goroka Teacher's College and taste the cakes and biscuits.
- ★ Take home a **FREE** recipe and treat your family to lovely home baking.
- ★ Come and enjoy the delicious Ramu beef! Kebabs, Steak Sandwiches etc. Learn about Ramu Feedlot production which is the first of its kind in the country.
- ★ Look at our full range of Ramu Products.
- ★ Buy yourself a Ramu T-Shirt or cap. We assure you they are the cheapest at the show.

All at the Ramu Sugar Stand!
So why waste your day? Come and visit us and

PUT SOME RAMU IN IT!

Bonggo

Real Cheese SNACKS



Only

20t

Available from your Local Supermarket or Trade store.

TOBA MOTORS

When You Need The Best - See Toba Importers & Distributors of




MITSUBISHI

"Technology You Can Trust"



Cars, Trucks, Buses, Forklifts,
Commercial vehicles and Special
Equipment Vehicles.




HONDA MOTOR CYCLES

Honda is The World's Largest Manufacturer Of Motor
Cycles featuring powerful 4 stroke fuel efficient
engines. Toba Motors stock Agriculture Bikes in
110^{cc} & 125^{cc} and off road/trail bikes in 125^{cc} & 185^{cc}.




From 2 HP to 300 HP V8 - The World's Biggest Outboard
New Jet Power Outboard now available.
Full range of OMC Accessories



HONDA

POWER EQUIPMENT



Toba Motors stock a full range of Honda equipment
Generators from .65 KVA to 4.5 KVA
Water and Trash Pumps - Lawn Mowers
Garden Tiller - Tractors - Replacement engines Petrol or Diesel

MOROBE SHOW POWER SPECIAL
HONDA EG 1200 Generator

*** Dependable * Reliable * Economical * Powerful**

Now Only **K612 Only** at the Morobe Show



HEY TOBA MOTORS

PORT MORESBY PH: 21 7874
LAE PH: 42 2611

MT. HAGEN 52 1855
KIMBE 93 5035
WEWAK 86 2784
ALOTAU 61 1246
RABAUL 92 1866

N.A.L helpim ol gavman ejensi na praivet bisnis long ol wok sekap

NATIONAL Analysis Laboratory i bin stat wok 25 yia i go pinis.

Bikos long dispela taim, olpela Dipatmen bilong Kemikel Teknoloji long Yunitek i save kisim planti wok kontrak na askim tru bilong sekap long ol kain kain marasin long graun, wara na solwara.

Dispela ol askim i save kam long ol gavman ejensi, ol praivet bisnis na oganaisesen na ol pipel yet.

Na long dispela taim, ol tisa i save painim hat tru long mekim wok bilong ol long klasrum na long go mekim ol dispela wok painimaut ausait. Orait long dispela as, ol i kirapim wanpela spesel yunit insait long yunivesiti bilong helpim ol kain wok olsem insait long kantri.

Long namba wan taim tru, N.A.L i bin stat wantaim wanpela

man na wanpela liklik boi long kona bilong wanpela klasrum. Tasol nau, N.A.L i kamap pinis olsem wanpela bikpela han bilong karimaut ol wok sekap long ol marasin na arapela samting long wok saiens insait long kantri.

Dispela yunit nau i stap aninit long lukaut bilong Dipatmen bilong Aplaied Saiens long Yunitek. Na N.A.L i save kisim kontrak tu bilong mekim ol wok painimaut nabaut.


Wok bilong N.A.L i gro yet na ol i traim hat long bringim na kisim ol kain kain masin, kompyuta na ol arapela samting bilong mekim ol dispela wok painimaut. Sapos ol i mekim olsem, N.A.L inap kamap wankain olsem ol arapela laborator long wol.

Bikpela tingting bilong N.A.L tu i bin

sut long lukautim ol bus, graun, wara, wolwara na ol animel bilong yumi. Na long mekim dispela, em bai sekap oltaim long ol kain kain marasin em i stap insait long ol dispela ples. Na oltaim ol i save sekap long ol wara, graun na ol diwai nabaut long ol marasin nogut.

Ol i wokim pinis wanpela nupela rum bilong sekap na glasim gut ol kain kain marasin em i stap insait long ol wara na graun bilong yumi. Na dispela i mekim wok bilong N.A.L long Papua Niugini i kamap wankain olsem ol arapela ovasis laborator.

Dispela nupela haus i narakain olgeta. Ol i wokim long ol nupela kain samting na bai hat long das na kain kain win nabaut i go insait.



• Wanpela hap wok bilong N.A.L em long sekim ol kain ples olsem Lae Botaniel Gaden long ol kain kain marasin nogut. Bikos ol dispela marasin inap stap na bagarapim ol diwai, gras na pis long hap.

Olsem na ol i kolim dispela haus olsem "klin rum" bilong mekim ol wok painimaut.

N.A.L i laik wok klostu wantaim ol

bikpela bisnis kampani long Papua Niugini. Olsem bai ol inap lukluk tu long lukautim ol bus, graun na wara bilong kantri. Wanpela nau

em i wok klostu wantaim em Shell Oil kampani.

Shell kampani i bin givim sampela mani bilong helpim N.A.L

long baim wanpela masin bilong sekap long ol marasin nogut taim wel i kapsait nabaut long solwara o graun klostu long hap ol i wok long en.

LAE CITY



AUTHORITY

MOROBE

LIKLIK HAUS BILONG LAE SITI ATORITI BAI SOIM YU ROT EM MANI BILONG YU I SAVE GO LONG EN

Mipela bai amamas long ol pipel bilong Lae Siti long go na lukim liklik haus bilong Lae Siti Atoriti (namba 68 na 69) long Morobe So na painimaut long rot em dispela mani yupela i save baim ol Komyuniti Sevis takis i go long en.

Long sampela mun i go pinis, planti komplek i bin kamap long Lae Siti. Olsem na mipela i laik yusim dispela So long tok klia na soim ol pipel wanem samting i wol long kamap nau.

Ol opisa bilong Atoriti bai stap long taim bilong So long bekim wanem kain askim em yu gat long en.

Mipela bai soim tu wanpela vidio muvi we i sut long dispela Komyuniti Sevis takis na wanem helpim em i save givim. Dispela vidio muvi bai karamapim tupela de bilong So wantaim. Olsem na mipela i laikim ol lain husat i save baim takis long kam lukim dispela vidio muvi na toktok wantaim ol opisa bilong mipela.

Long ol So bilong bipo, Lae Siti Atoriti i bin winim ol prais long soim ol kain kain kaikai bilong gaden. Olsem na long dispela wiken, liklik haus bilong mipela bai pulaj gen long ol kain kain kaikai bilong gaden olsem melon, painap, yambo, banana, popo, aibika, bin, tomato, ol pikinini kaikai bilong planim na ol kain kain arapela kaika na kumu.

Bihain long ol jas i raun na skelim ol kaikai samting, mipela bai salim ol dispela kaikai.

Mipela i laik askim gen olgeta lain husat i kam long Lae long givim han na HELPIM LONG LUKAUTIM NA KLINIM SITI. Long mekim dispela, mipela i laikim olgeta man meri na pikinini long putim ol pipla stret long ol pipla dram i stap long ol kona bilong Lae Siti.

JACOB SAWANGA
Siti Menesa.

LUKAUTIM LAE SITI I STAP KLIN. NO KEN TROMOI PIPLA NABAUT.

M.P.A.S
LAE SHOW GROUND
1992

JAWANI STREET

Livestock Pens

AIR CORPS RD

OL PLES LONG SO

A - Bisnis So	E - Hausbung
B - Hotikalsa	F - Ol Memba Ka Pak
C - Kain kain So	G - Dua
D - Ol Skul	H - Ol arapela Ka Pak

RON BILONG OL KA

Ol lain husat bai soim ol samting long taim bilong So i mas bihainim rot bilong Air Corps Rot i go long dua. Bihain long ol i lusim ol samting, ol i ken putim ol ka long Ol arapela Ka Pak, bihain ol i ken lusim So graun bihainim dua bilong Ol Memba. Sapos ol i no putim ka i stap, ol bai lusim graun bihainim Jawani Strit.

Ol Memba i ken yusim Dua bilong ol Memba long go insait na kam ausait long Ol Memba Ka Pak.

Sing Sing Area

Parking

Horse

Stalls

Agriculture

Office
Members Stand

MAIN RING

Public Stands

Pay Stand

Commercial

Exhibits

Commercial

Exhibits

CHURCH STREET

BUMBU ROAD

MARKHAM ROAD

SHOW PROGRAMME

Friday 9th	1.30pm	Cattle Judging at Livestock Pens
	3.30pm	Led Horse Events
	5.00pm	Best Presented Horse
	5.30pm	Child Rider Class
Saturday 10th	8.00am	Adult Rider Classes
	9.30am	Hack Classes
	10.30am	Parachute Display
	11.00am	Showjumping Table A
	1.00pm	Showjumping Table C
	2.00pm	Ring Activities
	2.45pm	Parachute Display
	3.15 pm	Iron Man Races
	4.00pm	Rodeo Games
	4.45pm	Guard Dog Display
	6.15pm	Fireworks
Sunday 11th	8.30am	Kids Games
	10.00am	Parachute Display
	10.15am	Agricultural Machinery Drive Past
	10.45am	Marching Groups/Bands
	11.00am	Arrival Governor-General
	11.05am	Guard of Honour
	11.15am	Opening of Show
	11.30am	Marching Groups/Band Leaves
	11.30am	Sing Sing
	12.30pm	Official Luncheon
	2.00pm	Fireworks
	2.30pm	Skydivers
	3.00pm	Rodeo Games
4.00pm	Guard Dogs	

Wanem ol hap long So Graun

LIST OF EXHIBITORS AND STALL HOLDERS

12	B H P T i t a n	13	Toba Motors
28	Boral Gas	31	Total Hardware
40	British Petroleum	19	Unitech
60B	Busu High School	3A & B	Waratahs Sports Clubs
Round House Cassowary Rd Unit- ed Church		8A & B	Wills W.D. & H. O.
17	CIG	32A & B	Papindo Trading
16/18B/53	Coca Cola	49	Pesi Cola/Niugini Beverages
211/45	Coca Cola	18A/63B/35	Pesi Cola/Niugini Beverages
57	Dept. of Primary Industries	7B	PNG Cancer Relief Society
71A & B	D.P.I./Buang	37	Ramu Sugar
73A & B	D.P.I./Kabwum	11	Repro Auto Parts
76A & B	D.P.I./Menyamy	14	Rice Industries
72A & B	D.P.I./Siassi	5A & B	Rotary Club of Huon Gulf
75A & B	D.P.I./Situm		
74A & B	D.P.I./Wau		
51	Food Specialities		
35A	Furniture Exports	58	Rotary Club of Lae
50A	Homes for Disabled	27	Rothmans
47	Lae Biscuits	63A	Samsons
68/69	Lae City Authority	15	SP Machinery
39	Lae Technical College	55	St Mary's Comm School
43B & C	Lions Club of Lae	77	Steamships Hardware
52D	Morobe Bakery	10	Sullivans
41	Natequip	62	Swiss Mission
54	NCYL Youth Group	General (C)	The International School of Lae
52A & B	Niugini Specialities		
38A	Niugini TableBirds		

HI SPEED DIESEL SERVICES PTY LTD

**ATING YU SAVE PAINIM HEVI
ANTAP LONG ROT O
LONG SOLWARA**

Mipela inap sevisim olkain samting bilong
Wok Trensport insait long Papua Niugini.



**DIESEL
FUEL
INJECTION**

* SERVICE
* MAINTENANCE
* REPAIR
* OVERHAUL
* PARTS



SPECIALISTS IN



**TURBO
CHARGING**



Mipela i stap
nau long Rigal
Rot long
Taraka, Lae.

Maski em i wanpela liklik disil moto ensin o ensin bilong
wanpela bikpela ka, yu ken larim tasol long mipela yet.

Nupela wok bilong Hi Speed Service Pty Ltd - ol kon-
vesen kit bilong olgeta kain disil ensin.

**KAM LUKIM MIPELA LONG:
Rigal Rot klostu long Butibam Rot, Wes
Taraka, LAE,
O SALIM PAS I KAM LONG:
P.O. Box 2450, LAE, Morobe Province,
P.N.G.**

Telipon namba: 45 7288

Fax namba: 45 7400

Telex: HISPEED 42495

TRAIM MIPELA NAU

NATIONAL ANALYSIS LABORATORY

UNITECH, P.O. LAE,
Telipon namba: 43 4571, Fax: 43 4570

PROFESANEL SEVIS BILONG TRAIM

- WARA
 - Painim ol Ain
 - Sekap long ol Liklik Binatang
 - Gutpela Wara bilong Dring bihainim
Lo bilong Wol Helt Organaisesen
- OL PIPIA BILONG WOK MAINING
- LONG RAUSIM PIPIA BILONG OL FEKTORI
- OL SIMEN NA OLKAIN WOK OLSEM
- GRAUN NA PLES BILONG WOK
- SEKAP LONG OL WOK BILONG BUS NA GRAUN
 - Skelim gut ol kain kain wok nau i kamap
 - Wokim ol EIS Ripot

I save mekim ol wok bilong sekap, glasim na
skelim ol kain samting olsem Mekuri,
Asenik, Selenium na ol narapela marasin
nabaut.

No ken sem long toktok wantaim ol wokman
bilong mipela sapos yu laik save moa
long mipela.



Nesanel Stendets Kaunsil bilong Papua Niugini i
rejistaim dispela Laboratori.

"Taste the Flavour!"

4 BISKETS IN PACK.

Morobeen

NEW BEEF CRACKERS

The one with kick!

100g NET

4 CRACKERS FOR THE PRICE OF 3

jam with **nambawan milk crackers**

Wankai

Paradise

"the newest meal in a pack"

Wankai

120g net

Wankai


nambawan milk crackers with **peanut butter**

Ol kain kain pes, stail, bilas na ol pasin bilong Mo



• Ol man i bung long haus wokim haus o narapela sar

Bikpela beng long PNG



• Dispela plisman i soim stail bilong em antap motobaik long 1988 Morobe So.



em dispela beng i save gut tru long ol wok bisnis long PNG

Papua Niugini Benging Kopresen em i wanpela bikpela beng long kantri, ña tu em i gat ol han long olgeta 19 provins long kantri.

Taim yu laik kirapim ol bisnis long Papua Niugini, mipela inap givim helpim long ol wok bilong mani long kantri na ovasis, toktok bilong bisnis, rot bilong stretim na kisim mani na ol arapela sevis em yu save ol bikpela beng i save givim.

Maski sapos em i wok bilong yu yet o bisnis bilong-yu, kam lukim mipela long PNGBC.


PNGBC tasol i save gut long Papua Niugini.

Long save moa long dispela, toktok wantaim:

Leon Chapple
Ekskyutiv Menesa - Kopret na Intanesenel
(675) 22 9740

Jim Forrester
Menesa - Intanesenel
(675) 22 9729

Francis Gubag
Asisten Menesa - Intanesenel
(675) 22 9731



P.O. Box 78, Port Moresby, Telipon namba: 21 1999, Fax namba: 229867 o 21 1954.



• Ating dispela ol susa bilong Madang bai kam long dispela wiken na kukim Morobe So.

robe So long las 30 yia



bilong wampela kampani husat i save salim ol pen bilong yusim long nting i luk kala kala na nais moa. Dispela kain so bai kamap gen.



long

• Talm bilong amamas na ol bikman ya i hatim stret i stap.

Moa poto long pes 17

FIRST WITH NEWS



Kisim fri... Ol graunman bilong Asaro i bin go raun long ap tu haus bilong Word Publishing long Goroka So na kisim ol fri Wantok singlis. Yu tu inap laki na winim wampela long Lae So.


LAE PHOTOGRAPHY PTY LTD

P.O. BOX 384, LAE, MOROBE PROVINCE, PAPUA NEW GUINEA

GLASIM GUT:

Telipon namba: (675) 42 1478 Fax namba: 42 5684

Morobe So bai
bikpela na moa
gutpela long ol
arapela bilong bipo




Lukim yu long hap!

Kisim ol poto bilong yu
na karim i
kam long mipela long
wasim long

LAE PHOTOGRAPHY

20^{FOOT} CONTAINER SERVICE



Your North Coast
Cargo Service

LAE/MADANG/WEWAK/
VANIMO and ORO BAY
Return Every Week


25 TON SINGLE LIFT CAPACITY

LUSHIP

LAE - LUSHIP	Ph: 42 2066	Fax: 42 5806	Telex: 44172	P.O. Box 1549
MADANG - LUSHIP	Ph: 82 2577	Fax: 82 2180	Telex: 82726	P.O. Box 789
WEWAK - SEPIK COASTAL	Ph: 86 2578	Fax: 86 2795	Telex: 86123	P.O. Box 118
VANIMO	Ph: 87 1143	Fax: 87 1272		P.O. Box 167
ORO BAY	Ph: 29 7268	Fax: 29 7467	Telex: 29189	P.O. Box 77



Here's better beef for PNG... from RAMU




Ramu is the only PNG producer of superior quality feedlot beef.

Ramu feedlot reared beef provides a constant year-round supply of uniform quality carcasses to wholesalers and retailers throughout PNG.

COME AND TASTE THE DIFFERENCE!

Ramu Beef Kebabs. Steak Sandwiches etc.
ON SALE AT THE RAMU STALL EACH DAY!



RAMU BEEF

ENQUIRIES TO:
CRAIG SHIEL
GUSAP RANCH
PHONE: 44 3242
44 3290
44 3268

HRD 13.5R7

Ol paul wok bilong gavman na rot nogut pasim Semba ov Komes long soim ol samting

SAM VULUM i raitim

MELANESIEN Semba bilong Komes long Lae i tok ol paul wok insait long Morobe provinsal gavman na ol rot nogut bai stapim ol memba bilong ol long stap insait tu long So bilong dispela yia.

Tasol, presiden bilong Semba, Gabriel Miriye i tok samting olsem 250 liklik bisnisman na ol fama long Morobe provins bai stap insait

long So long 1993. So. Tasol wok bilong redi long 1993 So i go het yet bikos ol i laik mekim 1993 So i kamap olsem nam-bawan tru insait long provins.

Em i tok, "Mipela i laik soim ol pipel bilong Papua Niugini long wanem samting mipela i save groim na lukautim. Na mipela i laik brukim olgeta rekot long neks yia."

Miriye i tok long dispela wok redi nau i wok long go het, ol i helpim tu narapela 15

kampani long rejista wantaim Nesenel Promosen Atoriti (N.P.A.). Olsem bai ol dispela lain tu inap stap insait long Morobe So long neks yia.

Em i skruim tok olsem ol i sapatim tru dispela tingting bilong gavman long kirapim wok egrikalsa. Bikos em bai helpim ol na ol pipel bilong ples yet.


Miriye i tok ol memba bilong Semba bai go tasol na lukluk raun long



NAMBA WAN PRAIS LONG WOKIM OL SAMTING

Long las yia, mipela i bin winim namba tu prais long wokim ol samting. Na long dispela yia, mipela bai winim namba wan prais. Long wanem mipela i redim pinis planti gutpela samting bilong yu. Mipela bai gat ol samting olsem yu save pinis long en olsem ol gutpela kwaliti bisket, mitpai, bred, skon, kek na ol bans. Na tu bai i gat ol samting olsem ol "T" siot o singlis, ol hat, ambrela na planti arapela samting bilong givim fri. Sapos yu baim wanpela bilong ol samting mipela i wokim, yu bai kisim wanpela FRI hat bilong putim long haitim san. Kisim tu dispela hap pepa wantaim ol tok-tok yu ritim nau long niuspepa i kam long haus bilong mipela na yu bai kisim wanpela FRI hat. Mipela long Lae Biscuit Company i bilip olsem kaikai i NO KEN gat swit tasol, prais bilong em i mas daunbilo inap long ol pipel i ken baim. Olsem na long lukim tru long ai bilong yu, kam lukim haus bilong mipela long Morobe So.

MOROBE SO 92



Get that
PRIMA
taste



PRIMA
Quality Hot Dogs!
Available at the Prima Stand.

Moa poto bilong ol senis long Lae siti na Morobe So i kam inap nau



• Yangpela ya i amamas stret long sindaun antap long dispela bulmakau na wokabaut raun long so graun.




• Ol man bilong wanpela singsing grup bilong Morobe provins i wokabaut i go Insait long So graun bilong samsam long 1985.



• Kain kain ol samting bilong wok long gaden i stap long So bilong ol pipel long lukim.



• Namba wan taim ol i laik wokim nupela opis bilong ANZ beng long Lae, Morobe provins. Olgeta wok i kamap nau long dispela opis.



• Bilkpela graun bilong ol samting long kamap long Lae So i luk sore i stap. Tasol long dispela wiken, kain kain pes, stall na pilal bai kamap long hap long amamasim namba 31 Morobe So.



Coffee Industry Corporation Ltd.

*I LAIK TOK WELKAM LONG
OLGETA LAIN HUSAT I KAMAP
LONG 1992 LAE SO MIPELA BAI SALIM*

HOT KOPI

NA


AIS KOPI

NA MIPELA BAI SALIM TU OL

Ambrela bilong Nambis, "T" siot
o singlis na Masin bilong
Memeim Kopi



Adres: P.O. Box 137, Goroka.
Telipon namba: 72 1266
o 72 2466



*Plisdok i moa yet...*Dispela plisdok i soim stail bilong em na kalap i go insait long ring long 1985 Morobe So. Long dispela yia, bai i gat resis bilong painim ol nambawan dok.

Resis bilong ol dok tu bai kamap long taim bilong So

MESERY GUBAG i raitim

LAE So bai go het long dispela wiken.

Na olgeta samting i redi pinis long so bai stat.

Presiden bilong Lae So Komiti, Mike Quinn i tok olsem planti samting bai kamap long dispela So.

Klostu long 30 singsing grup bilong Morobe na ol arapela provins i givim

nem pinis long stap insait long dispela So.

Quinn i tok olsem planti ol samting bai kamap long dispela So. Wampela long ol em egrikalsa so.

Faipela distrik bai stap insait long dispela so. Ol bai bringim ol samting olsem kau, pik, hos, kaikai bilong gaden na ol narapela samt-

ing long soim long dispela So. Ol distrik ya em Wau, Bulolo, Menyamya, Situm, Kaiapit na Kabwum.

Wampela samting we bai i kamap long so ya em dok resis. Dispela em we ol papa bilong ol dok bai bringim ol i go long so long resis long winim prais.

Na ol jas bai givim poin long ol dok. Ol jas bai lukluk long bodi bilong dok, fat

bilong em na sapos ol papa bilong ol i save brasim gras bilong ol. Ol bai jasim ol tu long skul ol dok i bin kisim we ol i save harim tok o no gat na tu long ol arapela samting.

Na dok husat i winim dispela resis bai kisim prais. Dispela em wampela long ol planti samting we bai kamap long So bilong dispela yia.

Ful mobail na plis yunit bai wetim ol trabelman

PLIS Mobail Skwat bilong Hailans rijon bai sambai long taim bilong Lae So long dispela wiken.

Na ol bai raun na holim ol pipel husat i laik hambak nabaut.

Lae plis tu i redi tasol long mekim wankain pasin long ol man husat i laik mekim nabaut na bagarapim raun bilong ol arapela pipel long taim bilong So.

Ol ami tu bai stap insait long dispela So. Tasol ol bai mekim wampela narapela wok. Ol bai pilaim dispela bras ben bilong ol. Ol lain ya '1PIR Paips na

Drams ben' bai soim olsem ol i no save long pait tasol. Ol i save long pilai ben tu ya na wokim musik.

Siaman bilong So komiti, Mike Quinn i tok olsem ol i laikim ol pipel bilong Lae long go long So. Na dispela trabel we i kamap nau bung Lae i no ken bagarapim sindaun bilong ol o stapim raun bilong ol.

Quinn i tok komiti bilong em i ting olsem namel long 50,000 na 60,000 pipel bai i go long So ya.


Gavana Jeneral Sir Wiwa Korowi bai opim dispela So ya.



• Ol plisman bai sambai long olgeta kona bilong So graun long holim ol trabelman.


Give it to them Morobe!

COME AND SEE PNG'S WEIGHTLIFTERS AND BODYBUILDERS AT THE SHOW!




trukai POWERS SPORTS





SPEAR




**WELKAM LONG
1992 MOROBÉ SO**

Kam lukim liklik haus bilong SPEAR
long ol kain kain pilai resis na ol gutpela prais!!



SPEAR



Government Warning: Smoking is Dangerous to Health





RUGBY

Namba 69

Fonde, October 8st, 1992.

LIG NIUS



Gren Fainal

MOSBI DIFENS
VS
LAE SPIDERS

• Kepten bilong Lae Spiders - Mathias Klin.

• Moa Cambridge Kap gren fainal ripot ... p2-p3

• Mosbi Difens kepten - Kes Paglipari

CAMBRIDGE CUP P.N.G. Big League

Spiders no winim tiket nating

ALPHONSE PU i raitim

LAE Spiders i gat rait long bungim Mosbi Difens long 1992 Cambridge Kap gren fainal bihainim long ol i nekim Hagen Hawks long las wiken.

Spiders i winim Hawks 18-14 taim tupela i bung long Rebiatul Ragbi Lig graun long pilai bilong semi fainal las Sande. Kepten bilong Spiders Mathias Kin i kirapim tingting bilong ol pilaia bilong em, na ol i putim tupela trai, na Hawks i putim wanpela long bringim skoa i go 8-4 long hap taim.

Bobby Ako na John Yawing i soim sampela gutpela pilai, tasol ol wan pilaia bilong tupela i no givim gutpela sapot. Dispela i bin stapim sans bilong Hawks long skoa. Ako i traim long skoarim wanpela trai tasol ol manki Lae i holim pasim em long trai lain, na stapim em long skoa.

Long namba tu hap, Spiders i skoarim namba tri trai na kikim gol,

dispela i kisim skoa i go antap 14-4. Planti man i sapotim tupela sait wantaim na ol i no kamapim trabel. Tasol planti man i bin sapotim Lae Spiders.

Namel long namba tu hap bilong pilai kepten bilong Hawks John Pasingan i wokim sampela gutpela kik. Dispela i helpim tru Hawks long skoa tupela taim. Dispela tupela trai i bin kamap na tupela tim i pas long skoa 14-14.

Hawks taitim stret banis na stapim Spiders long skoa tasol ol manki Lae i painim olsem ol i gat 8-pela minit i stap. Na winim skrum klostu long mak bilong Hawks. Dispela i givim sans long winga Aquila Bina long skoarim las trai. Dispela i stapim tru sans bilong Hawks na Spiders i winim gem 18-14.

Spiders bai bungim Difens dispela Sande long gren fainal. Sapos Spiders i laik winim gren fainal ol i mas kikim gut gol na putim banis long stapim Difens olsem ol i wokim long Hawks.



Ngaffin bai givim hetpen long Lae Spiders - Kumul kepten long gem egens Australia Kangaroo, Kera Ngaffin i holim strong bal na brukim banis bilong Rabaul Muruks. Dispela em long semi fainal gem i bin kamap long Mosbi las Sande, na ol soldia boi i win long bikpela skoa stret 49-8. Ngaffin i winim 'Man-of-the Match' awot long kain strongpela ran olsem. Dispela Sande em bai yusim bikpela sais bilong em long wankain we egens Lae Spiders long gren fainal. Na i gat bilip olsem em bai givim hetpen stret long ol boi bilong Lae Siti.

SKOA BOD NA TEBOL

MOSBI DIFENS:

Raun 1	Difens def	Kerema Kouri	42-8
Raun 2	Difens def	Tabubil Royals	36-16
Raun 3	Difens def	Rabaul Muruks	49-8

LAE SPIDERS:

Raun 1	Spiders def	Wau/Bulolo Brothers	24-14
Raun 2	Spiders def	Madang Royals	26-20
Raun 3	Spiders def	Hagen Hawks	18-14

	Poin fo	Poin egens
Difens	127	32
Spiders	68	48

Difens gat bikpela sans

Ol boi Rabaul salim kaikai

MOSBI Difens i bagarapim stret sindaun bilong Rabaul Muruks 49-8 long semi fainal las Sande, em i bin kamap long Lloyd Robson oval.

Long narapela semi fainal long Hagen, Lae Spiders i nekim Hagen Hawks 18-14.

Dispela Sande, Mosbi Difens bai bungim Lae Spiders long gren fainal, em bai i kamap long Lloyd Robson oval, Mosbi.

Long las Sande, Muruks i gat bikpela tingting na laik long bekim dinau long ol soldia boi. Bikos long 1990 gren fainal, ol soldia boi i win 32-18.

Tasol ol soldia boi i nekim ol narakain stret na skoarim 10-pela trai olgeta. Dispela i bin wanpela wan sait gem tru.

I nogat rot tru bilong ol boi Rabaul long winim gem. Bikos ol soldia boi i banisim ol gut tru long fran na beklain wantaim.

Fulbek Normyle Eremas i skoarim wanpela trai tasol bilong Muruks. Dispela trai i kamap long namba tu hap bilong pilai, na faiv eit Steven Kapan i kikim kik bilong tupela poin.

Narapela tupela poin i kam long penelti kik bilong Eremas long namba wan hap bilong pilai.

Tupela prop Kera Ngaffin na Simon Patimos i pilai gut tru wantaim ol strongpela ran na takel. Planti taim bai tupela i karim ol pilaia wantaim taim tupela i ran.

Ngaffin i winim 'Man-of-the Match' awot long gutpela pilai bilong em.

Ol arapela pilaia tu olsem kepten Kes Paglipari long seken ro posisen, John Mukale na lok Arnold Krewanty i pilai strong tu long fran lain wantaim ol

strongpela ran i go antap long namel bilong fil.

Gutpela pilai long fran lain i klia bikpela spes na rot bilong ol beklain pilai olsem hap bek Billy Seove, faiv eit Tony Daple, tupela senta Apo Asorifa na George, na tupela winga James Miviri na Jack Uradok.

Mausman bilong Muruks Andrew Ilam i tok Difens i winim ol gut tru.

Ilam i tok asua em ol pilaia bilong Muruks i no bihainim plen bilong pilai. Ol i pilai tumas long beklain na ekspiriens bilong Difens i daunim ol, em i tok.

"Mipela ting bai mipela win long liklik skoa. Tasol ekspiriens bilong ol olupela na nupela Kumul pilaia long Difens tim i dainim sans bilong mipela," Ilam i tok.

Kepten bilong Difens Paglipari i amamas tru long ol boi bilong em. Em i tok: "Mipela i bihainim o pilai tasol stail bilong pilai em mipela i save pilai."

Uradok na Patimos i skoarim tripela trai olgeta. Long namba wan hap bilong pilai, tupela i skoarim wanpela. Na long namba tu hap, tupela i skoarim tupela.

Ol arapela 5-pela trai i kam long Ngaffin, Miviri, Asorifa na Krewanty.

Faiv eit Daple i kikim 4-pela konvesen tasol. Dispela i soim gen asua bilong kik long gol em Difens i gat. Daple i mas stretim lek bilong em bipo long gren fainal.

Hap bek bilong Rabaul Martin Ingirin i mekim planti gutpela takel long beklain. Na olupela Kumul huka Bernard Bate i soim stail stret long fowat,

MOSBI Difens i gat

bikpela sans tru long winim Lae Spiders taim tupela i bung long 1992 Cambridge Kap gren fainal long Mosbi dispela Sande.

Wok bung namel long ol pilaia i wanpela bikpela samting tru we i helpim Difens long go long gren fainal. Olgeta pilaia i wok bung na soim olsem ol i ken pilaia olsem wanpela tim. Difens i soim dispela taim-ol i bin stap namba 4 long Mosbi lig resis na go olgeta long gren fainal na winim Wes, husat i gat 100 pesen

sans.

Dispela i kamap ples klia tu taim ol i pilai long Cambridge Kap resis. Ol i putim kamap sampela strongpela pilai na daunim salens bilong ol arapela senta.

Pilai bilong Lae Spiders i no strong tumas olsem bilong Difens. Spiders inap lus long sampela tim sapos ol birua tim bilong ol i banisim ol gut tru. Dispela i kamap klia long skoa bilong ol.

Long raun wan taim ol i pilai wantaim Wau/Bulolo Brothers, Spiders i winim Brothers

24-14. Klostu ol i lus long raun tu, taim ol winim Madang Royals 26-20. Spiders i win tasol long 6-pela poin.

Spiders i laki tru long winim Hagen Hawks 18-14 semi fainal las Sande. Wanpela trai tasol i helpim Spiders long win. Sapos no gat ol boi Hagen inap go long gren fainal.

Difens i gat gutpela rekot long skoarim moa poin winim ol birua tim. Long raun wan ol i nekim Kerema Kouri 42-8. Na long raun tu ol i winim Tabubil Royals 36-16.

Ol soldia boi no ken luk daun long Spiders

BIKPELA bilip i stap olsem Mosbi Difens bai wilwilim Lae Spiders long gren fainal bilong 1992 Cambridge Kap gren fainal long dispela Sande.

Tupela tim ya bai i bung long 4 klok apinun (4.00pm) long Lloyd Robson oval, Mosbi long Sande Oktoba 11.

Sapos ol soldia boi i gat kain bilip, ol i no ken luk daun long Spiders. Bikos Spiders i ken tanim tebol long ol.

Ripot i kam long Lae i tok insait senta Charlie Vee i bagarap, tasol em i wok long pilai yet. Vee em wanpela pilaia husat i go pas long helpim Spiders i winim 1992 Lae primaia taitel, na tu pusim tim i kam long gren fainal bilong dispela bikpela resis, Cambridge Kap.

Ragbi Lig Nius ripota long Madang, Ben Taumai i glasim olsem


Lae Spiders i no winim Madang Royals long bikpela skoa. Na tu ol Spiders pilaia i no pilai gut, o yusim planti stail bilong winim gem.

"Ol i yusim wanpela kain stail tasol bilong huka i kisim bal long dami hap na tromoi stret i go long ol pilaia. Sapos ol i laik yusim dispela kain stail tasol, mi ting Difens bai waraim ol stret," em i tok.


Ol pilaia tasol Difens i mas lukaut gut em ausait senta Alina Bina, fulbek Benny Jacob, Lawrence Kandi (olpela Mosbi Air Niugini pilaia), na faiv eit Elison Kautewo, na Vee sapos em i strong yet long pilai.

Kautewo em wanpela pilaia bilong putim was gut. Lukluk long lain ap bilong Difens, Kautewo i ken brukim banis long namel bilong fil. Bikos em i gat moa spit na sait step.

Ol i holim sans bilong Difens long winim gen taitel




• Tony Daple



• Clement Mirisa




• Kes Paglipari




• Jack Uradok



• Simon Patimos



• Apo Asorifa



• Lahui Ako



• James Miviri



• Ronald Vue




• Paul Andaku



• Kera Ngaffin



• Arnold Krewanty



• George Kele

Spiders i mas pilai strong moa sapos em i laik win

LAE Spiders i mas pilai strong moa sapos em i laik winim Lae Spiders na karim Cambridge Kap i go long Lae long namba wan taim.

Nay yet Mosbi Difens i gat bikpela sans long winim Spiders. Tasol sapos ol soldia boi i gat ka'in tingting na senisim pilai bilong ol, kepten Mathias Kin

bilong Spiders bai brukim rekot stret. Bikos em bai i namba wan kepten long karim dispela nem kap i go long Lae.

Ripot i kam long Lae i tok Spiders i no win long ol gutpela skoa, sapos yu makim wantaim Difens.

Long tripela gem olgeta, Difens i skoarim 127 poin, na ol birua tim i skoarim 32 poin tasol egens em.



• Steven Soki



1992 CAMBRIDGE KAP

GREN FAINAL

Sande Oktoba 11

	Fil	Ples bilong pilai
Mosbi Difens	vs	Lae Spiders Mosbi

SEMI FAINAL SKOA

Lae Spiders	def	Hagen Hawks	18-14
Mosbi Difens	def	Rabaul Muruks	49-8

• (ANTAP) - Kera Ngaffin (wantaim plastik helmet) na huka Ronald Vue i takelim strong winga bilong Rabaul Muruks. Difens i win 49-8.

• (RAITHAN) - Tim menesa bilong Madang Royals Bernard Rendall (Iephan) i kisim K500 sek mani olem rana ap prais i kam long wanpela opisal bilong Lae lig. Opo Liriope na Charles Ope i sanap long baksait.



CAMBRIDGE CUP PNG BIG LEAGUE

Ground admission K4 (no childrens' tickets)

3.00 Gates open

10.00 (A)	Defence 1	vs	Defence 2
(B)	A/Niugini	vs	Seagulls
(C)	Souths	vs	Westis
(D)	Hawks	vs	Royals

J.11	Murray	vs	St Peters
------	--------	----	-----------

J.15	Halagu	vs	Tadikaka
------	--------	----	----------

2.30	Winner A	vs	Winner B
	Winner C	vs	Winner D

J.13	Gordon	vs	St Joseph
------	--------	----	-----------

1.30 Sprint Relays (sevens teams)
2.00 Central province traditional dancing group/Haunabada Tamure dances

2.30 7's final
3.00 Police Dog display
3.20 Grand Parade led by Police band
3.45 teams enter/release balloons
3.50 Introductions - Governor General
- President, PNGRFL
- General Manager, Rothmans of Pall Mall
- General Manager, Lae Biscuit Company
- General Manager, Hastings Deering

3.55 National Anthem
4.00 Kick-off (Governor General official)

Half time - Police Bank



• Skulboi bilong Yaialawari haiskul i holim gut bai long raithan na ran wantaim oigeta strong Igo antap long brukim banis bilong tupela Gerehu haiskul piliala, husat i sambal gut tru. Tupela tim ya bilong Mosbi Skulbois lig resis i bin bung long Lloyd Robson oval las Sande long opim semi fainal bilong Cambridge Kap resis namel long Mosbi Difens na Rabaul Muruks. Yaialawari i winim dispela gem.

THE BIG ONE



CAMBRIDGE CUP
P.N.G. Big League

GLASIM WOL

• MAL MENINGA i redi na long bekim dinau egens Gret Briten Lions long fainal bilong winim Wol Kap. Bikos long 1990 long namba wan Tes gem, Lions i winim Australia. Tasol kosa bilong Gret Briten, Malcolm Reilly i painim hat liklik long bungim tim bilong em.



Sans bilong Big Mal long bekim dinau

MAL Meninga i go bek long Ingran long las Sande. Long sampela, ol bai tingim 1992 olsem yia Mal i brukim rekot long Tes gem, na tu daunim strongpela salens bilong Ashes egen Gret Briten Lions long 20 yia olgeta.

Tasol em i save olsem ol dispela amamas bai pinis nating sapos Australia i lusim namba wan prais bilong lig long wol long Wembli.

Meninga i no lus tingting yet long sem bilong kamap namba wan kepten, na lusim wanpela Tes gem long Ingran. Em i no lus tingting tu long las Wol Kap fainal long Aklen, we em i no pilai. Dispela taim em i brukim han na i no pilai.

Em i amamas na redi gen long go long Ingran. I gat

"Ya yu ken tok olsem dispela em wanpela gem bilong mi nau long bekim dinau bilong 1990.

"Mi harim planti gutpela bikpela stori bilong Wembli Stadium. Ples bilong pilai i bikpela na gutpela, na tu planti tausen manmeri na pikinini i kamap long lukim dispela bikpela fainal. Tasol asua bilong mi em, mi wokabaut i go ausait long fil olsem wanpela lusa bihain long namba wan gem bilong mi long hap.

"Long mi long amamas long dispela ples, Mi laik kamap wanpela wina na holim Wol Kap," Mal i tok.

Na 10-pela yia bihain long em i go long Ingran long namba wan raun bilong em long Kangaroo tim, driman bilong Meninga i no do daun yet.

Nau em i gat 32 krismas na dispela driman i stap yet. Driman ya em long winim Wol Kap long Wembli Stadium.

Bikpela kepten bilong Australia i tok em i no pilai long wanpela mun olgeta. Olsem na em i pilim olsem em i malolo gut tru, na redi tasol long dispela bikpela gem. Na em i redi long bekim dinau egens Gret Briten Lions.

Foapela wik bilong Meninga i go pinis i no olsem bipo. Long namba tu taim bilong 14

sisen long A gret futbol resis bilong Sidni Lig, Australia em i no pilai long wanpela semi fainal.

Em i wari liklik long dispela. Tasol em i amamas olsem dispela malolo i mekim na em i redi gut tru.

Mal i gat liklik bagarap tasol long han bilong em. Dispela i stapim em long pilai long 'Wally Lewis Celebrity Challenge' gem tupela wik i go pinis long Tweed Heads. Tasol nau em i nogat wanpela bagarap na i redi tasol.

Hevi bilong Mal em 108 klogrem olgeta. Mal i no pilai long wanpela mun. Tasol em i tok em i pilim strong na moa fit.

"Mi nogat bagarap. Mi redi tasol long pilai namba wan gem egens Huddersfield," Mal i tok.

Huddersfield em wanpela tim Australia bai bungim bipo long Wol Kap Fainal long Wimbli Stadium.

"Ol arapela samting i gutpela tru. Olgeta pilaia insait long trening skwat i bin bung wantaim long olgeta de, dispela i mekim olsem sisen i no pinis yet."

Askim olgeta fan long 1992 sisen bilong Meninga, ol bai tokim yu olsem 1992 i bin wanpela gutpela nambawan sisen bilong Meninga. Tasol sapos yu askim Meninga, em bai tokim olsem 1992 i no gutpela yia bilong Meninga.

Em i no laik toktok tumas long ol rekot em i brukim long ol Stet ov Orijon na Tes gem. Em i tok tasol olsem sapos yu pilai long longpela taim, ol dispela kain rekot i ken kamap.

Trupela mining bilong 1992 sisen long Meninga em sapos Canberra i go insait long fainal, em bai i namba 5 taim bilong em long pilai long gren fainal long 6-pela sisen. Em i bilip olsem Raiders em i wanpela gutpela strongpela tim. Na i givim tok lukaut long neks sisen.

"Klap i bin painim taim bikos long hevi bilong mani. Mekim na planti pilaia i no amamas na ranawe," em i tok.

"Sapos wanpela klap i bungim kain hevi olsem, em bai go insait long gren fainal long 5-pela yia bihain. Tasol mipela bai go insait gen long gren fainal long neks yia. Mi gat bikpela bilip long dispela."

Neks yia i stap longwe liklik.

Long Wembli Stadium long Oktoba 24, moa long 80,000 sapota bilong Lions bai kamap, na singaut long blut bilong Australia.

Mal i gat bikpela bilip long ol nem pilaia olsem Allan Langer na Glenn Lazarus. Langer na Lazarus i save pilai long Broncos.

Em i tok 1992 i bin wanpela gutpela yia bilong Brisbane Broncos.

"Alf i bin pilai gut tru long dispela sisen, olsem na helpim bilong em long fainal bai i bikpela tru.

"Helpim bilong Alf bai i bikpela tru, wantaim bilong Lazzo na ol arapela Broncos pilaia. 1992 i bin wanpela bikpela yia bilong ol, nau yet ol i stap fit. Tasol bai i kisim longpela taim liklik long tingting bilong ol i redi long fainal.

"Tasol dispela i no wanpela hevi. Ol gem mipela bai pilai bipo long fainal i nogat bikpela salens. Olsem na mipela olgeta i mas autim olgeta stail bilong mipela.

Meninga tingim namba wan Tes gem bilong dispela Wol Kap long 1990 em Kangaroo i lusim long Wembli Stadium egens Lions. Em i tok ol i no inap lus tingting long dispela taim.

Na i redi gut nau long bekim dinau.
Rugby League Week



• Mal Meninga na Allan Langer.

KAP FAINAL

Kosa Reilly painim hat long mekim tim

GRET Briten i gat bikpela hevi long sampela posisen bipo long bikpela intanesenel lig gem i kamap long kantri bilong ol.

Ol i no inap givim nem bilong 19 pilaia husat bai pilaia long Wol Kap gren fainal. Dispela bikpela pilai bai kamap long Wembli Stadium long Oktoba 24. Na ol bai tokaut long nem bilong ol pilaia 11-pela de bipo long pilai i kamap. Dispela bai givim kosa Malcolm Reilly inap taim long wok wantaim ol pilaia long dispela wik inap long taim bilong pilai.

Tasol Reilly i gat liklik taim i stap long painim ansa bilong ol kwsten long strong bilong ol pilaia. Long olgeta posisen na em i mas painim ansa hariap.

Fulbek: Graham Steadman bai kisim dispela posisen, tasol pilai bilong em long stat bilong sisen i no kamap gut tumas. Namba tu bilong Reilly long bipo, Phil Larder i kisim Jonathan Davies long fulbek bilong

Widnes. Na i gat kain man olsem Steve Hampson i wet tasol i stap.

Winga: Ol hevi bilong Martin Offiah bai pinis na em i gat inap taim long kisim ples bilong em bek long lepwing. Paul Eastwood i no soim gutpela pilai long Hull long dispela sisen, tasol Reilly i laikim em long takel na ol kik bilong em. Alan Hunte i wok long soim gutpela pilai long St Helens, tasol ol i ken senisim Eastwood husat i gat gutpela lek long kikim gol olsem Davies.

Senta: Daryl Powell na Gary Connolly i soim gutpela pilai long Nu Silen long taim ol i go pilai egens Kiwi i kam inap Connolly i kisim bagarap. Paul Newlove i no gutpela tumas long ol intanesenel gem, na Garry Schofield i no gat tingting long pilai long olpela Tes posisen bilong em.

Hap bek: "Mipela mas kisim tupela rait man," Reilly i tok. Schofield bai kisim namba 6, tasol ol i no

save husat bai kisim namba 7 jesi egensim Allan Langer.

Long tripela pilaia ol i tingting long givim hap bek posisen, Andy Gregory i wok long kam bek ken long birua em i kisim long skru bilong em. Shaun Edwards i wok pilai olsem faiv et long Wigan, na Deryck Fox i stat nau tasol wantaim Bradford Northern.

Prop: Andy Platt husat i wanpela nambawan fran rowa long wol bai pilai olsem prop. Narapela man em Kelvin Skerretts, tasol em i gat bagarap yet long bodi bilong em. Dispela i min olsem Karl Harrison husat i bin soim gutpela pilai long taim ol i go pilai long PNG na Australia bai kisim narapela posisen.

Huka: I gat hevi i stap long tupela man husat i resis long dispela posisen. Martin Dermott i gat bagarap long han, tasol em bai i orait pastaim long dispela bikpela gem. Narapela man husat i save resis long kisim dispela posisen em Lee Jackson. Tasol em i wok long go long haus sik long lukim ol dokta bihain long sik em i kisim long wari planti. I no gat moa arapela man em ol i ting inap kisim ples bilong dispela tupela man.

Seken row: Reilly i gat bilip yet long Denis Betts long lukautim dispela posisen, maski em i lusim planti gem taim em i kisim bagarap bihain long banis bilong em i bruk. Wan pilaia bilong em long Wigan tu na long ol Tes gem, Billy McGinty em wanpela man tu em ol i lukluk long em. Tasol ol i lukluk tu long Paul Moriarty. Narapela wan pilaia bilong em long Widnes Richie Eyres i gat bikpela sans tru long kisim dis-

pela posisen. Bikos em i kamapim gut pilaia pinis long taim bilong op sisen.

Lok: Phil Clarke husat i bin soim gutpela pilai taim Ingran i go pilai long Australia, Papua Niugini na Nu Silen. Tasol Reilly i gat bikpela laik long kisim Ellery Hanley, maski long ol hevi em i gat. Na wokim las pilai bilong em wantaim Australia long Wembli. "Mi ting em i fit na stap long pilai bikos em i wanpela pilaia mipela i laikim tru. Em i bin pilai gut long Leeds pastaim long em i kisim bagarp." Sapos Hanley i no pilai, Clarke bai go long seken row wantaim Betts.

"Mi ting 90 pesen bilong ol pilaia husat bai pilai long Wembli bai kam long ol lain husat i bin go pilai long Australia. Papua Niugini na Nu Silen," Reilly i tok.

"Maski taim bilong redi i sot, planti pilaia bai save long ol yet taim ol i stap wantaim long taim bilong trening. Bai mipela i senisim sampela liklik samting, tasol dispela i no min olsem mipela bai stat daunbilo na kam antap." Reilly i tok hevi bilong em nau em long wokim gut seleksen kisim ol gutpela pilaia.

"Mi nogat planti toktok tasol mi bai lukim pilai bilong wanwan pilaia taim ol i pilai long fil, na lukim gen long vidio stat long nau na bihain bai wokim skwat."

Ol pilaia husat i save pilai gut na wokim ol man i laikim pilai bilong ol bai kirap nogut long stap insait tu long skwat.


"Mi no laikim ol lain mi save bai wokim samting na wanem samting em ol i wokim long bipo. Mi laik lukim hatwok bilong ol nau."



• Andy Platt ... nambawan fran rowa long wol.




• Garry Schofield



• Malcolm Reilly



• Jonathan Davies



• Graham Steadman

Hagiva Raiders laikim helpim



• Ol pilaia na sapota bilong Raiders i sindaun ausait long Steamship Supamaketa long Mosbi daun taun na singautim ol manmeri long sampela wan siling. Poto na stori: David Rom.

David Rom i raitim

BIKPELA pilai bilong 1992 ragbi lig sisen i pinis na ol op sisen lig i wok long statim resis bilong ol nau.

Olsem tasol na ol kas bilong ples Hanuabada long Mosbi bai holim namba wan gem bilong ol long dispela wiken. Hanuabada op sisen lig i gat 6-pela klap i givim nem pinis. Dispela 6-pela klap i gat tripela tim long tripela gret. Dispela ol gret em A, B na C gret.

Tasol planti tim i gat sampela hevi long baim yunifom na rejistaim ol

pilaia. Wampela tim husat i gat hev i ya em Hagiva Raiders.

Long las wik sampela pilaia bilong ol i bin sindaun long fran bilong Steamship Supamaketa long taun na askim ol manmeri long helpim. Ol pilaia i laikim helpim long baim nupela yunifom na rejistresen bilong ol pilaia.

Kosa bilong Hagiva Raiders, Bau Morea i tok ol i laikim helpim bikos Raiders em i wampela nupela klap long dispela op sisen.

Morea resis i bin kosa bilong Tairgarangaus long las yia, na ol i winim gren fainal. Na em i bilip olsem ol bai wokim gut long dispela op sisen resis.

Hawks bilip long winim gen taitel

VANIMO LIG

WINIS MAP i raitim

HAWKS bai nekim Works Tigers taim ol bung long gren fainal bilong Vanimo Ragbi Lig long dispela Sande.

Gren fainal bai kamap long Sande Oktoba 11. Na ol boi Hawks i no bun gurua liklik. Bikos gren fainal i no wampela nupela samting long ol. Long olgeta yia stat long 1987, Hawks i go pinis long gren fainal.

Tasol bikpela tingting bilong ol em long winim bek sil em ol i bin winim long las yia. Las yia Tigers i bungim Hawks long gren fainal na salim stret long Hawks.

Hawks i gat bikpela sans tru long winim 1992 gren fainal.

Sapos yu lukluk long planti pilaia bilong Hawks, bai yu painim olsem planti bilong ol i pilai wantaim longpela taim nau. Na ol i gat save pinis long pilai long gren fainal.

Ol boi Tigers tu i gat wankain pasin bilong pilai. Planti pilaia em ol wokman bilong Works na ol i save slip wantaim long wampela hap. Olsem na planti bilong ol i save long wanwan stail bilong ol.

Kosa bilong Tigers Kym Rowly i gat bikpela bilip olsem ol bai winim yet gren fainal. Bikos em i gat planti gutpela strongpela pilaia.

Rowly i wampela ami ensina bilong Australia. Bipo long em i go long Vanimo, em i save pilai ragbi yunien long Australia. Na em i no man nating, em i gat namba long wok kosa.

Em i bin kosim Anda 14 ragbi lig tim long Australia. Na nau em i pilaia/kosa bilong Works Tigers long Vanimo.

Tasol kosa bilong Hawks, Manu Gairo i gat strongpela bilip olsem tim bilong em bai winim gren fainal. Hawks i gat planti gutpela pilaia olsem, Danny Welly, John Ilau, David Mohei, Kaupa Kule, Patrick Reuben, Jessie Kairu, John Welly na Max Api.

Long redi long dispela bikpela de, Gairo i makim pinis namba wan 13 pilaia.

Hawks lain ap:

1. Danny Welly Fulbek
2. Max Api Rait wing
3. Kaupa Kule Ausait senta
4. Patrick Reuben Insait senta
5. Jessie Kairu Rait wing
6. John Welly Faiv eit
7. Philip Kairu Hap bek
8. Harry Wai Prop
9. Reuben Guddy Huka
10. Jerry Auta Prop
11. John Ilau Seken ro
12. Noel Geti Seken ro
13. David Mohei Lok

Vanimo lig i kam bihain tru

VANIMO em wampela senta husat i save stap bihain tru long ol kainkain spot.

Dispela hevi i save kamap long planti ol spot olsem soka, basketbal, sofbal na ragbi lig. Dispela i kamap ples klia long ragbi lig gren fainal bilong dispela yia em bai kamap long dispela wiken. Dispela em longpela taim olgeta senta i pinisim 1992 sisen.

Yumi no save husat ol lain tru bai yumi sutim tok long holim ol pilai bihain tru. Long Vanimo yu no inap sutim tok long wampela man. Olgeta man i mas kisim asua. Bikos asua i stap long olgeta lain i save pilai tana anam wok bilong ragbi lig.

Olgeta lain stat long ol pilaia, klap

opisal na Vanimo Ragbi Lig opisal i mas skelim dispela hevi. Bikos olgeta i save givim hat taim long statim gem.

Gem i no save stat hariap. Bikos ol pilaia i no save baim rejistresen hariap pastaim long taim ol opisal i makim. Wanwan klap opisal tu i no save hariapim ol pilaia long baim rejistresen fi. Na Vanimo Ragbi Lig opisal i no save painim mani hariap long baim afiliesen fi i go long PNGRFL.

Nau yet planti i ken luksave olsem bikpela asua i stap long ol pilaia na klap opisal. Ol i save isi long baim rejistresen fi. Na dispela i save givim hat taim ol lig opisal long kisim inap mani long baim afiliesen fi.



Stail i wara nating • Pilaia bilong Gerehu haikul i autim bal pinis long wan pilaia egens larowari haikul long Mosbi Skulbois lig resis fas Sande long Lloyd Robson oval. Ol studen i bin bung long opim semi fainal gem bilong Cambridge Kap resis namel long Mosbi Difens na Rabaul Muruks. Ol boi bilong larowari i winim dispela gem.

CAMBRIDGE CUP

P.N.G. Big League



POP KMAIK

<p>MAN, OLGETA MANMERI LAP NOGUT TRU NA BAGA SEM PIPIA STRET NA TEK-OFF I GO HAIT LONG DINGY...</p>	<p>NAU PRAKTIS BILONG HIRI MOALE I PINIS NA OL MERI BILONG PLES IGINIM KAIKAI LONG OL MEMBA...</p>	<p>MAIK I NO ISI LONG KAIKAI...EM WANTU WANTU LONG EN NA BEL BILONG EM PAIA...</p>
 <p>HOI, SAKU TAUNA... KAM BEK NA DANIS!! LALOKALI!</p> <p>AEEE! MI SEM YAH! OLGETA MERI LUKIM (SIGH!) PANS BILONG MI YA!!</p>	 <p>HAA! BAI MI APOINIM WANPELA MINISTA LONG LUKALITIM OL VILES NA DEVELOPMEN SEVIS!</p> <p>EMNAU, GIVIM MI DISPELA WOK!</p>	 <p>AEE! BEL BILONG MI PAIA YA! TOILET WE?</p> <p>MI NO SAVE... GO LONG BUS TASOL!</p>
<p>NAU EM I GO ASKIM WANPELA LAPUN MAN LONG TOILET BILONG OL... LAPUN I POIN I GO LONG SOLWARA...</p>	<p>BAGA INO WET... SAN YAH... EM GIVIM SIKSTI IGO LONG TOILET...</p>	<p>EM I GO INSAIT NA KIRAP NOGUT OLSEM WANPELA SAMTING INO STAP...</p>
 <p>ANAA! EM TOILET BILONG YUPELA I STAP LONG SOLWARA?</p> <p>EM NAU! YU GO HARIAP... NOGUT WANPELA MAN IGO NA OKI-PAIM TOILET!</p>	 <p>HOI! LUKIM! MAIK I GO WE?</p> <p>EM GO LONG TOILET ATING?</p>	 <p>HEY?! TOILET POT I NO STAP YAH! TRAIPELA HUL TASOL I STAP!</p>

EMS EXPRESS MAIL SERVICE

Reliable, Affordable, Speed

..... and that's the success of our business

Contact Willie or Rose on 27 4449/ 27 4321



Post & Telecom



REBO

FULL BEK BOGE BILONG SAUTEN ZON KISIM NA TEK-OFF... GEM I STAT NAU...



NAMBAWAN TAKOL BILONG GEM, NA FULL BEK KISIM TAIM STRET... TRENING BILONG REBO LONG BEG WESAN IKARIM KAIKAI...



NAU BOGE I PILAIM BAL I GO... BODI BILONG EM I PEN LIKLIK...



TASOL OL SAUTEN ZON I GAT OL LIKLIK TRIK BILONG OL TU I STAP... BAL I NO STAP LONG WANPELA PILAIM TASOL... IGO AUT...



OL TROMOI BAL IGO IKAM NAU NA KEPTAN BILONG OL I LUKIM LIKLIK GEP NA EM SUT IGO INSAIT TASOL...



TASOL REBO I NO GINIM EM SANS... EM HOLIM EM GUT TRU NA TROMOI EM I GO AUTSAIT LONG LAH...



EM NAU! WANTOK

NIUSPEPA BILONG YUMI STRET OL GRAS RUTS BILONG PAPUA NIUGINIYA!

Musik TELEVISION Komik

Telek katim bel isi kaset wantaim CHM

WANPELA biknem solo musikman bilong Rabaul, George "Telek" Mamua i sainim pinis kontrak bilong katim singsing wantaim Chin H Meen studio.

Na i lusim Pacific Gold husat i bin helpim em inap long planti yia nau.

Long wok bilong musik, Telek wantaim musik ensinia, Thomas Lulungan i katim pinis narapela kaset bilong em wantaim Chin H Meen studio. Na ol i wok long stretim nau ol musik na singsing long dispela kaset.

Wanpela singsing insait long dispela nupela kaset bilong Telek we inap kisim planti sapat em dispela singsing we i sut long pasin bel isi, amamas na gutpela sindaun. Dispela singsing i stori long pasin bel isi insait long kantri na wol.

Insait long dispela singsing tu i gat ol kain kain pairap na nois bilong bikbus bilong Papua Niugini. Dispela em ol kain kra i bilong ol pisin, diwai i meknais na win i ron namel-long ol lip bilong diwai.

Na olgeta toktok bilong dispela bel isi singsing i stap long Tok Pisin.



THURSDAY - 8TH OCTOBER, 1992		EMTV		FRIDAY 9TH OCTOBER, 1992	
6.00	STATION OPEN	6.00	TEST PATTERN	12.00	To be advised (G)
6.30	ITN NEWS	6.27	AND MUSIC	12.30	GILLETTE
7.00	TODAY SHOW (G)	6.30	STATION OPEN	1.00	CRICKET
8.58	EMTV TOKSAVE	6.30	ITN NEWS (G)	4.55	QLD vs STH AUST
9.00	STATION CLOSE	7.00	TODAY SHOW (G)	5.00	CHINE H MEEN SUPERSOUND NEW RELEASE
1.27	STATION RE-OPEN	8.58	EMTV TOK SAVE	6.00	BEYOND 2000 (PGR)
1.30	MIDDAY SHOW	9.00	STATION CLOSE	6.00	NATIONAL EMTV NEWS
2.30	WITH RAY MARTIN (PGR)	1.00	STATION RE-OPEN	6.30	HEY HEY IT'S SATURDAY
3.30	SESAME STREET (G)	1.22	CHIN H MEEN SUPER-SOUND NEW RELEASE	8.30	AUSTRALIA'S FUNNIEST HOME VIDEO (G)
4.00	KIDS KONA	1.27	EMTV TOKSAVE	9.00	JAKE AND THE FATMAN: "My Buddy"
	Sesame Street	1.30	MIDDAY SHOW (PGR)	10.00	MTV MAO
	KIDS KONA	3.00	SESAME STREET (G)	00.00	NATIONAL EMTV NEWS Replay
	Paradise Club	4.00	KIDS KONA	00.27	MEDIATION WITH PASTOR WALO ARNI
	Fat Cat (G)	4.30	FAT CAT	00.30	STATION CLOSE
4.30	QUICK DRAW McGRAW	4.30	QUICK DRAW McGRAW (G)	SUNDAY 11TH OCTOBER, 1992	
5.00	BEWITCHED	5.00	BEWITCHED (G)	10.57	STATION OPEN
	"My What Big Ears You Have"	5.27	EMTV TOK SAVE	11.00	WIDE WORLD OF SPORTS
5.27	EMTV TOK SAVE	5.29	EMTV NEWS BREAK	12.00	CRICKET
5.29	EMTV NEWS BREAK	5.30	HOME & AWAY (G)	3.30	LUMEN 2300 (G)
5.30	HOME AND AWAY (G)	6.00	NATIONAL EMTV NEWS	4.00	CRICKET (G)
6.00	NATIONAL EMTV NEWS	6.30	A CURRENT AFFAIR (G)	5.55	CHIN H MEEN SUPER-SOUND NEW RELEASE
6.30	A CURRENT AFFAIR	7.00	SALE OF THE CENTURY	6.00	NATIONAL EMTV NEWS
7.00	SALE OF THE CENTURY	7.00	CHIN H MEEN SUPER-SOUND NEW RELEASE	6.30	WONDERFUL WORLD OF DISNEY: "Disneyland Showtime"
7.25	CHIN H MEEN SUPER-SOUND NEW RELEASE	7.25	NEIGHBOURS (G)	7.30	60 MINUTES (G)
7.30	NEIGHBOURS (G)	7.30	NEIGHBOURS (G)	8.30	CHIT CHAT WITH SIR PAULIAS MATANE
8.00	THE COSBY SHOW: "An Early Spring"	7.55	NCDC NEWS	8.35	SUNDAY NIGHT (PGR)
8.27	RUGBY UNION ROUND UP	8.00	BURKE'S BACKYARD (G)	10.30	MOVIE: "Firewalker"
8.30	ALL TOGETHER NOW: "Winner Takes It All"	8.57	EMTV TOK SAVE	10.30	GUNSMOKE (G)
9.00	THE GOLDEN GIRLS: "Just Between Friends" (PGR)	9.00	FRIDAY NIGHT (PGR)	11.30	NATIONAL EMTV NEWS
9.30	MARRIED WITH CHILDREN: "Peggy Loves Al"	10.30	HAWAII 5-0: "Right Grave Wrong Body" (PGR)	11.57	MEDIATION WITH PASTOR WALO ARNI
10.00	HEY DAD (G)	11.30	NATIONAL EMTV NEWS	00.03	STATION CLOSE
10.55	CHIN H MEEN SUPER-SOUND NEW RELEASE	00.57	MEDIATION WITH PASTOR WALO ARNI		
11.00	NATIONAL EMTV NEWS	00.00	STATION CLOSE		
11.27	MEDIATION WITH PASTOR WALO ARNI	00.00	SATURDAY 10TH OCTOBER, 1992		
11.30	STATION CLOSE	8.57	STATION RE-OPEN		
		9.00	CRICKET (G)		
		10.30	SKY ROCK (G)		



WARNING!!

A man gets up in the morning washes himself with advertised soap, shaves with advertised foam & razor, brushes his teeth with advertised toothpaste, puts on his advertised designer label clothing, drives into work in his new advertised car, arrives and switches off his advertised burglar alarm, turns on his advertised till and waits for people to shop with him.

He receives a telephone call from a newspaper and gets them off the phone by saying he doesn't believe in advertising.



QUESTION: Why is it then when his business is close to crumbling he will advertise it for SALE?

ANSWER: BE WISE AND ADVERTISE

Call our advertising department for details of how you can reach thousands of our readers with your MESSAGE.

Tel: 25 2500

WANTOK

PNG's Tok Pisin newspaper

THE TIMES

PNG's award winning newspaper

BUSINESS

reporting on the business community

SPORT
Weekend

for complete sport coverage

Wantok

Digitized version made available by



Copyright: Under copyright

Rights Holder: Word Publishing Company Limited

Use: This digital version is made available from the UC San Diego Library under a license granted by the Word Publishing Company Limited. This digital copy of the work is intended to support research, teaching, and private study.

Constraints: This work may be protected by copyright law. Use of this work beyond that allowed by the applicable copyright statute requires the written permission of the copyright holder(s). Responsibility for obtaining permissions for any use and distribution of this work rests exclusively with the user and not the UC San Diego Library. Inquiries can be made to the UC San Diego Library program having custody of the work.

Note on digitized version: Some of the digital versions presented here reflects the quality and contents of the microfiche. Problems which have been identified include misfiled or out-of-order pages, illegible text; these problems have been rectified whenever possible.